


Գիտ. խմբագիր՝ ՍԱՐԳԻՍ ՀԱՐՈՒԹՅՈՒՆՅԱՆ  
Խմբագիր՝ ԴԱՎԻԹ ՀՈՎՀԱՆՆԵՍ



*Ինչպարիչ, Գոթալիսո շառչ Մեզ Եւ օտակ յսս Եւ*

Հ 4803010200 (194) ...81 «Տ»  
705 (01) 81



## ԱՌԱՋԱԲԱՆ

Երբ 1978 թ. «Պիոներ-կանչի» համարներից մեկում տպագրվեց հանրապետության դպրոցականներին ուղղված կոչ՝ իրենց մեծերից գրառելու և խմբագրություն ուղարկելու բանահյուսական նյութեր, դրանցից լավագույնները թերթում տպագրելու խոստումով, իսկն ասած, իմ և գործընկերներիս մեջ փոքր-ինչ անվստահություն առաջացավ նախաձեռնության նպատակի և հաջող իրագործման նկատմամբ: Պատճառն, իհարկե, անհիմն չէր. հրապարակի վրա կային վերջին տասնամյակներում հրատարակված բազմաթիվ բանահյուսական ժողովածուներ, այդ թվում՝ առած-ասացվածքների, ավանդությունների, հանելուկների, մանկական երգերի, հեքիաթների համահավաք բնագրերը, որոնցից կարող էին մեծ չափով օգտվել մանուկներն ու պատանիները: Բայց առաջին արձագանքները և, մանավանդ, թերթում տպագրված բանահյուսական անդրանիկ նմուշները փարատեցին այդ անվստահությունը: Ավելին. Հայաստանի և հարևան հանրապետությունների հայաշատ շրջանների հայկական դպրոցների աշակերտության մեջ ծայր առավ բանահավաքչական մի իսկական շարժում: Իմ առջև են, ահա, մի շարք թղթապանակներ՝ լցված մանկական վարժ ու անվարժ ձեռագրերով գրառված նյութերով: Դրանք ժողովրդական տարբեր բնույթի երգեր են, հանելուկներ, առած-ասացվածքներ, հեքիաթներ, առակներ, ավանդական և իրապատում գրույցներ, անեծքներ և օրհնանքներ՝ գրված հայոց լեզվի տարբեր բարբառներով ու խոսվածքներով, գրագիտության տարբեր մակարդակով: Գրողները մեկուկես հազարից ավելի դպրոցականներ են՝ 2 — 10-րդ դասարանների աշակերտներ, որոնք սովորում ու բնակվում են Հայաստանի տարբեր քաղաքներում ու գյուղերում, Վրաստանի և Ադրբեջանի հայաբնակ շրջաններում: Երևույթն ինքնին խիստ ուշագրավ է և բարձր գնահատման արժանի: Հայ մանուկների ու պատանիների մի ամբողջ սերունդ լծվել է մի ազնիվ, ինքնատիպ ու ինքնուրույն աշխատանքի. իրեն շրջապատող տարեց մարդկանց, հարազատների ու բարեկամների հիշողության ծալքերից դուրս կորզել նրանց հոգու երեկվա մրմունջները, իմաստուն գրույցներն ու իմաստալից խոսքերը, զվարճալի պատումներն ու հանելուկները, մի խոսքով ժողովրդական բառ ու բանի գրեթե այն բոլոր նմուշները, որոնք տակավին շարունակում են ապրել: Փույթ չէ, թե պատանեկան այդ գրառումներից շատերը հանրահայտ բանահյուսական նմուշներ են, քանիցս տպագրված, փույթ չէ, թե դրանք գրառված են անվարժ ձեռագրերով ու սխալաշատ, փույթ չէ անգամ, որ դպրոցականներից ոմանք, ընտրելով դյուրին ուղին, մանկան միամտությամբ արտագրություններ են կատարել իրենց տանը եղած բանահյուսական տպագիր ժողովածուներից կամ ուղարկել սեփական-անհատական ստեղծագործություններ: Կարևորն այն է, որ դպրոցական պատանի սերնդի

մեջ բուռն սեր ու հետաքրքրություն էր արթնացել հայրենի բանավոր ավանդության նկատմամբ, իր հոր և մոր, տատիկի ու պապիկի, հորաքրոջ կամ մորաքրոջ, հորեղբոր կամ քեռու իմացածի նկատմամբ: Դա հայրենի ավանդների հանդեպ մատաղ սերնդի հարգալից վերաբերմունքի արթնացման և մշակման, այդ սերնդի հոգում ավանդների գնահատման և արժեքավորման, իր ուժերը այդ ավանդների փրկության մեջ ներդնելու մի գեղեցիկ երևույթ է, որ գալիս է մեծապես նպաստելու պատանության բարոյական ու գործնական դաստիարակությանը: Իսկ հայրենի ավանդների գնահատումը ազգային ինքնագիտակցություն է, միաժամանակ անցյալի և ներկայի, հետևաբար և ապագայի հոգևոր-մշակութային կապի կենսունակացում և արժեքավորում: Բայց երևույթի արժեքը սուկ այդ կողմով չի սպառվում:

Աշակերտների գրառած այդ բազմաթիվ ու բազմապիսի նյութերի մեջ կան շատ այնպիսիք, որոնց մի մասը կամ բովանդակությամբ նորությունն է և առաջին անգամ է գրառվում, կամ էլ հայտնի ստեղծագործությունների ինքնատիպ տարբերակներ են, ասված ու գրառված ժողովրդական-բարբառային կենդանի ու պատկերավոր ոճով: Դրանք լիարժեք բանահյուսական ստեղծագործություններ են, բնագիտության համար խիստ արժեքավոր: Հայ բանահյուսության գրառված ժառանգությունը, մեր պատանի դպրոցականների կուլեկտիվ ջանքերի շնորհիվ, համալրվում է բանահյուսական տարբեր ժանրերի հազարավոր նմուշների նոր գրառումներով, հանգամանք, որ ինքնին խոսուն վկայություն է նոր սերնդի հայ բանագիտությանը բերած գնահատելի նպաստի մասին:

Այդ գրառումները տրամադրվել են Հայաստանի գիտությունների ակադեմիայի հնագիտության և ազգագրության ինստիտուտի բանահյուսական արխիվին, որտեղ դրանք ենթարկվել են արխիվային վերամշակման, կազմել մեկ առանձին ամբողջական ֆոնդ, որը այսուհետև մասնագետ հետազոտողները կդնեն գիտական շրջանառության մեջ: Այդ ֆոնդի մեծագույն առանձնահատկությունն այն է, որ դրանում առկա բանահյուսական բազմազան ու բազմաթիվ նյութերը տարբեր վայրերից համաժամանակյա գրառումներ են, կատարված բացառապես մանուկների ու պատանիների կողմից: Իսկ բանագիտության համար գրառողների տարիքային հատկանիշները, գրառման վայրն ու ժամանակը կարևոր նշանակություն ունեն բանահյուսական երկի որոշակի առանձնահատկություններ պարզաբանելու տեսակետից: Բայց ամենաեականն այն է, որ հայ բանահյուսության գրառված ժառանգության մեջ մանկապատանեկան գրառումներ մինչև այժմ խալառ չկային, իսկ այդ ֆոնդով հայ բանահավաքչությունը միանգամից համալրվում է մի նշանակալից նորությամբ, գրառողների տարիքային մի նոր ցուցանիշով մանկապատանեկան հասակով, որն ունի և պատմական, և գիտական ուրույն նշանակություն:

Նշածս այս բոլոր հանգամանքների ընդհանուր գիտակցությամբ է առաջնորդվել պատանեկան բանահավաքչության գործի նախաձեռնող Սերգեյ Վարդանյանը: Վերջինս ինքնամոռաց նվիրումով, բայց և գործի գիտական, հասարակական ու դաստիարակչական նշանակության խոր գիտակցությամբ ոչ միայն կազմակերպել է ու արդյունավորել այդ ինքնատիպ շարժումը, այլև այս գրքով այն մղել մինչև վերջ, արխիվային-ձեռագրային վիճակից կամ «Պիոներ-կանչի» սահմանափակ էջերից բանահյուսական նյութերը դուրս բերելով գրական ասպարեզ, դարձնելով գիրք, ընթերցող լայն խավերի սեփականություն:

Սերգեյ Վարդանյանը այս ժողովածուն կազմելիս հանդես է բերել մասնագիտական հմտություն և պատշաճ բանիմացություն: Նա մանուկների ու պատանիների կատարած բազմաթիվ ու մեծաքանակ բանահյուսական գրառումներից գիտական խստապահանջու-

թյամբ ու գրական ճաշակով ընտրել, ըստ ժանրերի ու տեսակների խնամքով դասդասել, ծանոթագրել է բանահյուսական իսկատիպ նմուշները, դարձրել մի ամփոփ ու ամբողջական ժողովածու, որն անկախ իր հատընտիր բնույթից, ընդհանուր ճաշակ ու գաղափար է տալիս պատանի բանահավաքների գործի արդյունքների հիմնական արժեքի մասին:

Ժողովածուն խորագրվել է գրքի սկզբում զետեղված հեքիաթի ավանդական, բայց խոսուն վերնագրով «Հրեղեն ձին», որը ընթերցողի միտքն անմիջապես մղում է բանահյուսության ռոմանտիկական, երփներանգ աշխարհը: Ճիշտ է, գրքում հրաշապատում հեքիաթներ ու զրույցներ քիչ կան, բայց վերնագիրն ընդհանրապես հուշում է ժողովածուի բանահյուսական բնույթը:

Գիրքն ընդգրկում է հիսունհինգ ժողովրդական հեքիաթներ, առակներ, ավանդական և իրապատում զրույցներ, շուրջ 250 տարբեր երգեր ու խաղիկներ, 360-ից ավելի հանելուկներ, շուրջ 320 առած-ասացվածքներ, որոնք մեծ մասամբ հանրահայտ բանահյուսական ստեղծագործությունների տեղական տարբերակներ են, իրենց բարբառային համ ու հոտով, իսկ մի մասը՝ բանահյուսական նորահայտ նմուշներ են, երբեմն տեղական ազգագրական միջավայրին միայն բնորոշ և այդ միջավայրից տակավին դուրս չեկած ու չտարածված:

Ուշագրավ են այս առումով բանավոր արձակի այն նմուշները («Աբլրուհարցի Ալուն», «Չուխա, խաց կեր», «Ծուռ Թումոն», «Անգախ արլորը», «Լենին», «Նավթի լամփ»), որոնք լինելով տեղական իրապատում զրույցներ, կապված որոշակի անձանց հետ կամ միացել են ավանդական սյուժեներին, գաղափարականացվել, ձեռք բերել բանահյուսական նկարագիր, կամ մնացել տեղական զրույցների սահմաններում, բայց օժտված ժողովրդական պատումի բոլոր հատկանիշներով: Իսկ երգերի մեջ կան այնպիսիները («Ախ, իմ Մուրադ», «Երգ սիրահար տղայի», «Օրորոցային», «Զուգերգ-պարերգ»), որոնց վրա թեպետ նկատվում է բանասաց հորինողի անհատականության դրոշմը, բայց դրանք, հորինված լինելով բուն ժողովրդական ոգով, ավանդական երգարվեստի արտահայտչամիջոցներով ու բանաձևերով, դարձել են տեղական ինքնատիպ երգեր և այդ տեսակետից էլ ուշագրության արժանի:

Սերգեյ Վարդանյանը նյութի ընտրությունը կատարելիս ելել է նրա և գաղափարից, և գեղարվեստական հատկանիշներից: Այդ է պատճառը, որ գրքում զետեղված բանավոր արձակի նմուշների ճնշող մեծամասնությունը հատկանշվում է բարոյախրատական ու բարոյակրթական խոր իմաստով: Դրանք հեքիաթներ, առակներ կամ զրույցներ են քաջության, արիության, արդարության, ազնվության, չարի ու չարիքի դեմ մաքառման մասին, հիմարության, ծուլության, ազահության դատապարտման, աշխատանքի ու աշխատասիրության, խելքի ու սրամտության և բարոյական ներքին այլ արժանիքների խրախուսման մասին: Միաժամանակ դրանք գեղեցիկ պատումներ են, մարդկային անվնաս թուլությունների ու թերությունների նկատմամբ ժողովրդական վարակիչ ծիծաղով ու առողջ հումորով հագեցած:

Գրեթե միևնույն գաղափարներով են հատկանշվում գրքում զետեղված, երիտասարդական անմեղ ու անմիջական սիրային գեղումներ արտահայտող փոքրիկ երգերը խաղիկները, մարդկային կյանքի բոլոր բնագավառները շոշափող, ժողովրդի դարավոր կենսափորձից բխած, բազում սերունդների կողմից հավաստված ու հաստատված իմաստուն պատգամները՝ առած-ասացվածքները, մարդկային, հատկապես մանկական միտքն ու սրամտությունը մարզող ու փորձող պատկերավոր հանելուկները:

«Հրեղեն ձին» իր ընդգրկած նյութի տեսակներով, քանակով ու որակով բանահյուսական մի ամփոփ ու ամբողջական ժողովածու է, ժողովրդական ընթերցանության մի իսկական

գիրք, որ հավասարապես սիրելի պիտի լինի թե՛ մանուկների ու պատանիների, թե՛ մեծահասակների համար: Այն միաժամանակ բանահյուսական նյութերի մի տպագիր սկզբնաղբյուր է, որից կարող են անվերապահ օգտվել մեր ժողովրդագետները: Այստեղ շնորհակալական խոսք պետք է ասել նաև «Սովետական գրող» հրատարակչության հասցեին, որը տպագրելով այս գիրքը, պատշաճն է հատուցել մատաղ բանահավաք սերնդի թափած ազնիվ ու անձնադիր ջանքերին, և «Հրեղեն ձին» այդ իմաստով դառնում է այդ սերնդի աշխատանքի գնահատման մի մնայուն հուշարձան:

**ՍԱՐԳԻՍ ՀԱՐՈՒԹՅՈՒՆՅԱՆ**  
Բանասիրական գիտությունների դոկտոր





## ԵՐԿՈՒ ԽՈՍՔ

ժողովրդական բանահյուսության տարբեր տեսակների գրառումն ու հրատարակությունը հայ իրականության մեջ ունի մեկ հարյուրամյակից ավելի պատմություն. բայց բանահյուսական ստեղծագործությունների նկատմամբ մեր օրերում հետաքրքրությունն ավելի է մեծացել, դարձել է գիտական հաստատությունների հետազոտության առարկա: Այսօր գիտական արշավախմբերն ու առանձին անհատներ եռանդով հավաքում են բանահյուսական նյութեր, կորստից փրկում ժողովրդի հոգևոր մշակույթի բազմաթիվ արժեքավոր նմուշներ:

Եվ ուրախալի է, որ այս հայրենական աշխատանքում իրենց համեստ մասնակցությունն են բերում նաև դպրոցականները: Մեր նախաձեռնությամբ 1978 թվականին «Պիոներ-կանչի» մայիսյան համարներից մեկում տպագրվեց հանրապետության դպրոցականներին ուղղված կոչ՝ գրառելու, կորստից փրկելու ժողովրդի ստեղծած բանահյուսական արժեքները: Մա նաև այլ նպատակ էր հետապնդում՝ մատուղ սերնդին ծանոթացնել, նրա շրջանում տարածել հարազատ ժողովրդի բանահյուսությունը և սեր, հոգատար վերաբերմունք դաստիարակել ժողովրդական բառ ու բանի նկատմամբ:

Շուտով ստացվեցին առաջին գրառումները՝ հեքիաթներ, գրույցներ, ավանդություններ, երգեր ու խաղիկներ, հանելուկներ, առածներ ու ասացվածքներ: Շատ չանցած, գիտակցելով գործի կարևորությունը, ավելի ու ավելի շատ դպրոցականներ անցան գործի: Հարյուրավոր նամակներ ստացվեցին ոչ միայն Հայաստանից, այլև Ադրբեջանի հայաշատ մայրերից, Լեռնային Ղարաբաղից ու Նախիջևանից, Վրաստանի հայկական դպրոցներից ու Աբխազիայից, ՌՍՖՍՀ Կրասնոդարի երկրամասից: Շուտով մեր թղթակիցների թիվն անցավ հազար հինգ հարյուրից: Նրանց գործնական օգնություն ցույց տվեցին ՀՍՍՀ ԳԱ ակադեմիկոս Արամ Ղանալանյանի, բանասիրական գիտությունների դոկտոր Սարգիս Հարությունյանի, բանասիրության թեկնածուներ Նելլի Հակոբյանի ու Մառլենա Մուրադյանի՝ բանահյուսության ժանրերին, գրառման եղանակներին և հայ բարբառներին նվիրված հոդվածները, որոնք տպագրվեցին «Պիոներ-կանչում»: Պատանի բանահավաքներին իրենց խորհուրդներով օգնեցին ազգագրական երգերի անզուգական կատարող Հայրիկ Մուրադյանն ու արձակագիր Սերո Խանզադյանը:

Եվ այսպես, կուտակվել էր բավական շատ նյութ, որի մի մասը, շուրջ երկու տարի, պարբերաբար, ամիսը մեկ անգամ տպագրվում էր թերթի «Պատանի բանահավաք» էջում: Այս աշխատանքի ընթացքում էլ հղացավ հավաքված նյութը խիստ ընտրությամբ առանձին գրքով հրատարակելու միտքը: Տրոշվեց նաև ամբողջ նյութը հանձնել ՀՍՍՀ ԳԱ հնագիտության և ազգագրության ինստիտուտին՝ ի տնօրինություն:

Այն պարագան, որ երեխաների միջոցով բանահյուսական նյութեր հավաքելու և առանձին գրքով հրատարակելու որևէ այլ փորձ մեզ անհայտ էր, զգալիորեն դժվարացնում էր մեր աշխատանքը: Նախ տարբերակեցինք հարյուրավոր նամակներում սփռված խառը նյութերը՝ ըստ ժանրերի, ապա համեմատեցինք արդեն հայտնի և տպագրված տարբերակների հետ:

Գրքում զետեղված հեքիաթները, զրույցները, ավանդությունները անտիպ նյութեր են կամ նորահայտ, որոշակի հետաքրքրություն ներկայացնող տարբերակներ, որոնք խմբավորել ենք ըստ տեսակների և թեմատիկ նմանության: Խաղիկները, հանելուկները և առած-ասացվածքները դասդասելիս առաջնությունը տվել ենք անտիպներին, ապա նորահայտ տարբերակներին, բայց որոշ նկատառումներով ընդգրկել ենք նաև երեխաների հավաքած այն նմուշները, որոնք ժամանակին հրատարակվել են այս կամ այն գիտական ժողովածուում: Խաղիկները խմբավորել ենք ըստ հանգերի, հանելուկները՝ ըստ թեմաների, իսկ առածներն ու ասացվածքները՝ այբբենական կարգով: Բարբառային բառերի բացատրության համար տեքստերի վերջում զետեղել ենք համապատասխան բառարան:

Մանրթագրություններում տեղեկություններ ենք տվել այս կամ այն հեքիաթի, երգի ասացողի և գրառողի մասին, որքանով որ դրանք իրենց նամակներում հաղորդել են պատանի բանահավաքները: Նշել ենք նաև այն գրառողների անունները, որոնք մեզ են ուղարկել 20-ից ավելի խաղիկներ: Հանելուկներն ու առած-ասացվածքները չենք ծանոթագրել, բանի որ դրանցից գրառել են «Պատանի բանահավաք» շարժման գրեթե բոլոր մասնակիցները:

Քանի որ այս գիրքը նախատեսված է պատանի ընթերցողի համար, ուստի խուսափել ենք գիտական տառադարձությունից: Պահպանելով բարբառը, որով գրառվել է նյութը, պարզեցրել ենք ուղղագրությունը: Երբեմն օտար և անհասկանալի կամ խիստ սահմանափակ գործածվող բառերը փոխարինել ենք տվյալ բարբառի համապատասխան հայերեն հոմանիշներով: Երբեմն դիմել ենք նաև գրական հայերենին՝ ջանալով չկորցնել տվյալ բարբառի համն ու հոտը: Նկատի ունենալով, որ Համշենի բարբառը բավական դժվարամատչելի է, այդ բարբառով գրառված նյութերը ամբողջովին փոխադրել ենք գրական հայերենի, իսկ խաղիկների, հանելուկների, առածների ու ասացվածքների դեպքում՝ զետեղել ենք նաև բարբառային բնագիրը:

Ասացինք, որ մեր խնդիրն է եղել, նախ երեխաների միջոցով հավաքել և կորստից փրկել բանահյուսական որոշակի նյութեր, ապա նրանց շրջանում տարածել ժողովրդական բանահյուսությունը, սեր և հարգանք արթնացնել վերջինիս նկատմամբ: Կարծում ենք, որ այս ժողովածուն կնպաստի դրան: Իսկ եթե այս բանահյուսական նյութերի հավաքմանը մասնակցած շուրջ հազար հինգ հարյուր դպրոցականներից ոմանք ապագայում ևս շարունակեն զբաղվել բանահավաքչությամբ, ապա մեզ լիովին վարձահատույց կզգանք:

ՍԵՐԳԵՅ ՎԱՐԴԱՆՅԱՆ





## ՀՐԵՂԵՆ ՁԻՆ



ի մարդ ու կնիկ են ըլում. դրանք ըրեխա չեն ունենում: Մի օր եղ մարդը գնացած ա ըլում չութ վարող: Մի փայ հըվաքող ա գալիս դրանց գեղը, դրանց տանը ղոնաղ ընգնում, ասում ա.

— Քիրա ջան, թող սրանք ըստի կենան, ես մի երկու տուն էլ գնամ:

Եղ կնիկը փայ հըվաքողին մի քանի խան ալիք ա տալիս:

— Ա՛յ կնիկ, խալիսը գդալով ու աբռով ա տալիս, դու իրեք խան:

— Հա՛, բան չկա, ես ու մարդս ենք, ըրեխա չունինք, ի՞նչ տի ուտիլ:

Եղ փայ հըվաքողը դրան իրեք հատ խնձոր ա տալիս, ասում ա.

— Դրեք թերեքումը, իրեք տարուց եղը մինը դառնալ տի ոսկեքանքով տղա, մինը՝ իմաստուն ձի, մինը՝ էլի իմաստուն շուն:

Դուզ իրեք տարուց եղը ձիուն, տղին ու թագուն վեր են բերում: Թե խալիսի տղերքը օրերով են վենձանում, էս տղեն ժամով ա վենձանում: Էս տղեն շատ հնգերտինք ա ունենում: Մի օր էս տղեն գալիս ա տուն: Մինչև տուն մտնելը վազում ա ձիու կուշտը: Տեսնում ա՝ ձիու առաջի երկու ոտը գեղնումը թաղված ա, ձին էլ լաց ա ըլում:

— Վա՛յ, ձի ջան, եղ ի՞նչ օրն ես ընգել:

— Լաց մի՛ ըլիլ, տեր իմ: Անգաճ արա, ինչ եմ ասում: Էս երգրի թագավորը իմացել ա իմ հունարի մասին, մարդիկ ա ղրկել, որ գան քեզ սպանեն, ինձ էլ տանեն իրա ախոռը: Գնա քու հնգորտանցի մի քանի հատ հաց ձարե բի, փախնենք ուրիշ երգիր:

Տղեն գնում ա, ձարում:



— Դե՛ պլետս վի կալ, ինչքան ուժ ունիս, էնքան էլ ավելացրու ու փորիս տակին հենց վրա բի, որ մի ձող կաշի բըցրանա: Եթե տաս ոչ, — ասում ա, — համ ես եմ կորած, համ դու:

Տղեն ձիուն նստում ա, փորի տակին հենց տալիս ա, որ մի ձող կաշի ա ծուլ ըլում: Ձին դուս ա գալիս, թռչում երգինքը: Մխելի գնում ա, վերջը մի տեղ վեր ա գալիս: Մի չորբան ոչխար ա արածացնելիս ըլում: Ասում ա.

— Ա՛յ չորբան, արի՛ ըստի:

Չորբանը զըրմանում ա: Էս ճորդիան դուս էկավ էս մարդը: Վախում ա, թե մողիկանա: Ինչքան կանչում ա, գնում չի:

— Ա՛յ մարդ, խու բեզ ուտել չտիմ, արի, էլի:

Դողդողալով գալիս ա:

— Շորերդ հանե՛:

Չորբանը լաց ա ըլում.

— Խի՛ ես ինձ տանջում, խեղձ մարդ եմ:

— Ա՛յ մարդ, բեզ ճվ ա տանջում, շորերդ հանե՛:

Վերջը հանում ա: Էս տղեն իրա թագա շորերը չորբանին ա տալիս, նրա գրչերը հագնում:

— Չորան, ինձ գառան մորթի տուր:

Գառան մորթի ա տալիս: Գլխին ա դնում, իրա անումը դնում ա Քաչալ, էլի երգինք ա թռչում:

— Տե՛ր, բեզ մեղա, ճորդիան էկավ, դվճրը կորավ:

Քաչալը գնում ա մի թագավորի երգիր: Ձին ասում ա.

— Դու գնա թագավորի պալատումը ծառայե, երբ պետք գամ, մագիցս վի կալ, կվառես, կգամ:

Տղեն մագ ա պոկում ձիուցը, ձին կորչում ա:

Քաչալը գնում ա պալատը:

— Թագավորն ապրած կենա, ծառա չեն վեր ունիլ: Ի՛նչ ասես, կանեմ:

— Մեր բաղմանչին պառավել ա, կարմս նրա տեղը աշխատես:

— Կարամ, թագավորն ապրած կենա:

Տղեն սկսում ա բաղը բեջարել: Մի օր թագավորի իրեք աղջկերքը գնում են բաղը ման գալու: Քաչալի փափախը թեքված ա ըլում: Էդ աղջկերանցի պուճուրը տենում ա, որ Քաչալի ոսկի մագերը պսպղում են արևի տակին: Ուզում չի քվերտինքը տենան, ճչում ա.

— Վա՛յ, փորս, վա՛յ, գլուխս, վա՛յ, ձեռս, վա՛յ, ոտս:

Քվերտինքը զոռով տուն են տանում: Մթամ հիվանդ էր, մի էրկու օրից եղը սըղանում ա:

Թագավորը իրա էրկու աղջկանը մարդի ա տալիս, պուճուրը գնում չի: Հերը ինչքան համոզացնում ա, ըլում չի: Հերն ասում ա.



— Մի վենձ կարմունջ սարքեցեք:

Սարքում են: Աղջկանը վերևը կանգնացնում ա, իրեք հատ խնձոր տալիս: Իրա երգրումը ինչքան ազատ տղա կա, բերում ա անցկացնում: Աղջկանն ասում ա.

— Որին հըվանես, խնձորով տուր:

Գալիս են անցկենում, մինն էլա տալիս չի:

— Ո՛ւմ ենք մոռացել:

Մինն ասում ա.

— Քաջալին մտահան ենք արել:

Քաջալին բերում են, ուզում են անցկացնեն թե չէ, իրեք խնձորն էլ գլխովն ա տալիս: Թագավորը նեղանում ա: Դրանց մի փուլ էկած տուն ա տալիս, որ միջին ապրին: Փետեքն էլ Քաջալին մարդի տեղ չեն դնում: Օրերից մի օր էս թագավորը գեշ հիվանդանում ա, ասում ա.

— Ինձ մենակ անմահական խնձորն ու ջեյրանի կաթը կբուժե:

Էրկու փեսեն ճամփա են ընգնում, գնում մի ոչխար են կթում, հանդի խնձոր քաղում, եղ են դառնում: Թագավորը նեղանում ա, որ իրան խաբում են: Մին էլ ա դրգում: Քաջալը կնգանն ասում ա.

— Գնա՛ հորդ ասա, թողու ես էլ գնամ:

Աղջիկը գնում ա, հորն ասում ա.

— Ա՛յ հեր, ես էլ մարդ եմ, ես էլ նրան եմ սիրում. ինչ անենք, որ մեր ծառան ա, էլի մարդ ա: Թող ինքն էլ գնա:

— Որ ուզում ա, թող գնա:

Քաջալը մազը վառում ա, ձին գալիս ա:

— Ձի ջան, անմահական խնձոր, ջեյրանի կաթն ա պետք, կարանք ձարենք:

— Երբ սիրտդ ուզե, տեր իմ:

Տղեն նստում ա ձիուն, ձին երգինք ա ծուլ ըլում: Գնում ա չորանի կուշտը:

— Բարի օր, չորան ջան, ինձ ճընաչում ես:

— Հա՛, բա՛ ինչ եմ անում:

— Ըստի մարդ տի գալ, էրկու ջահել տղա: Որ գան, կասեն՝ ջեյրանի կաթն ենք ուզում, անմահական խնձոր, կասես՝ մի մարդ ա էկել, պետք ա իրավունք վիր ունիմ: Դու կրակ արա, շամփուրնին վրին դիր, պողանան:

Չորանը կրակ ա վառում, թագավորի էրկու փեսենին գալիս են:

— Չորան ախպեր, սհենց-սհենց բանի հըմար ենք էկել:

— Ըստի մի մարդ կա, նրան հարցնեմ, հետո թե թողու՛ կտամ:

Քաջալը գալիս ա:

— Պետք ա էս շամփուրներով քամակներուդ դաղեմ, հետո կտամ:

Համաձայնվում են: Քաչալը շամփուրնին կրակի վրիցը վիր ա ունում, քամակներուն դաղում, իծի կաթը տալիս, վայրի խնձոր ու դրգում: Ինքը ձիուն նստում ա ու թռչում:

Ձին մի տեղ վեր ա գալիս, ասում ա.

— Գնա՛, ծառից քաղե՛:

Տղեն քաղում ա:

— Քիչ վախտից եղը ջեյրանը գալ տի: Որ ջուր խմելիս ըլի, դու դուս կգաս: Հենց ուզենա քեզ ոտքե, կասես՝ տերդ եմ: Կխելոքանա, կկթես:

Ջեյրանը ճաշվա շոգ վախտը գալիս ա, ջրի վրա ընգնում, խմում: Տղեն դուս ա գալիս: Ջեյրանն ուզում ա ոտքե, տղեն ասում ա.

— Տերդ եմ:

Ասում ա ու սկսում կթելը: Կթում ա, պրծնում, ձիուն նստում, թռչում: Գալիս ա տենում՝ նրանք նոր են ձիուցը վեր գալիս: Էն էլ վայ են նստելուն, որ նստել են: Նրանք գնում են թագավորի պալատը: Թագավորը տենում ա, որ էլի իրա ուզածը չի: Քաչալը կնգանն ասում ա.

— Գնա հորդ ասա՛ Քաչալը բերել ա, գա՛:

Կնիկը գնում ա:

— Հա՛, թող գա, նրա հունարն էլ տենանք:

Քաչալը գալիս ա շորերը փոխած: Դռան շեմքին փափախը հանում ա, մազերը պսպղալով տուն մտնում: Թագավորը խնձորն ուտում ա, կաթը խմում, ասում ա.



— Հն, էս ա:

Բռնում ա պաշաչոտում, ասում ա.

— Սրանից եղը իմ ազիզ փեսեն դու ես:

Թագա աղջկանն ու տղին յոթ օր, յոթ քշեր հըրսանիք ա անում:

Նրանք հասան իրանց մուրագին, դուք էլ հասնուք ձեր մուրագին:

Չուք — արոր

Փայ հըվաքող — մուրացկան

Խան — ալյուրի շափ, աման

Աբռով — բռով

Թերեք — թարեք, դարակ

Թագի — որսի շուն, բարակ

Պլետ — մտրակ

Հունար — շնորհք

Գուրչ — քուրջ, ցնցոտի

Դվոր — որտեղ, ուր

Բաղմանչի — այգեպան

Բեջարեւ — մշակել

Ծով ըլել — բարձրանալ, թռչել, պոկվել

Մխելի — մի քիչ

Քվերտինք — քույրեր

Վենձ — մեծ

Մտահան անել — մոռանալ

Ջեյրան — եղնիկ

Պողանալ — տաքությունից կարմրել, կրակ դառնալ

Սիենց — սիենց — այսպիսի





## ԼՈՒՅՍ ՏԿՈՂ ՁՈՒՆ

**Մ**ի պառազ կնիկ ա եղել, դա ունեցել ա մի տղա. քյասիբ կնիկ ա եղել: Էտ տղեն էլ ասել ա. «Ո՛ր նց անեմ, որ մորս պահեմ»: Քյընացել ա քոլը, փետ ա պերել շըլակով, կեսը ծախել ա, հացի ա տվել, կեսն էլ իրանց հմա էրել: Մի ժամանակ իտենց ապրած են: Մի անգամ էլ քյընացել ա փետ ա արել, քնել ա, աչքը պաց ա արել, տեհել ա՝ մութ քշեր ա: Էտ տղեն որ զարթնել ա, ճամփեն կորցրել ա: Տեհել ա՝ հեռու մի տեղ կրակ կա: Դեպա էտ կրակը քյընացել ա, տեհել ա՝ էտ կրակը ծառի վրա ա վառվըմ: Էտ տղեն մի կերպ պարցրանըմ ա էտ ծառի կլուխը: Տենըմ ա՝ մի ծու ա, իրա շուրջն էլ լուս ա տալի: Էտ ծուն վեր ա պերըմ, ծեռին պռնած պերըմ ա, մորն ասըմ ա.

— Նանի, էս մի ծու եմ քթել, լուս ա տալի:

Մերը ուրախանըմ ա, էտ տղեն ասըմ ա.

— Էս ծուն կտանեմ, կտամ թաքավորին, թաքավորն էլ մեզ լավ մտիկ կանի, մենք էլ լավ կապրենք:

Մերն ասըմ ա.

— Չտանես, տանես՝ հետո լավ չի ըլի:

Ասըմ ա.

— Չէ, կտանեմ:

Էտ տղեն ծուն տանըմ ա, թաքավորի վեզիրը հարցնըմ ա.

— Ի՞նչ գործ ունես թաքավորի հետ:

Տղեն ասըմ ա.

— Ես թաքավորին մի նվեր ունեմ, իրան պըտի տամ:

Վեզիրը հարցնում ա.

— Էտ ինչ նվեր ա:

Ասում ա.

— Հէջ, մի ծու ա:

Վեզիրը ասում ա.

— Թաքավորը էտքան հավ ունի, խի նա ծու չունի, որ դու պըտի տաս:

Տղեն ասում ա.

— Սա ընենց ծու չի, ունի մի օթախի՝ պատուհանները ետ արա:

Տղեն ծուն հանում ա, օթախը լիսանում ա: Վեզիրն ասում ա.

— Ա՛յ տա, էտ ծուն տու ընձի, ինչ ուզես՝ տամ:

Տղեն ասում ա.

— Չէ, ես թաքավորին եմ պերել, իրան պըտի տամ:

Վեզիրը ասում ա.

— Դե տու:

Տանում ա տալիս ա, թաքավորը ասում ա.

— Էս ինչ ծու էս պերել:

Տղեն ասում ա.

— Էս ծուն ուտիլի չի, էտ ուրիշ ծու ա, լիս ա տալի:

Թաքավորը փորցում ա, տենում ա՝ էտ տղի ասածը ճիշտ ա, վեզիրին կանչում ա, ասում ա.

— Տա՛ր էս տղին, մի կոտ ոսկի տու:

Տղեն դուս ա կալի վեզիրի հետ: Վեզիրն էլ էտ տղին ոսկի չի տալի, մի սիլլա ա տալի, թե՛ գնա՛: Էտ տղեն կալիս ա իրան մոր մոտ: Մերն ասում ա.

— Ի՛նչ արիր:

Թե՛ ըսենց, ըսենց: Մերն ասում ա.

— Որ ասի, ինձ չլսիր:

Վեզիրը մտածում ա, թե՛ ո՞նց անի՝ էս տղին կորցնի: Վեզիրը բընում ա թաքավորի մոտ ու ասում ա.

— Շատ էս ուրախացել, որ էտ ծուն պերել ա, չէ:

Թե՛ հա՛: Ասում ա.

— Էտ ծուն ածող հավքին էլ որ պերի, ինչքան կուրախանաս, չէ:

Ասում ա՛ հա՛:

— Տղեն ոնց որ ծուն ա պերել, հավքն էլ կարա պերի:

Թաքավորն էտ տղին կանչում ա, ասում.

— Պըտի էս ծուն ածողին պերես:

Տղեն, թե.

— Թաքավորը սաղ մնա, էտ ծուն ծառի վրից եմ քթել, ածողը չգիտեմ ուր ա:

Ասըմ ա.

— Թե որ չգիտես, քեզ կսպանեն:

Տղեն կյալիս ա տուն: Մերն ասըմ ա.

— Ընչի կանչեց:

Ասըմ ա.

— Հավքն ա ուզըմ:

Մերն ասըմ ա.

— Որ քեզ ասեցի՝ ծուն մի տա, չլսեցիր: Դե՛ լավ, էտ ծառի տեղը գիտես, որ ծուն պերել ես:

Տղեն թե՛ հա՛: Ասըմ ա.

— Քո հետ մի խուրջին բամբակ կվերցնես, կտանես կղնես էտ ծառի կլուփս: Էտ հավքը իրա ծվին ամեն օր ման ա կյալի: Կգա կտեսա, որ իրա բնի մեջ քշերով սիպտակ ա, կիմանա իրա ծուն ա, կգա կնստի: Դու էլ կփռնես:

Մերը ոնց ասըմ ա, տղեն էտպես էլ անըմ ա: Հավքը կյալիս ա նստըմ էտ բամբակին: Տղեն էտ հավքին փռնըմ ա, պերըմ տալիս ա թաքավորին: Թաքավորը շատ ա ուրախանըմ, վեզիրին ասըմ ա, որ մի կոտ ոսկի տա տղին: Վեզիրն էլի տանըմ ա տղին, մի սիլլա ա տալի, թե՛ գնա՛: Տղեն կյալիս ա մոր մոտ, ասըմ.

— Ոչ մի բան էլ ոչ տվեց, ոչ էլ:

Վեզիրը միտքն ա անըմ, թե ոնց էս տղին կորցնի: Գնըմ, թաքավորին ասըմ ա.

— Մի ծովի կղզում, մի չտեսնված սիրուն ախշիկ ա ապրըմ: Եթե էտ տղեն էտ ախշկան պերի քեզ տա, աշխարհըմ ոչ դարդ կանես, ոչ էլ կծերանաս, ինչքան կուզենաս, էտքան էլ կապրես:

Էլի տղին թաքավորը կանչըմ ա, ասըմ ա, որ քյընա էտ կղզուց էտ ախշկան պերի: Տղեն կյալիս ա մոր մոտ ու պատմըմ:

Մերն ասըմ ա.

— Տղա՛ ջան, գնա թաքավորի մոտ, ասա. «Թաքավորն ապրած կենա, ես քու հրամանը կկատարեմ, մենակ ինչ որ ուզեմ, էն էլ տի տաս»:

Տղեն թաքավորի մոտ ա կյալի, ասըմ ա.

— Կգնամ, մենակ ինչ որ ուզեմ, պըտի տաս: Մի հատ նավ կշինես, որ լուսնի դայդի լուս տա, քառասուն ազապ տղա թիավար, քառասուն ազապ ախշիկ, քառասուն մարդ էլ նվագող, երգող, պարող: Ու էտ ամբողջ ծախսը վեզիրը անի:

Երբ որ նավն ու տղի բոլոր ուզածները պատրաստ են ըլում, տղեն քշում ա նավը դբա էտ կղզին, կանգնացնում ա նավը ափին, քառասուն թիավարը թաքնվում են, մնում են քառասուն ախշկերքը, քառասուն ածող, պարող, երգ ասող մարդիկ: Սրանք ամբողջ օրը պար են գալի, երգ ասըմ, նվագ ածըմ, ոնց





որ մեծ հարսանքըմը: Մի օր, երկու օր, իրեք օր, վերջը էս կղզու թաքավորի  
ախչիկը ասըմ ա.

— Գնանք տեսնենք՝ էս ինչ բան ա, էս ինչ նավ ա, որ չիմ ախչիկ են ու  
ըսենց լավ երգ են ասըմ, պար կյալի:

Թաքավորը, թե.

— Մի գնա, էսքան նավ ա մեր կղզին էկել, մինն էլա սրա նման չի եղել,  
սիրտս կասկած ա ընկել:

Վերջը էս ախչիկը հորը լսըմ չի, էնքան ա սիրում երգն ու պարը, որ  
դիմանըմ չի, վեր ա կալըմ իրա ծառաներին ու գնըմ տենա, թե էս ինչ նավ ա:  
Որ կյալիս են նավի մեջն են մտնըմ, էս տղեն իրամայում ա իրա քառասուն  
թիավարներին, որ նավը թեքեն դեպի իրանց երկիրը: Էս ախչիկը մնըմ ա  
նավի մեջ: Ըսենց երգ ու պարով հետ են կյալի: Էստեղ թաքավորի ախչիկը  
տղին հարցնըմ ա.

— Էտ ինձ ո՞ւմ հըմա էս տանըմ:

Տղեն, թե.

— Թաքավորի:

Աղջիկը ասըմ ա.

— Տւր:

Երբ որ հասնըմ են թաքավորի պալատը, ախչիկը թաքավորին հարցնըմ  
ա.



— Թաքավոր, էս ղնց ա, որ ոչ բաղ ունես, ոչ ծառեր ունես քո պալատի աղաքը: Բա կնիկ ես առնըմ, ես վերդի եմ ման կյալու էս շոգերին: Գնա՛, չոր փետեր պեր, տնկի քո պալատի աղաքը, ես լաց կլեմ, էտ չոր փետերը կկանաչեն:

Թաքավորը չոր փետեր ա բերըմ, փետերի մի մեծ անտառ ա սարքըմ: Էս ախչիկը լաց ա ըլում, ու էս փետերը կանաչըմ են, դառնըմ մի զմրուխտ բաղը: Էս թաքավորն ու վեզիրը ուրախանըմ են, նի են մտնըմ բաղը ու ման կյալի: Էս ախչիկը լացը թողում ա ու ծիծաղըմ: Էտ որ ծիծաղըմ ա, էտ ամբողջ բաղը նորից չոր փետ ա դառնըմ ու երվում, ալավը երկինքն ա առնըմ: Էտտեղ էլ թաքավորն ու վեզիրը կորչըմ են, մոխիր դառնըմ:

Էտտի էլ էս տղեն ու ախչիկը իրար հետ ամուսնանըմ են, տղեն լուս տվող ծուն դնըմ ա ախչկա թագի վրեն: Ինքն էլ ա թագ դնըմ ու դառնըմ ա էտ երկրի թաքավոր: Էն լիս տվող ծու ածող հավքն էլ ապրըմ ա էտ պալատի մեջ ու երջանկություն ա բերըմ էտ երկրին:

Քուլ — անտառ, թփուտ

Տեհել — տեսել

Դեպա — դեպի

Ծու — ձու

Վեզիր — պալատական բարձր պաշտոնյա

Օթախ — սենյակ

Դայրի — նման

Ազապ — շամուսնացած

Կոտ — հացահատիկի չափ, աման

Եվագ ածող — նվագող, երաժիշտ

Չիմ — բոլորը

Մինն էլ ա — ոչ մեկը

Աղաք — առջև

Ալավ — բոց, կրակ

Հավք — թռչուն

Սիլլա — ապտակ

Նի մտնել — ներս մտնել

Վերդի — որտեղ





## ԳՅՈՒԼՍԻՆԱՍԸ

ին ժամանակով գելնի, չելնի՝ մե հեր, մե աղջիկ: Աղջիկն ամեն օր կերթա ջրի, մե կուշ կգա, կհիջնի էտու գլխին: Մե օր, երկու օր, երրորդ օրվան կգա, կասա.

— Հայրիկ, ինչքան կերթամ ջրի, մե կուշ կգա, կհիջնի իմ գլխին, կծլվլա, կերթա:

Հերն կասա.

— Էգուց էլ որ կգա կհիջնի, ասա. «Կուշ ջան, ինչ կա, ինչ ա գուզես»:

Առավոտն աղջիկը կերթա ջրի, կուշն էլի կգա, կասա.

— Ի՞նչ կա, կուշ ջան, ինչ ա գուզես:

Կուշն կասա.

— Դու շատ անբախտ աղջիկ կելնես:

Աղջիկն կգա հորն կասա: Էտ օր գիշեր հեր ու աղջիկ մե յորդան, մե ջեջիմ կըվերուն, էտ գեղից կքոչին: Շատ կերթան, քիչ կերթան, էտ էլ իրանք կիմանան, կերթան ռաստ կգան մե գեղի. էս դռան կկանին, էն դռան, բուրն էլ փակ կելնեն: Հեր ու աղջիկ կկանին մե դռան, էտ դուռը կբացվի, աղջիկը ներս կմտնի, դուռը կփակվի: Հերը կմնա դուրս, աղջիկը՝ ներս: Հերն կասա.

— Գնա՛, աղջիկ ջան, էտ էլ քու բախտն էր:

Աղջիկն էտտեղ կմտնի, էնտեղ, մեկել կտենա մի կույր տղա նստած ա մե անկյուն: Աղջիկը յոթ տարի կպահա էտ տղուն: Օրերից մե օր մե բոշա կգա բան ծախելու, էտ աղջիկն բոշի աղջկան կվերու իրան ծառա: Բոշի աղջիկն

ամեն օր կերթա առուտուր անելու: Մե օր էլ աղջիկն բռշի աղջկան կթողա տուն, ինքը կերթա բազար առուտուր անելու: Մինչև իրա գալն, ետ տղու աչքեր կբացվեն, ետ տղեն կասա բռշի աղջկան.


— Հը, աղջիկ, ես յոթ տարի դո՞ւ ես ինձ պահել:

Աղջիկն կասա.

— Չէ, մե հատ էլ ծառա ունեմ, ուղարկել եմ բազար:

Աղջիկը բազարից կգա տուն, կտենան էտ տղու աչքերը բացվել ա, ետ էլ բռշի աղջկան ա առել, շատ կգարմանա, բայց արդեն ուշ գելնի:

Օրերից մե օր էլ տղեն կերթա բազար առուտուր անելու, իրա կնգան կասա.



— Ի՞նչ կուզես:

Աղջիկը կասա.

— Ասեղ, մատնոց...

Ծառային կասա.

— Դու ի՞նչ կուզես:

Ծառան կասա.

— Դդմենի:

Տղեն բազարից կառնի բոշի աղջկա ուզածները, դդմենին կմոռանա. ճամփին էլի ետ կդառնա, որ գա առնի: Դդմենի ծախողը կասա.

— Էս ո՞վ ա կուզա, էսի դարդ ունեցող կուզա, որ դդմենին կտաս իրան, ինքը իրա դարդը կպատմա, վերջում կասա. «Դդմենի, էս պայթիմ, թե՛ դու», դու կասես. «Դդմենին»:

Տղեն կբերա կտա աղջկան, ինքը կմտնի դռան հետև: Աղջիկը բոլոր դարդը կպատմա, կպրծնի, վերջում կասա.

— Դդմենի, էս պայթիմ, թե՛ դու:

Տղեն դռան հետևից կասա.

— Դդմենին:

Էստեղ իրար կհասկանան: Տղեն բոշի աղջկան կթողա, Գյուլսինամին կառնի: Բոշի աղջկան էլ կանեն իրանց ծառա:

Երկնքից երեք խնձոր ընկավ, մեկը՝ պատմողին, մեկը՝ գրողին, մեկն էլ արար աշխարհին:

Կուշ — դուշ, թռչուն

Ռաստ գալ — հանդիպել





## ԱՐՁԱՆ ՈՒ ԳԵԼԸ

Լ լում ա, չըլում՝ մի աղքատ մարդ: Էս մարդը մի օր կնգանն ասում ա.

— Ա՛յ կնիկ, խալիսը մի կոտ ցանում ա, հազար կոտ վիր ունում, ես մի կոտ ցանում եմ, մի կոտ վիր ունում: Գնում եմ աստծուն գանգատ անեմ:

Կնգանը լսում չի, գոռով քաշ գալով գնում ա: Շատ ա գնում, թե քիչ, եդ ա մտիկ անում, տենում մի մարդ ա գալիս: Գալիս ա մողիկանում, բարն էլ չի տալիս: Քիչ գնում են, գնում, էն եդի էկողը մեչկին կապած աղլուխը եդ ա անում, միջիցը մի սաղ հաց ա հանում, կես անում, կեսն ուտում, կեսը էլի միջին դնում, մեչկիցը կապում: Էն աղքատը տենում ա, որ իրան տալիս չի, ասում ա.

— Ա՛յ մարդ, մի կտոր էլ ինձ տուր, էլի:

Ձեն չի հանում: Մին էլ ա ասում, էլի ձեն չի հանում: Որ մին էլ ասում ա, բրախում ա, փախչում: Էս խեղճ մարդը շատ ա գնում, թե քիչ, մին էլ տենում ա ծմակումը ծովս ա ծով ըլում: Մողիկանում ա, տենում ա մի ջաղաց: Մեջն ա մտնում, տենում ա երկու գերան իրար վրա դրած վառվում են: Բիրդամ դուս ա մտիկ անում, տենում ա մի արջ, մի գել են գալիս: Մի կերպ վազում ա, ջաղացի ցրթոնումը տապ անում: Տուն մտնելիս գելն ասում ա.

— Ը՛, ը՛, արջ ախպեր, մրթահոտ ա գալիս:

— Չէ, գել ջան, թաց ենք, կրակի կուշտ էկանք, մեր ֆոտն ա:

Եստում են, դինջանում: Արջն ասում ա.

— Գել ախպեր, գիդես, էս ջաղացիցը քսան ոտնաչափ հեռու մի

կակալքի կա: Էդ կակալքու տակին մի կարաս կա, կեսը ոսկի, կեսը արծաթ:

— Էդ հեչ, դու անգաճ արա, տես ինչ եմ ասում: Էն փլան երգրի թագավորի աղջիկը ծանդրը հիվանդ ա: Մի տարի ա ոչ սաղ ա, ոչ մեռած, զոռի տրփտրփում ա: Ով մեր թագավորի կոտոշավոր էժը մորթե, մորթին հագցնե, աղջիկը կսըղանա, թագավորը լավ պատիվ կանե:

Էն աղքատը չիմ լսում ա: Ռավոդը վիր են կենում, գնում: Էն աղքատը ջահել ա ըլում: Հլե ուզում ա դուս գա, որ գնա, մի սիրուն աղջիկ ա դուս գալի, որ արևին ասում ա դու դուս մի գալ, ես ըստի եմ: Ջաղացը ջրհանում ա, ավլում, իստակում, գերաննին մողիկացնում, կտուտում ու կորչում: Էդ տղան դուս ա գալի, գնում կակալքու տակը, մի տոպրակ ա ունենում, կեսը ոսկի ա ածում, կեսը արծաթ: Մին էլ տեսնում ա՝ հրեն չոբանի շները: Ձենը փորն ա ընկած ըլում, ձեն ա տալիս.

— Ա՛յ չոբան:

— Արհ, ախպեր, արի:

Չոբաննին աղաքն են գալիս: Ձեռով գլխի ա գցում, որ սոված եմ: Ոչխարնի են մորթում, մի լավ ուտացնում, որ ինքն ասում ա՝ հերիք ա:

— Քշերվա որ վախտը վի կենաս, կի:

Քսում են: Ռավոդը տղեն ոսկին ու արծաթն իրանց ա տալիս, ուզում ա գնա:

— Կացի, մի ոչխար մորթենք, հետդ տար:

— Չէ, քեզ մատաղ, — ասում ա, — ուզում չեմ, մենակ էն կոտոշավոր էժը մորթեցեք, մորթին ինձ տվեք:

— Էդ թագավորինն ա:

— Հա՛, բան չկա, կասեք՝ գելը կերել ա:

Մորթին տալիս են դրան: Գնում ա խնամախոսի քարին նստում, կանչում.

— Ես հեքիմ եմ, ես բժիշկ եմ:

Թագավորի նազիր-վեզիրնին լսում են, գնում թագավորին ասում: Թագավորն ասում ա.

— Սաղ երգրումս հեքիմ ու բժիշկ չթողի, դա տի՛ իմ աղջկանը բուժիլ: Աղքատ ա, հաց, շոր տարեք:

Տանում են, տղեն վիր չի ունում:

— Գնացեք ասեք՝ ես փայ հըվաքող չեմ, ես հեքիմ եմ, ես բժիշկ եմ:

Գնում են թագավորին ասում, որ շատ, որ շատ թագավորը դրան կանչում ա, թե.

— Իմ աղջիկը մի տարի ա ոչ սաղ ա, ոչ մեռած: Թե բուժես, աղջիկս քեզ, թե չէ՝ գլուխդ կտամ:

Պայման են գրում, մի էրկու գեղացի կանչում, ստորագրել տալիս: Էդ





տղեն գնում ա աղջկա սենյակը: Սաղին էլ դուս ա անում, աղջկա հետ մնում մենակ: Իվզիզ տկլորում ա, իծի մորթին հագցնում ու բզումը կապում: Մին սառը բրդինք ա գալիս, մին տաք: Գալիս են տեղաշորը փոխում, գնում: Մին էլ ըհը, աղջիկը աչքերը ձպձպացնում ա, բաց անում: Էդ տղեն թագավորին կանչում ա, աչքալիս անում: Աղջիկը լավ բուժվում ա, սկսում բախչեքումը ման գալ: Էդ տղեն ու թագավորը վիճելիս են ըլում, աղջիկը ձեններուն լսում ա, գալիս:

— Էդ ինչ խաբար ա, խի եք կռվում:

— Ես քեզ բուժեցի, հերդ իրա պայմանը եդ ա վիթ ունում, քեզ ինձ հետ ամուսնացնում չի:

Աղջիկը տղի կուռն ա ընգնում: Թագավորը դրանց հըրսանիք ա անում, իրա նկարը պատիցը պոկում, տղի նկարը կախ անում:

Օրերից մի օր էն մարդը, որ հացը մենակ ուտում ա, տղին տալիս չի, էդ մարդը սինին գլխին խնձոր ծախելիս ա ըլում: Թե ոնց ա ըլում, բիրդամ բրաուրդ ա անում, որ պատիցը էն տղի նկարն ա կախ արած: Թագավորի կնիկը խնձոր ա առնում:

— Բիրա ջան, հլա մարդիդ ասան ախպերդ կանչում ա:

Թագավորն ասում ա.

— Ես ախպեր չունիմ:

Որ շատ ասում ա, դուս ա գալիս: Փթաթվում են, դես, դեն, էն մարդն ասում ա.



— Էդ ճրգի ես թագավոր դառել:

— Քու գործը չի:

Շատ փող, ոսկի և տալիս, ասում աս.

— Տար ապրի, որ հատնու, կգաս:

Որ շատ ասում ան որդի ես թագավոր դառել, ասում աս.

— Ջաղացումը:

— Ես էլ տիմ գնալ:

Գնում աս են ջաղացը, որդի որ արջն ու գելն են ապրում: Գնում աս ջաղացի  
ցրթոնումը տագ անում: Արջն ասում աս.

— Մրթահոտ աս գալիս:

— Ճիշտ աս:

Ման են գալիս, գրնում, վեր կոխում, ուտում:

Էն թագավորն ու իրա կնիկը հասան իրանց մուրազին, դուք էլ հասնեք  
ձեր մուրազին:

Բիրդամ — հանկարծ

Իվզիզ — լրիվ մերկ

Բրաուրդ անել — նկատել

Ցրթոն — ջրաղացքարի տակի աշ-  
խատանքային անիվի

մոտի ազատ տարածությունը

Բրախել — թողնել

Աղլուխ — թաշկինակ, կապոց

Կակալքի — ընկուզենի

Փլան — այսինչ

Չիմ — բուրբ, ամեն ինչ

Ռավոդ — առավոտ

Աղաք — առաջ

Հեքիմ — բժիշկ

Գլուխդ կտամ — գլուխդ կկտրեմ, կգլխատեմ

Կուռ — թև





## ԱՆՊԵՏՔ ՄԱՐԴԸ

ի բյասիպ մարթ կնգան ըսեց.

— Կնիգ, մե խատ գարու խաց թխա, ճամփա կերթամ:

Գնաց, ճամփի մեչտեղ տեսավ արջը կանգնած ա: Արջը ըսեց.

— Խայ, դիր ա կերթաս:

Մարթն ըսեց.

— Կերթամ աստծու կուշտ բողոք:

Արջն ըսեց.

— Աստծուն ըսա իմ մեչք կցավա, իման էնեմ, օր լավանա:

Մարթը գնաց, հանդիպեց մե արտի: Արտ հնձողներ ըսին.

— Խայ, դիր ա կերթաս:

Մարթն ըսեց.

— Կերթամ աստծու կուշտ:

— Կերթաս կըսիս աստծուն, օր էս արտը, օր գիքա ժամանագը, հնչի

ցորեն չի տա:

Մարթն թորգեց գնաց, հանդիպավ մե խատ ձգան: Ձուգն ըսեց.

— Խայ, դիր ա կերթաս:

— Կերթամ աստծու կուշտ բողոք:

Ձուգն ըսավ.

— Աստծուն կըսես, խուրի իմ գլոխ կցավա:

Մարթն թորգեց գնաց: Քիչ ա մացել խասի աստծու կուշտ, հրիշտագներ

հառեչ կկորեն, կըսեն.

— Խնայ, դ՛ր ա կերթաս:

— Կերթամ աստծու կուշտ: Գացեք աստծուն ըսեք, որ էն քյասիպ մարդ արուստ ա գուզա:

Հրեշտագներ կերթան, աստծուն կըսեն.

— Էս մարթ արուստ ա գուզա:

Աստված կըսե.

— Խնթրքավորներու հարցերու պատասխան քեզ կըսեմ, կերթաս կըսիս, մե կճուճ օսկի կատանա:

Էս մարթ նեղացավ աստծուց, ըսեց.

— Ես մե կարաս օսկու հըմար չեմ էկե, ես միլիոն-միլիոն օսկու աղքատ եմ, ես մե կճուճ օսկու աղքատ չեմ:

Մարթ թորգեց, հետ էկավ: Ճամփին տեսավ, որ արտն չորացել ա:

Հնձվորներ էկան ընդոր դիմաց, ըսեցին.

— Խնայ, աստված քնչ ըսեց.

— Աստված ըսեց, որ էնտեղ մե խատ քար կա, քար շուռ տվեք, արտ կկանաչի:



Հնձվորներ քար շուռ տվին, տեսան, որ օսկի ա կթափի, ըսին.

— Խայ, արի մե կճուճ օսկի տար քեզի:

— Հայ-հայ, ես մե կճուճ օսկու քյասիպ չեմ, ես միլիոն-միլիոն օսկու քյասիպ եմ, — ըսավ մարթ ու թորգեց գնաց: Հանդիպավ ձգան, ըսեց.

— Աստված ըսեց, որ ձգան գլխի մեջ օսկի խաչ կա, խանա, ձուզն կլավանա:

Ձուզն խաչն հանեց, ըսավ.

— Խայ, առ էս օսկի խաչ, տար քեզի:

— Հայ-հայ, ես խաչի քյասիպ չեմ, ես միլիոն-միլիոնի քյասիպ եմ, — ըսավ մարթ ու ուր ճամփեն շարունագեց: Էգավ հանդիպավ արջուն: Արջն տեսավ, որ մարթն էկավ, ուրխըցավ, ըսեց.

— Վայ, խայ ջան, էկար, աստված ինչ ըսեց:

Մարթն արջուն պատմեց ուր գլխի էկած բաներ ու ըսեց.

— Աստված ըսեց, որ մե խատ անպետք մարթ կհանդիպա, մեջք ջարդա, ուղա՛ կլավանա:

Արջն ըսեց.

— Է, քեզնե անպետք մարթ, արի քե ուղիմ:

Արջն էդ մարթու մեջքն կջարդա, կուտա:

Դիր — ուր, որտեղ

Խայ — մարտ

Կուշտ — մոտ

Խմալ — ինչպես

Խուրի — ինչու

Ուր — իր

Խանա — հանիր





## ՉՈՒԱՆԸ

**Ը**րմ ա, չի ըլըմ, մի չոբան: Երեսուն տարվա չոբան ա ըլըմ: Էս մարդը շատ գող ա ըլըմ: Նա իր հարևանից սելը գողանըմ'ա: Գեղի վարդապետնին մի օր գնըմ են ասոխոսի, սա էլ վարդապետնուն հարցնըմ ա, թե ուր են գնըմ: Արանք էլ պատասխանըմ են, որ գնըմ են աստծու մոտ: Ինքն էլ ա ուզում գնա, աստծուց թողություն խնդրի, ու հետները գնըմ ա: Երբ գնըմ են, գիշերը ընկնըմ ա, ու սրանք մնըմ են մի գյուղում: Վարդապետնին գնըմ են իրանց ծանոթ տները, իսկ ինքը մի հատ հողի տուն ա տենըմ ու դպա դենը գնըմ ա: Հասնըմ ա, դուռը թրխկթրխկացնըմ ա, մի պառավ ա դուռը բաց անըմ, չոբանը հարցնըմ ա.

— Նանի, չես թողա քու տանը քրջերեմ:

— Դոնախը աստծունն ա, համա ոչ բան ունենք ուտելու, ոչ էլ տեղ ունենք քնելու, — պատասխանըմ ա պառավը:

Սա էլ վերջը համոզացնըմ ա, որ իրան բան պետք չի, նոր պառավը թողնըմ ա:

Պառավը երեխեքին խաբելու համար քար ա էփելիս ըլըմ, երեխեքն էլ ըսպասըմ են, ըսպասըմ ու վերջը քնըմ են: Սա որ տուն ա մտնըմ, մոտենըմ ա օջախին, շերեփով պղնձի տակն ա տալի ու ասըմ.

— Բա էս քավթառը ասըմ ա ոչ մի բան չունեմ, հրես լոբի ա էփըմ:

Երբ որ իմանըմ ա ինչն-ինչոց ա, հարցնըմ ա.

— Նանի, ըստի ոչխար ունեցող կա ո՞չ:





— Կ՛ան, բալա քան, խի՛ չկա, հրե մեր դիմացի տանը երեսուն հատ ոչխար կա, — պատասխանում ա պառավը:

Սա որ իմանում ա, գնում ա երդիկից մտնում ա գոմը, ընդեղից մի ոչխար ա գողանում, մորթում, տանում միսը տալիս ա պառավին ու ասում՝ էփի: Պառավը մի քիչ վախենում ա, բայց հետո էփում ա, չոբանին էլ ա կերակրում, երեխեքին էլ: Առավոտը որ բացվում ա, լիսը բացվի ձեր վրա, էս չոբանը գնում ա վարդապետների հետևից, տենում ա՝ հըրես դրանք իրանց փարաջեքը գցել են ծովի վրա ու անց են կենում: Ինքն էլ իրա չոկսեն ա հանում, գցում ա ծովի վրա ու ինքն էլ ա անցնում: Գնում են, գնում, հասնում են աստծուն: Աստվածը վարդապետներին լսում ա ու ներում չի.

— Ձեր մեղքերը շատ ա:

Իսկ չոբանին ասում ա.

— Դու ավազակուծին շատ ես արել, բայց դե իրեք հոքի ես ազատել, քեզ պատժում չեմ, ես քեզ ներում եմ, որ են էրեխեքին սովիցը փրգել ես: Տերը քեզ հետ, գնա՛:

Աստվտսի — մեղքերի թողության

Դպա — դեպի

Ղոնաղ — հյուր

Փարաջա — հոգևորականի զգեստ

Չոկսա — տղամարդու բրդյա զգեստ





## ՍԸՏԱՆԵՆ

**Մ**ի մարդ ու կնիկ են ըլում: Էս կնիկը սաղ օրը անըծում ա մարդին:  
«Հայ քրքրվիս, հայ աստծու տակիցն ընգնիս, հայ դոշիդ վարդեր դնեմ,  
հայ փլան, հայ փստան...»:

Որ շատ, որ շատ, էս մարդը ասում ա.

«Մինչև երբ տի անըծես: Ես սրան փթոցի տիմ տալ»:

Էս մարդը իրեք հատ ոսկի ա ունենում, վիր ա ունում, ջեբին դնում,  
գնում: Բիգունը տուն ա գալիս թե չէ, կնիկը ասում ա.

— Հողեմ եդ շաշ գլուխդ, ճրդի էիր կորած, էս ըշխարհքիցը հենց կորչիս,  
որ մենակ էս գիդենամ: Գնա՛, որդի ման էս էկել, գնա ընդի:

Մարդը ձեռը ջեբն ա տանում, ոսկին հանում:

— Հա՛, վի՛, քեզ մատաղ ըլիմ, կանաչ օրով ըլիս, էս ճրդիան ա:

Ասում ա ու ճպռապորում, խլում:

— Ա՛յ կնիկ, սհենց, սհենց, իմ հնգորտանցով ոսկու ֆոր ենք գդել, ոսկին  
կիտած ա, տախտակը դեմ արած. հեքուց ռավոդը գնալ տինք, բերի: Համա  
վախում եմ իրանք շուտ գնան, հանեն, ինձ տան ոչ: Մենք ծեգելիանա  
կգնանք, կհանենք:

Կնիկը ուրախանում ա, ըշխարհքովը մին ա ըլում, ասում ա.

— Ա՛ բեմուրագ, դրդակված, բա որ տեղը գիտեիր, խի՛ շատեցիր, ա՛  
մուրագդ մեռնի:

Համա ձեզ եմ հարցնում, ինչ ոսկի, ինչ բան: Էս տղեն մի ֆոր փորած ա

ըլում, մի հեյվարա ջըղացքար կշտին դրած, մի կաղնի էլ կտրած ա ըլում, բերած: Սաղ քշերը էս կնիկը դուս ա ըլում, տուն մտնում.

— Ադա, վի կաց, լիսացավ, ադա, վի կաց:

Որ շատ գահլեն տանում ա, վիր ա կենում, գնում են, գնում, հասնում են մի ծառի:

— Այ կնիկ, նստենք դինջանանք:

— Բալքի նստիս, էլ վիր չկենաս: Շուտ արա, իրանք կհանեն, մեզ տալ չեն:

Որ հասնում են ֆորին, մարդը ասում ա.

— Այ կնիկ, դու մեջը մտի, ոսկին հըվաքի:

— Չէ, դու մեջը մտի:

— Չէ, ես որ ոսկին լցնեմ, դու կարալ չես համ ինձ հանես, համ ոսկին,

դու գնա:

Կնկան շրջում ա ֆորը, կնիկը դես-դեն խլշկոտում ա, ասում ա.

— Ադա, բեմուրագ, ո՞ր ա ոսկին:

— Գնա, քու հերն էլ անըծած:

Ջըղացքարը վրին ա գցում, կաղնքին վերնադիր շուռ տալիս ու՛ հայդա՛ տուն:

Մխելի վախտը եղը ասում ա.

— Գնամ տենամ՝ կնիկս ինչ էլավ:

Կացինը վեր ա ունում, գնում. քարը եդ ա քաշում, մի պուճուր ծելա անում, տեսնում, որ էս կնիկը մի սըտանա ձեռին՝ խեղդում ա: Սըտանեն բրաուրդ ա անում, ասում ա.

— Այ հողեղեն, ինձ ազատե, քեզ մի լավություն կանեմ:

— Չէ, խաբում ես, սըտանեն սուտլիկ ա:

— Շատ չէ, մի լավություն կանեմ:

Տղեն մի երգեն ձողի ա կտրում, բերում ֆորումը դնում: Հմի սըտանեն ուզում ա դուս գա, էս կնիկը թողում չի, ասում ա.

— Ի՛նձ էլ տար:

Սըտանեն ծուլ ա ըլում, դուս գալիս, տղեն էլի ջըղացքարը վրին ա գձում: Սըտանեն ասում ա.

— Ես գնում եմ. մխելի վախտից եղը ժուռնալ կընգնի, որ թագավորի աղջիկը հիվանդ ա: Կգնաս, հենց որ տենաս ես գլխի կշտին եմ կանգնած, տուն չմտնես, եթե ոտների կռանն ըլիմ, տուն կմտնես:

Սըտանեն գնում ա, տղեն տուն ա գալիս: Մխելի վախտ ձամփա ա պահում, մին էլ ժուռնալ ա ընգնում, որ թագավորի աղջիկը ծանր հիվանդ ա: Տղեն գնում ա, խնամախոսի քարին նստում ա, սկսում գոռալը.

— Ես հեքիմ եմ, ես բժիշկ եմ:



Թագավորը լսում ա, ասում ա.

— Սառ էրգրումս էլ հեքիմ ու բժիշկ չթողի, սաղին էլ կանչեցի, հիմի էս կաթնակերը տի՛ բուժիլ:

Հրամայում ա, որ տղին կանչեն: Գնում ա, պայման են կապում, որ եթե աղջիկը բուժվի, թագավորը նրան իրան բժշկողին ա տալիս, եթե չէ՝ գլուխը կտրում ա:

Տղեն տուն ա մտնում, տենում ա սըտանեն ոտների կռանն ա կանգնած, դուռը բաց ա թողում, սըտանեն փախչում ա, աղջիկը բուժվում ա: Գրա հետ հըրսանիք ա ըլում: Մին էլ իմանում ա, որ էն փլան երգրի թագավորի աղջիկն էլ ա հիվանդ: Գնում ա, տենում ա սըտանեն գլխի կռանն ա կանգնած: Սըտանեն ասում ա.

— Բեզ ասի ո՛չ՝ գնա ոչ:

— Գիդես խի եմ էկել. էն կնիկը փոսիցը դուս ա էկել, համ ինձ ա ման գալիս, համ քեզ:

Սըտանեն վիր ա կենում, փախչում, աղջիկը սըղանում ա: Էդ թագավորը իրա խազինի կեսը տալիս ա տղին, պատվով եդ դրգում:

Էն տղեն ու աղջիկը հասան իրանց մուրազին, դուք էլ հասնուք ձեր մուրազին:

Փթոցի տալ — փորձանքի ենթարկել

Հեյվարա — ահագին, մեծ

Ծելա — անցք

Խազինա — գանձ, գանձարան

Փլան — այսինչ

Մխելի — մի քիչ

Ժուռնալ ընգնել — հայտնի դառնալ, հայտա-  
բարկել

Ծուլ ըլել — վեր թռնել

Տոր — հոր

Խլշկոտել — ա կանչները ցցել, ուշադիր զննել

Ճպոսպորել — ձեռքից խլել, թոցնել

Բիգուն — երեկոյան

Շաշ — գիժ, հիմար





## ՀԻՄԱՐ ԿԻՆԸ ԵՎ ԽԵԼԱՅԻ ԱՍՈՒՍԻՆԸ

Ինում են մըն մարթ, մըն կնեկ: Կնեկը մի քիչ խելքից թեթև ա ըլում:  
Օրին մի օրը դաշտից մարթը կյամ ա, ասում ա.

— Ա՛յ կնեկ, բա տկլոր եմ, մեր տանը պյուրթը լիքը, գոնե եդ պյուրթը մի քիչ մանչես, որ ինձ հետի մի շալվար անեմ, բա տկլոր պետի մնամ:

Ասում ա.

— Ա՛յ մարթ, լավ ես ասում. տանեմ մանեմ:

Տանում ա տամ ուրիշի, մանում ա, պիրում ա:

— Ա՛յ մարթ, լավ եմ մանա՛լ, մըն տես, է, ինչ մանած եմ ըրալ, է:

Ասում ա.

— Ա՛յ կնեկ, դե կործել տուր, էլի:

Կնեկն ասում ա.

— Դե տանեմ կեցիլ տամ:

Համարյա կյամ, կյուղան տուրս ա կյամ, քինում Ղազի գյուլ, տեսնում ա կյորտը մըն կռկռում ա վեր, ասում ա.

— Ա՛յ պելի-պիլաքին, իմ մարթը տկլոր ա, շալվարը կկեցեք:

Կյորտը կռկռում ա.

— Կոռռծեք, կոռռծեք, կոռռծեք:

— Բա հեփ, հեփ եմ կյալու տանեմ:

— Օռռփատ օրը, օռռփատ օրը, օռռփատ օրը:

— Հնա, դե լավ, լավ, դե որ եդպեսա, լահա շուտ ա, էն մարթը տկոր ա, մեխկն ա:

Կնեկը մանածն ածում ա եդ գյուլին մեջ, ըտեղ թողում, կյամ տոն:

— Այ մարթ, տվել եմ պլաքենը կեցի, օռփատ օրը քինամ շալտ պիրեմ, կարեմ, կեց:

— Այ կնեկ, լավ ես արալ, խելոք կնեկ ես:

Օռփատը կյամ ա: Էդ կնեկը վեր ա կենում քինում: Էտ օրտ էլ ցորտ ա ըլում, կյորտերը ծեն չեն հանում:

Կանչում ա.

— Այ պելի-պիլաքին, պելի-պիլաքին:

Ծեն չկա: Ոտերը հանում ա, մտնում գյուլը: Տես ա ման կյամ, տեն ա ման կյամ, մին էլ տեսնում ա ոսկի ջամ: Էդ ոսկի ջամտ վերցնում ա, ասում ա.

— Վեր տուք իմ շալս տամ չեք, ես էլ ծեր ջամը տալ չեմ:

Ասում ա, ջամը եր օնում, քինում: Կյամ ա, ասում ա.

— Այ մարթ, բա ասիլ չես կլոխս հինչ ա եկալ. շալը տվին վեչ, ես էլ ջղայնացա, էտ ջամս վերցրի պիրի:

Էտ մարթը, որ տեսնում ա ոսկի ջամ, աչքերը չում ա.

— Այ կնեկ, ինչ խելոք կնեկ տուրս էկար, լավ ես արել, կտորը կերան, ջհաննամը, թաք էտ պերած ինես:

Կենում ա, մարթն ասում ա.

— Դե տիր ընդեղ:

Տինում ա ընդեղ: Ռիգունը վեր կնեկը քնավ ա հընցում, սա վերցնում ա տանում, հաքի ամբարում կյաղում ա:

Օրին մի օրը, ոնց ա տյառնում, սաղսի ծախող ա կյամ եդ տեղերը: Էդ կնեկը քինում ա, ասում.

— Ախպեր, կորան քանի կտաս, ինձ հարկավոր ա, ախար մի քանի աման ա հարկավոր:

Ասում ա.

— Այ քիր, մեջը լիքը ցորնով եմ տալիս:

Ասում ա.

— Լավ, քինամ պերեմ:

Քինում ա, որ ցորենը պիրի: Հանկարծ ցորենը ետ տալու ժամանակ Էդ ջամը տուրս ա կյալիս:

— Վայ, — ասում ա, — հողեմ էն պրուտի կլոխը, մարթս չարչարվի, ես ցորենը տանեմ տամ պրուտին, հազիր ես ջամը կտանեմ, խափեմ, սաղսին առնեմ:

Ջամը տանում ա տամ պրուտին: Պրուտի աչքերը չովում ա.

— Վայ, — ասում ա, — այ կնեկ, ինչ քարի կնեկ ես տու, եթե էդպես ա ես պեռինը քեզ:

Պեռնը վերցնում ա, պիրում ա էդտեղ, թափում: Էդ մարթը երեսը տեն, դաբանը հետ յալլա փախչում:

Րիգունը կնեկը սկսում ա էս սաղսին կուտրատելը: Կուտրատում ա, լավ զիզիլիքներ անում, տոնը նախշում: Մարթը կյամ ա, ասում ա.

— Այ մարթ, դու ինձ ասում ես լավ կնեկ չեմ, մըն մտի տես տոնը հունց եմ սարքել, է, էնպես տոն եմ սարքել, որ չեղած:

Մարթը մտնում ա, տեսնում՝ հինչ. սաղսին փշրած, տոնը սարքած:

— Այ կնեկ, ես ինչո՞վ ես առել:

— Բա էն ջամովն առա, էլի, խափեցի, ամբողջն առա, պիրեցի:

Այ քո սեռնը, նեռնը, կնկանը մի երկու տալիս ա, կնեկը փախչում ա: Շատ ա քինում, քիչ ա քինում, մի ճանապարհի դրադին նստում ա: Թագավորական ոսկի են հավաքած ըլում, օխտերը քառնած, էդ ճանապարհովը գնալիս են ըլում: Ոնց ա տյանում, մըն սպիտակ օխտ ոսկին պեռնած հանկարծ էդ դաթան տուրս ա պրծնում, կյալիս էդ կնկանը կողքը: Պենջար ա ըլում, համ պենջարը օտում ա, համ էլ կնդում:

— Չէ, պելի, հացը վկա ա, ես կյալու չեմ, ես էն մարթի կողքը էլ եկողը չեմ. ինձ թակալ ա, սպանալ ա. պելի, խնդրես վեչ:

Դե օխտը հինչ անի, համ օտում ա, կլոխը քաշ գցում, պրցրացնում: Կնեկը գյուտում ա թա՛ խնդրում ա իրան.

— Դե լավ, վիզը կեռ, բա վոր եկալ ես, եկալ ես. պելու խաթըրը ես շատ եմ ազիզ սիրում, արի մեջքիտ նստեմ, քինանք:

Օխտին նստում ա յալլա դեպի տոն: Շատ ա կյամ, քիչ ա կյամ, վերչը կյամ ա հասնում ա տոն:

— Այ մարթ, — ասում ա, — մըն տուրս եկ, տես, հինչ կա տրսումը. շոռ տաս վիզը կեռ պելու կլխավը, եթե վեր վիզը կեռ պելին չլներ, ես քու կողքը եկողը չի, հա՛. գիդաս վեր պելու խաթրն եմ եկալ:

Մարթը տուս ա կյամ, տեսնում՝ երկու ջվալ ոսկով պեռնած օխտին, ասում ա.

— Այ կնեկ, շատ էլ լավ ես ըրալ, եկալ ես պելուն խաթրին:

Ոսկին վերցնում ա, քցում մի հորի մեջ, օխտի կլոխը կտրում, քցում մյուս հորի մեջ: Քյամ են տոն; ասում ա.

— Այ կնեկ, գիտես հինչ կա:

— Հինչ կա:

Ասում ա.

— Մենք թիգունը պըտի հրսանիք անենք:





Մարթը քյամ ա բզարան լավ հաքուստ, ուտելիք պերում, հաքնում են, ուտում, խմում: Մարթը ծափ ա տամ՝ կնեկն ա պար կյամ, կնեկը ծափ ա տամ՝ մարթն ա պար կյամ: Մարթը կնկանը էնքան ա պար ածում, բիզարում ա: Ասում ա.

— Ա՛յ կնեկ, բոլ ա, վեր կաց քոն ինենք:

Վեր են կենում, քոն ինում: Կնեկը վեր քնավ ա հնցնում, մարթը եր ա կենում, քինում էս ոսկին, օխտը հորից հանում, օրիշ տեղ կյաղում: Առավոտը լուսանում ա, կնեկը եր ա կենում, կոծը օսին քինում ճուրը: Քինում ա տեսնում՝ աղարի դրաղին նստած են իրեք մարթ:

— Բարի լուս, ա՛յ մարթիկ, ինչ մարթիկ եք, բալքի օխտատերն եք:

— Հա՛, — ասում ա մինը, — ա՛յ քուր, օխտատերն ենք, մըն օխտ ենք կորցրել:

— Հա՛, սպիտակ օխտ, չովալը կեցած, փնջանի քողերը վզին, ոսկին շալակը:

— Հա՛, քուր ջան, հա՛:

— Ես եմ տարալ, ես եմ տարալ, ա՛յ ախպեր, եկեք:

Էդ մարթկանց հետան ա անում, պերում հորին կողքը, պյանում են, տեսնում՝ պյան չկա: Մարթին հարցնում են.

— Ախար քու կնեկը օխտը պերալ ա, հինչ ես ըրալ:

Մարթն ասում ա.

— Ա՛յ ախպեր, իմ կնեկս խելքից թեթե ա, սուտ բաներ ա ասալ, դուք էլ եկալ եք:

— Ա՛յ մարթ, հնց ա սուտ ասալ, բոլոր նշանները դյուզ են:

— Ա՛յ մարթ, կարող ա իրա մեջան հնարի, էդ բանը չի եղել:

Էս գործը տալիս են դատի: Մարթը եր ա կենում, կնկա հետ քինում դատի: Դատարանում կնեկն ասում ա.

— Ընկեր դատարան, օխտը ես եմ պերալ՝ չովալը կեցին, փնջանի փողերը վզին, ոսկին շալակը: Մարթս ոսկին ածալ ա մի հորի մեջ, օխտն էլ մի հորի մեջ:

Մարթն ասում ա.

— Ա՛յ մարթիկ, ես կնեկը գիժ ա, հարցրեք ասեք. «Ո՛ր ժամանակին ա եղել»:

Դատարանն ասում ա.

— Քուրիկ, ո՛ր ժամանակին ա եղել՝ օխտը որ բերել ես:

— Ընկեր դատարան, իմ հրսանքավն ա եղել:

Օխտատերն ասում ա.

— Ա՛յ մարթ, ես քսան տարվա հարսնացու ա, իմ օխտը կորելը դեռ իրեք օր ա:

Դատարանն ասում ա.

— Քուրիկ, դուզն ասա:

— Այ մարթ... դատարան... աստված, երկինք, գետին վկա յա, իմ հրսանքավն ա էղել:

Էստեղ դատը հեչ ա տյառնում: Տեսնում են էս կնեկը գիժ ա, օխտատերերը թողնում են քինում:

Երկնքից իրեք խնձոր ա ընկնում՝ մինը ասողուն, մինը լսողուն, մինն էլ անունը տամ չեմ:

Պյուրթ — բուրդ

Մանչես — մանես

Ինձ հետի — ինձ համար

Կործել — գործել

Կեցիլ տամ — գործել տամ

Կեց — հագիր

Կյուղան — գյուղից

Կյորտ — գորտ

Հեփ — երբ

Օռփատ — ուրբաթ

Լահա — հալա, դեռ

Պելի-պիլաքին — քավոր-քավորկին

Պիլաքի — քավորկին

Տես ա ման կյամ — այս կողմն է ման գալիս

Ոսկի ջամ — ոսկի թաս

Ինես — լինես

Բիգուն — իրիկուն, երկն

Քնավ ա հընցում — քնով է անցնում, քնում է

Կյաղում ա — թարցնում է

Սաղսի ծախող — ապակեղեն վաճառող

Պրուտ — բրուտ

Պեռնը — բռնը

Դարանը հետ — ներքանը ետ, կրունկը ետ, փախչել

Հունց — ինչպես

Օխտերը — ուղտերը

Ոնց ա տյառնում — ինչպես է պատահում

Էդ դաթան — այդ արանքում

Պենջար — բանջար

Համ էլ կնդում — համ էլ պոկում, պռճոկում

Գյուղում ա — իմանում է

Քո կողը — քո մտ

Բիգարում ա — հոգնում է

Քոն ինեսը — քնեսը

Բալքի — գուցե

Չովալը կեցած — ջվալը հագցրած

Դյուզ են — ճիշտ են

Իմ հարսանքավն ա էղել — իմ հարսանիքի ժամանակ է եղել

Գյուլ — լիճ

Եր օնել — վերցնել





## ՈՒՂՏԸ

**Ը**լում ա, չըլում մի մարդ: Էս մարդը մի շաշ կնիկ ա ունենում: Օրերից մի օր էս կնիկը ճամփումը մի բեռնած ուղտ ա տենում, վազում ա մարդի կուշտը, թե.

— Այ մարդ, էնա հազիր իրա ոտովը մեր դուռն ա էկել: Յն բախտ, յն դամաթ, բի մորթենք:

Էնա ասելն ու հաղաղ մարդը բեռը վրիցը վեր ա բերում, մորթում: Մխելի վախտ ա անց կենում: Էս կնիկը տենում ա, մի մարդ վռագ-վռագ գնում ա, ձեն ա տալի.

— Այ մարդ, ուղտիդ ես ման գալիս:

Էս մարդն ասում ա. «Հլա հն ասեմ»:

— Հն, քիրա ջան, կարող մ տեհած ըլիս:

— Ի՛, գուր ես ման գալի. ուղտի մսիցը քեզ էլ ենք պահե, արի կեր:

Էս մարդը գնում ա դատավորի կուշտը: Դատավորը շաշի մարդին կանչում ա:

— Այ մարդ, էս մարդի ուղտի միսը խի ես կերել:

— Վնյ ծով, ցամաք, երգինք, գեղինք, ես բեխաբար եմ: Վկա բերեք, որ հրվատամ:

— Վկեն քու կնիկն ա:

— Է՛, խելքդ սիբեմ, դատավոր ախպեր, իմ կնիկը շաշ ա. նրա վերի կուռը թամուզ ավաճ ա: Հմի ես ասեմ, դուք անգաճ արեք: Մի արև, պլպլան օր էր.

ասեին կնիկդ շաշ ա, ուզեի ոչ հրվատամ: Վերջը, որ շատ, որ շատ, ասի՝ մարդ ա, էլի, հնարավոր ա, լն փորձեմ: Ասի.

— Այ կնիկ, նոր աստոծի հետ խոսեցի, ասավ գեշ սելավ տի լիլ:

Կնիկս ծուլ-ծուլ էլավ, թե.

— Վախում եմ, ինձ մի տեղ պիտի:

Տարա թոնրի մեջը գցեցի, վրին մի տախտակ դրի, տղխտակի վրին էլ մի փեշ ցորեն ածի, հավերը վրին արի: Հմի նրանք կտկտացնելով ուտում են, նն էլ միջին ճվճվում ա: Որ կերան, պրծան, կնգանս թոնրիցը հանեցի: Ասում ա.

— Այ մարդ, ես ինչ գուլում կարկուտ եկավ:

Էլ ասում չի, թե գեղինը խի ա ցամաք: Հմի դուք էն շաշի ասածին անգաճ եք անում, հրվատում...

Դատավորի խելքը կտրում ա, որ ետ կնիկը դուզ շաշ ա: Սիենց էլ դատից ազատում են:

Շաշ — հիմար

Բեխաբար — անտեղյակ

Թամուզ — մաքուր

Նրա վերի կուռը թամուզ ավլած ա — բնավ խելք չունի, հիմար է

Սելավ — հեղեղ

Լա — հալա, հապա

Ջուլում — պատուհաս, խիստ, սաստիկ





## ՄԻ ԲՈՒՌ ՀՈՂ

արոն-Կարոն շատ հարուստ կեղի, աշխրի չափ օսկի կունենա: Օր կծերանա, քառասուն դև կմորթա, կթալա կշերուն, օր հուր ապրուստի տեղ մարդու կըսա չենեն: Սալ կշրջեն, նազիր-վեզիր ապրուստ կլցեն տակ, կեթան: Էդունց շատ ժամանակ գնցի, ժուկըմ կմնա, Հարոն-Կարոն կմեռնի: ժամանակով մոլեն ու տերդեր ճամբախ կեթան: Կշեր վերևանց քխոսան: Էն մի կուշ կըսա.

— Տերոջ ջեբ օսկի կա:

Մոլեն կծըծղա: Տերդեր կըսա.

— Հորի կծըծղաս վըր ընձի:

Էն մե կուշ էլի կըսա.

— Օր մոլեն տերոջ սպանա, ահագին օսկի կխանա:

Մոլեն կծըծղա, կըսա.

— Հարոն-Կարոն օսկուց ինչ խասկցալ, օր ես ինչ խասկնամ, — կըսա, — տերդեր, ինչ կա քու ջեբ:

Տերդեր կըսա.

— Բան էլ չկա, մուլա, մե խատ սոխ ա:

Կշեր էլի կգրուցեն, Էն մե կուշ կըսա.

— Հարոն-Կարոնի ապրուստ օր թաղին, մենք հենօր ենք կուշտ կերե:

Մոլեն էլի կծըծղա: Տերդեր կըսա.



— Մուլ՛ա, եդ ինչ ա եղե, հնչի՛ բեզի-բեզի կծըծղաւ:

Մուլեն կըսա.

— Գըլսե՛ս, տերդեր, էտա կշեր քսեն օր մենք Հարոն-Կարոնի ապրուստ թաղելու օրն ենք կուշտ կերե:

Կեթան-կեթան, կխասին թագավորի քաղաք, տերդեր կեթա թագավորի ոտ, կըսա.

— Թագավոր ապրած կենա, մուլեն Հարոն-Կարոնի ապրուստի տեղ գինա:

Թագավոր նազիր-վեզիր կճամփա, մուլին կառին գիքան, կըսա.

— Մուլ՛ա, հուզես-չուզես՝ Հարոն-Կարոնի ապրուստ պտի բերես, չես բերե՛ քու գլուխ կըկորեն:

Մուլեն կըսա.

— Տերդեր, քու վիզ կողրի, էս ինչ էր՝ էնեցիր իմ գլոխ, — կըսա, — թագավոր ապրած կենա, օր կըսես՝ կըսես: Ընձի յոթ դևաբեռ միս տուր, ամեն դևի խետ՝ մե մարդ, մե խատ էլ՝ դևի կաֆսա:

Սաբախտան գելի կառի դևանք, կեթա: Կեթա-կեթա, կըխասի էնդեղ, դոր թաղած ա Հարոն-Կարոնի ապրընքներ: Միս կցփկնա էտերանք, հինք կըմտի դևի կաֆսա, կմնա: Ինչքան էրուն-թռչուն կան՝ գծողվին, գիքան եդ միս կուտեն: Մեկ դախ թռչուն Հարոն-Կարոնի վախտուց մացուկ կեղի, գիքա կնըստի վրը դևի կաֆսային, կտուց գզենա, կպուպուզի, կըսա.

— Մենք մեկ էլ Հարոն-Կարոնի ապրուստ թաղելու օրն ենք էսմալ կերե, օր Հարոն-Կարոնի ապրուստ թաղին էտա սալի տակ:

Մուլեն գըլսի, գելի: Օր գելի, թռչուն կըճչա ու կպադոռի, կըսա.

— Հերթում էր դրուկ մեր վրեն, հորի՛ ըսի:

Մուլեն սալ կիտա շրջել, Հարոն-Կարոնի ապրուստ կրանա դևենք, կխեծի, գիքա: Գուքա թագավորի պալատ, կըսա.

— Թագավորն ապրած կենա, քու հուզածն բերեր եմ:

Թագավոր հուրին-հուրին կըսա. «Լուսուն ձեն հընգի ախշար, կըսեն թագավոր քեսիբ էր, գնաց Հարոն-Կարոնի ապրուստ առավ էկավ»: Կըսա.

— Մուլ՛ա, դարձու տար:

Կառի կեթա, գըլցա սալի տակ, գիքա:

Թագավոր կըսա.

— Մուլա, ինչ գուզես քե տամ. իմ խամար չարչրվար, գացիր, էկար, մե բան հուզա:

Մուլեն կըսա.

— Ապրած կենա թագավոր, ընձի տերոջ գլոխ կիտա:

Կճամփեն, տերոջ կառին գիքան, գլոխ կըկորեն: Թագավոր կըսա.

— Բեր տերոջ գլոխ, դնենք քաշենք, ինչքան օսկի վերուց, քե եղի:



Կշեռք կառին գիքան, տերոջ գլոխ կրդնեն վրեն, ինչքան օսկի գըլցեն, գետնեն չբանցրնա: Մոլեն կըսա.

— Թողեք, ես էդոր գլոխ բանցրցում:

Կեթա դսուց մե ճանգ խող կբերա, գըլցա, տերոջ գլոխ կբանցրնա, կըսա.

— Թագավոր, տեն, մեզի էսի յա պետք, մեզի մինեկ խողն ա: Դու ինչքան օսկի լցիր՝ չբանցրցավ, մե ճանգ խող լցի՝ բանցրցավ:

էդուց տերոջ գլոխ տանին թալեն դեն, թագավոր մոլին գհարգապատվա, դնա ջաղդի, կըսա.

— Դը գնա, մոլա, Հարոն-Կարոն ինչ տարավ էս ախշրեն, օր ես տանիմ:

Հարոն-Կարոն — խոսքը, ըստ երևույթին, Յ-րդ դարի արաբ  
խալիֆա Հարուն-ալ-Ռաշիդի մասին է:

Ապրուստ — հարստություն

Դևաբեռ — ուղտաբեռ

Դևի կաֆսա — ուղտի խրտվիչակ

Աաբախտան — առավոտյան

Հերթում — երդում

Դան — այնտեղ

Ջաղդա — ճանապարհ





## ԲՈՍՏԱՆՉՈՒ ԱՂՋԻԿՆԵՐԸ

**Կ**եղնի, չեղնի, մէ հատ բոստանչի կեղնի: Մէ անգամ էդ բոստանչին հողը փորելիս մէ պուտուկ օսկի կգոնի ու կըսա.

— Ով որ էգավ իմ բոստանի մողով հնցավ, էս գրուգ օսկին կկիսեմ ընդրա հեդ:

Հանկարծ թաքավորն գիքա ու գնցնի էդ բոստանչու բոստնի մողով, բոստանչին թաքավորին կտենա ու կըկանչա.

— Թաքավորն ապրած կենա, արի, էս օսկին կիսենք:

Թաքավորն էդ օսկին տենալով աչքերն կըչռա, բոստանչու մողեն օսկին կաննի ու կփախնի: Էդ բանն օր բոստանչու աղջիկներն կտենան, հորն կըսեն.

— Հայրիկ, դու մի վշտացիր, էսա մենք իրեք քրովս կեթանք ու օսկին կբերինք:

Բոստանչու աղջիկներն կեթան թաքավորի պալատ:

Թաքավորն իրա բաղում նստած կլնի: Թաքավոր օր իրեք հուրի-փերի աղջիկ կտենա, գուգա ծանոթանա, կհարցու առաջին աղջկան.

— Օրիորդ, քո անունն ինչ ա:

Աղջիկը կըսա.

— Իմ անունը իմ նման ա:

Մյուս աղջկան կհարցու, աղջիկն կըսա.

— Իմ անունը Ընձնից Բեթար ա:

Երրորդ աղջիկն կըսա.



— Իմ անունը Հուր Խաղամ ա:

Բոստանչու խորամանկ աղջիկներն թաքավորին լավ կխմցուն, կքնցուն, հերեսներ կեսն կթրաշին, կեսն կթողին, գլխի մազերու կեսն կխուզին, կեսն կթողին եդենց փրչոդ, ու օսկիներ կառին, կթողին կերթան իրանց տուն:

Ազավոտ թաքավոր գելնի քնուց, կտենա, օր ոչ աղջիկներ կան, ոչ օսկին: Ըդեղ թաքավոր գլխու գնզի ու կվազի վեզրի մոտ:

— Իմ նմանին տեսար:

Վեզիր զարմանալով կըսա.

— Վայ, ես քու նման ըսկի չեմ տես:

Թաքավոր էլի կհարցու.

— Ընձնից Բեթարին տեսար:

Վեզիրն էլի կզարմանա, կըսա.

— Վայ, թաքավորն ապրած կենա, օր քու նմանին չեմ տես, քեզնից Բեթարին հո՛ւր տենամ:

Թաքավորն էլի կհարցու.

— Բա Հուր Խաղամն հո՛ւր ա.

Վեզիրն էլի զարմացուկ կըսա.

— Վայ, թաքավորն ապրած կենա, իդա լեն ու բոլ բաղերը, իդա լեն ու բոլ դաշտերը տեղ չկա՛, օր դու էթաս խաղաս, օր ընձի կհարցու:

Բոստան — բանջարանոց

Գողուզ — գտած

Գիքա գնջի — կգա կանցնի

Բաղ — այգի

Ընձնից բեթար — ինձանից վատթար

Հուր Խաղամ — որտեղ խաղամ

Պուղուկ — կճուճ

Հուրի փերի — գեղեցիկ, չքնաղ

Իդա — այս





## ԱՇԽԱՐՀԻ ԱՄԵՆԱՐԱԳԱՎԱԶԸ, ԱՄԵՆԱԳԵՐՆ ՈՒ ԱՄԵՆԱՔԱՂՅՐԸ



անքսի վախտն ա ըլում: Մի քյասիբ մի թայ եզն ա ունենում, քինում ա մի հարստից մի թայ եզն ա վեր ունում: Պիրում ա էս քյասիբ մարթը, ցանքսը անում ա, էլ ետ եզը տալիս ա հարուստին: Անցնում ա մի վախտ, էս հարուստի եզը սատկում ա: էս հարուստը գալիս ա էս քյասիբի մոտ ու ասըմ ա.

— Իմ եզը տուր, դու ես մեղավոր, որ իմ եզը սատկել ա, ո՛վ գիտի ինչ էս արել, որ հայվանը ոտները տնգել ա:

Վերջը էս հարուստը գնում ա դատարան բողոքի, թե թող քյասիբը մի եզ տա ինձ: Դատավորն էլ ասըմ ա.

— Մի հանելուկ կասեմ, որըդ քթնի, նա էլ դատը կշահի:

Ասըմ ա.

— Աշխարհի արագավազը ինչն ա, աշխարհի չաղը ինչն ա, աշխարհի ամենաքաղցր բանը ինչն ա: Իրեք օր ձեզ ժամանակ, իրեք օրից էլեդ կգաք:

էս քյասիբը գնըմ ա տուն, տխուր նստըմ օջախի մոտ ու սկսըմ փետով կրակը խառնել: էս քյասիբն էլ մի սիրուն, խելոք աղջիկ ա ունենըմ: էս աղջիկը որ տենըմ ա հերը կրակն ա խառնըմ, հարցնըմ ա.

— Ա՛ հեր, ինչ ա ըլել, խի՞ էս տղիե անհանգիստ:

Հերը աղչկանը պատմում ա: Աղչիկը հորը ասում ա.

— Ա՛ հեր, դարդ մի անի, քնի, իրեք օր եղը վեր կկենաս, կգնաս դատավորի մոտ ու կասես պատասխանը:

Իրեք օրը որ թամամում ա, աղչիկը հորը հանելուկի պատասխանը ասում ա ու դարկում դատավորի մոտ: Դատավորը ասում ա.

— Դե՛, ասեք տենամ, հրն ա ամենաարագավազը, հրն ա ամենաչաղը, հրն ա ամենաքաղցր բանը:

Էս հարուստը ասում ա.

— Դատավոր ջան, էտ քու հանարակ հարցերի պատասխանը էս ա. ամենաարագավազը ձին ա, ամենաչաղը խոզն ա, ամենաքաղցրը մեղրն ա:

Հմի էլ դատավորը քյասիբին ա հարցնում: Քյասիբը ասում ա.

— Աշխարհի ամենաարագավազը միտքն ա, ամենաչաղը հողն ա, ամենաքաղցրը քունն ա:

Ըստի դատավորը ասում ա.

— Ապրես, դու գտար:

Էսպես քյասիբը ուրախ-ուրախ ետ ա գալի իրա տուն:

Վախտ — ժամանակ

Թայ — կենտ, զույգի մեկը

Պիրել — բերել

Էլեդ — նորից

Ղարկել — ուղարկել

Քյասիբ — աղքատ

Տղե — այդպես

Ոտները տնգել — սատկել

Թամամել — լրանալ





## ՀՈՐ ՏԱՆ ԳԻՆԸ

**Մ**ի մարդ գուզա հուր տղին տուն առնի, որ բաժնա: Տղին կուղարկա տուն առնելու, կըսա.

— Կխարցուն, որ տուն խոր սարքուկն էղավ կառիս, որ տղի սարքուկն էղավ չառիս:

Տղեն կերթա, գիքա, կըսա.

— Ա՛յ խեր, էդ տունը տանտիրոջ խոր սարքուկն ա:

— Առանք, — կըսա էս մարդ:

Կերթան, տուն կառին:

Էն մեկէ տարին էս մարդը իր մեկել տղին կկարգա: Ասել ա էս մարդուն համաշա վատ խարսներն ա ռաստ գիքան, գուզա էս տղին էլ բաժնա:

Տղին կըսա.

— Գնա քու համար տուն շուռ արի, որ խոր սարքուկն էղավ կառինք, տղի սարքուկն էղավ ձեն-ձու չանես:

Տղեն կերթա, գիքա, կըսա.

— Խոր սարքուկն ա:

— Առանք, — կըսա էս մարդ:

Մե հուրիջ մարդ էնդեղից գիելի, կըսա.

— Ա՛յ ախպեր, էդ ինչ հաշիվ ա, համաշա խոր սարքուկ տներն ա կառիս:

Էդ մարդ կծիծաղա, կըսա.

— Խոր սարքուկ խեղեր մաների գործ որդին մե կոպեկի կիտա, հուր սարքուկ մե կոպեկի գործ խեղեր մաների չիտա:

Հուր — իր

Տուն շուռ արի — տուն ման արի,  
տուն փնտրիր

Ձեն-ձու — ձայն-ծպտուն

Կըսա — ասում է

Խոր — հոր

Համաշա — միշտ

Խեղեր — հազար

Ռաստ գիքան — հանդիպում են



## ԽԵԼԱՅԻ ՀԱՐՄՆԱՑՈՒՆ

**Ե**րկու եղբայր գնում են իրենցից մեկի համար հարսնացու փնտրելու։  
Շատ տեղեր են լինում, շատ աղջիկներ են տեսնում, բայց ոչ մեկին չեն  
հավանում։ Մի անգամ գնում են մեկի տուն աղջիկ տեսնելու։ Տեսնում են,  
աղջիկը շատ գեղեցիկ է, բայց մի աչքը շիլ է։ Եղբայրը եղբորը հասկացնում

— Տունը լավ տուն է, համա ծխնելույզը ծուռ է։

Աղջիկը կռահում է նրանց միտքը և ասում.

— Ծխնելույզի ծուռ լինելուն մի նայեք, կարնորը, որ ծուխը ուղիղ է  
բարձրանում։

Եղբայրներին շատ է դուր գալիս աղջկա խելացի պատասխանը, և  
նրանցից մեկը աղջկան իրեն հարսնացու է ընտրում։

\* Փոխադրված է Համշենի բարբառից







### ՔՆԿՈՏ ՊԱՀԱԿԸ



Ըլել ա մի թաքավեր: Էտ թաքավերը շարունակ հորսի քյնալիս ա ըլել իրան տղու հետ: Օրերից մի օր էս թաքավերի պահակը ըրազըմը տեհել ա, վեր թաքավերի տղեն խփվեց: Տա վեր ա կցել, քյնացել թաքավերի կուշտն ու պսել ա.

— Թաքավերը ապրած կենա, ըսօր տղիդ հորսի տանես վեչ, բշերիս կեշ ըրազ եմ տեհել:

Էտ թաքավերը սրա ասածին անգամ չի կալել ու տարել ա: Հորսի տեղը հսնիլն ու թաքավերի տղի խփվիլը մին ա ըլել: Էս թաքավերը հորսիցը կյալիս ա ու, թքավերին ինչպես լայաղ ա, կանչըմ ա իր գահիծին ու հրամայում ա, վեր պահակին տանի ու ժողովրդի ըղաքին կլուխը թոցնի: Երբ վեզիրնին հարցնըմ են, թե. «Թաքավերը ապրած կենա, խփ ես կլուխը թոցնիլ տալի», թաքավերը ասըմ ա.

— Պահակը խփ ա քնել, վեր միեղ ըրազըմը տղիս տեհել ա խփված:

- Հորսի — որսի
- Կուշտը — մտքը
- Կեշ — վատ
- Ըրազ — երազ
- Լայաղ ա — վայել է
- Ըղաքին — առջև





## ԱՌԵՎՏՐԱԿԱՆՆ ՌԻ ԳՅՈՒՂԱՑԻՆ

Ինում է չի լինում, մի աղքատ գյուղացի: Այս գյուղացին ամբողջ օրն աշխատում էր, բայց հազիվ էր ծայրը ծայրին հասցնում:

Մի օր էլ, երբ տանը բոլորովին ուտելու բան չի լինում, երկար-բարակ միտք է անում, վերջը գնում է մի առևտրականի մոտ, նրանից հինգ ոսկի է պարտք վերցնում: Առևտրականը տալիս է, բայց պայմանով, որ երեք ամսից հետո գյուղացին տասը ոսկի վերադարձնի:

Երբ գալիս է ոսկին վերադարձնելու ժամանակը, առևտրականը տեսնում է, որ գյուղացին չի գալիս, ինքն է գնում նրա մոտ և սկսում գոռգոռալ ու վախեցնել նրան: Գյուղացին, ճարը կտրած, չի իմանում ինչ անի, սկսում է իր սիրած երգը երգել: Երգում է, հա՛ երգում, չի թողնում առևտրականը բերանը բացի ու խոսք ասի: Կատաղած առևտրականը գյուղացուն քաշ է տալիս կալվածատիրոջ մոտ գանգատի: Գյուղացին շարունակում է իր սիրած երգը երգել: Պարզվում է, որ այդ երգը կալվածատիրոջ էլ ամենասիրած երգն է: Երբ որ լսում է գյուղացու երգը, տրամադրությունը բարձրանում է և սկսում է նրա հետ երգել: Առևտրականն ավելի շատ է կատաղում և գյուղացուն քաշ է տալիս թագավորի մոտ: Թագավորը հրամայում է գյուղացուն, որ առևտրականի ոսկիները ետ տա, թե չէ՝ գլուխը կտրել կտա: Գյուղացին այս անգամ էլ սկսում է իր սիրած երգը երգել: Դու մի ասի, ջահել ժամանակ թագավորը նույնպես շատ է սիրել այդ երգը, և հիմա էլ միտքն է ընկնում ու սկսում գյուղացու հետ երգել, ուրախանալ ու քեֆ անել: Վերջը թագավորը հրամայում է ծառաներին, որ առևտրականին տասը ոսկի տան, իսկ գյուղացուն ասում է.

— Դու որ այդքան լավ գիտես երգի ուժն ու գինը, ուրեմն, դու շատ խելոք ու հասկացող մարդ ես:

Եվ գյուղացուն դարձնում է իր նազիր-վեզիրը:

\* Փոխադրված է Համշենի բարբառից





## ՉՈՐԱՆՆ ՈՒ ԱՇՈՒՂԸ

**Մ**ի աշուղ ճամփեննի գնալիս ռաստ ա գալի մի չորանի: Իրան-իրան միտկ ա անում, թե սա վերու չորան ա, մի զադ էլա գիդանալ չի, ես աշխարհ-աշխարհ ման եմ եկել, սրան գոռ անեմ, մի ոչխար պլուկեմ: Մոդիկանում ա չորանին ու ասում.

— Չորան ախպեր, արի ես քեզ մի հանելուկ ասեմ, թե գդնաս ոչ, ինձ մի ոչխար տաս:

Չորանը համաձայնվում ա:

— Էն ինչն ա ինչը՝

Հինգ ախպեր մի հորի վրա պատ են դնում:

Չորանը գդնում ա.

— Մլերը՝ գուլպա գործելիս:

Աշուղը մնում ա մատը բերանումը: Հըմի էլ չորանն ա ասում.

— Մի հանելուկ էլ ես ասեմ, թե գդնաս ոչ, սագդ ինձ տաս:

Աշուղը միտկ ա անում, թե սա բռի չորան ա, ինչ տի ասի, որ գդնամ ոչ:

Չորանն ասում ա.

— Էն ինչն ա ինչը՝

Վրեն քսան ծակ ունի արած,

Քսանի միջովն էլ թել անցկացրած,

Բերած մի տեղ փթաթ տված:

Աշուղը միտկ ա անում, միտկ, գրնում չի: Չորբանն ասում ա.

— Աշուղ ախպեր, ես ամենահասարակ հանելուկն ասի, եղ ղնց ան գդար ոչ: Հեսայ, իմ հագի տըրխնին են: Դե որ գդար ոչ, սագդ տուր:

Աշուղը դաշանք, միկնաթ ա անում, չորբանը սագն իրան ա տալի ու ասում.

— Էստունց եղը, էլ ասես ոչ, թե բռի չորբանը զադ չի գիդե:

Ռաստ ա գալիս — հանդիպում է .

Վերու — վայրենի

Մի գադ էլա — ոչ մի բան

Զոռ անել — ստիպել

Տըրխնին — տրեխները

Ղաշանք — աղաշանք

Միկնաթ անել — խնդրել





## ԱՄՈՐԺԱԿԻ ԴԵՂ ՓՆՏՐՈՂԸ



ի մարդ լսել էր, թե այսինչ քաղաքում կա Լոխման անունով բժիշկ, որը դեղ ու դարման է անում ախորժակ չունեցողներին: Վեր է կենում, որ գնա նրա մոտ: Ճանապարհին մտնում է մեկի տուն մի փոքր հանգստանալու: Տան տերը հյուրի համար առատ սեղան է բացում: Հյուրը մոտենում է սեղանին և առանց գլուխը բարձրացնելու սկսում է ուտել: Խեղճ տանտիկինը իր քունջ ու պուճախի ունեցածը բերելուց հետո գնում է հարևանների եղած-չեղածն էլ հավաքում-բերում է հյուրին կերակրելու: Բայց հյուրը չէր կշտանում և գլուխը կախ շարունակում էր ուտել: Տանտիրուհին ճարը կտրած մածուն շինելու տակառիկով թան է սարքում, նորից հյուրասիրում նրան: Հյուրը սա էլ է խմում և նկատելով, որ ոչինչ չկա ուտելու, սրբում է բեղերը:

— Մի քիչ էլ լիներ, կուտեի, բայց ինչպես առածն է ասում. «Ջվալը լցված տեղից են կապում», — ափսոսանքով ասում է նա և վերջին կում թանը կուլ տալով, ետ քաշվում սեղանից:

Հյուրը մի քիչ էլ նստելուց, սեղանին աչք ածելուց հետո վեր է կենում, որ գնա իր ճանապարհով: Տանտերը դիմելով նրան հարցնում է.

— Ամոթ չի՞նի հարցնելը, բարեկամ, ո՞ր ես գնում այդպես շտապելով:

— Գնում եմ ախորժակի դեղ առնելու Լոխման հեքիմից, վերջին ժամանակներս ախորժակից ընկել եմ, վախենում եմ՝ սովից մեռնեմ:

— Լնվ ես անում, — ասում է տանտիկինը, — բայց վերադարձին ուրիշ ճամփով որ անցնես, լավ կլինի, մենք հեռու երկրներ ենք գնալու, տանը ոչ ոք չի լինի:

\* Փոխադրված է Համշենի բարբառից





## ՀԱՐՈՒՍՏՆ ՈՒ ՉՈՐԱՆԸ

ԼԵ՛, չըլել, մե հարուստ մարթ ըլել: Ինչ ասես, որ չունենալ էտ հարուստ, համա աշխատանք ասված պանը չի իմանալ ինչ ի: Որ հեչ աշխատանք չանել, էտ մարթը հիվանդանալ: Ինչ ուտել, չուտել, տար հիվանդորթունը չանցնել: Իրանց կյեղի չոբանին մե օր հարցուցել.

— Չոբան ախպեր, էտ քո կերածն ինչ ի, որ տու էտքան առողջ ես, ես ախշըրթի տակ էլ պան չմնաց, որ չուտեմ, բայց էլ են հիվանդն եմ:

Չոբանն ասել.

— Տու քո մե օրվա ուտելիքը վերց պե սարը, մե տեղ խաց կուտենք, ու ես պատասխան կտամ քո հարցին:

Հարուստն հըլել մե հարիր տեսակ պան վերցել ու հետը տանել սարը: Ետես են խաց ուտել: Չոբանը կաթը կթել, խացն էլ փրթել մեջը ու ուտել: Էտ հարուստն էլ իր պեթածի մե մասն ուտել: Ուտելուց հետո էդ չոբանն ասել.

— Դե, դու քո ուտելիքն դիր մե տեղ, էթանք մե քիչ ման գանք:

Ինքն էլ կաթը կթել, տընել ախպրի աչքը: Էթաս են մե իրեք-չորս ժամ ման կյալ, էտ հարուստի շունչը կտրվել, չինալ քայլել, բայց չոբանի հեչ վեջը չի: Չորս ժամեն հետո իկյաս են ախպրի մոտ, տըսնաս են էդ չոբանի կաթը պաղե, սերն էլ տըվե իրեսը, համա էդ հարուստի ուտելիքը շոքը որ տվել ի, թթվե, փչացել ի:

Չոբանն ասել.



— Քյո հարցի պատասխանն էտ ի, քո կերածն, այ, ըտենց փչանալ քո մեջ ու քեզ հիվանդացուցել, քանի որ ուտելուց հետո տու չես աշխատել: Աշխատանքն ի մարդուն առողջ պահել: Եթե ուզես ես հիվանդ չըլել, չափավոր ուտես ու աշխատես:

Տար — նրա

Կյեղի չորան — գյուղի հովիվ

Վերց պե — վերցրու բեր

Ախարի աչք — աղբյուրի ակ

Իկյաս են — գալիս են





## ՊԱՆԻՐ ՕՏԻԼԸ

ըն շատ հարուստ, բայց ազահ մարթ ա ինում, ուրան էլ մի դուքան ա ունում: Էտ հարուստը ուրան ծառաներին պանիր չի տալիս ուտելու, մինակ հաց ա տալիս ինում: Մին օր էլ նոքյարնին կռեվ են սարքում.

— Մեզ խե՛ չես պանիր տամ, հի՛նչ ա, մենք պանիր օտիլը գյուտում չենք: Էս մարթը մին բանկա յա եր օնում, մեչը մի պատառ պանիր տունում, պենդ փակում, վեր կարան վեչ պյանան: Էս բանկան տունում ա մի տեղ, ասում.

— Սրանից ետը հացը կըքիցեք պանրի բանկին, հետո կօտեք:

Մի օր էլ էտ բուղազան վեչ կտրածը քինում ա օրիշ տեղ, պանիրն էլ պինդ փակում ա սնդուկումը: Վեր կյամ ա, հըրցընում ա.

— Բա էսօր հի՛նչ եք կերալ:

— Հաց ու պանիր, — ասում են նոքյարնին:

— Վիյա, հունց թա, հունց եք կերալ:

— Հացը քիցա ենք սունդուկին՝ կերալ, — ասում են նոքյարնին:

— Վիյա, ըրեվում ա, տյուք ինձանա ժուլիկ եք, — ասում ա դուքանի տերը:

Դուքան — խանութ

Օտիլ — ուտել

Գյուտում — իմանում

Կըքիցեք — կքեք

Ժուլիկ — ճարտար, հնարագետ

Նոքյարնին — ծառաները



## ԹԱՔԱՎԵՐԸ

**Ը**նըմ ա, չի ընըմ, մի թաքավեր: Խաբար ա կյալիս, վեր թաքավերի  
նոքարը մեռել ա:

Էտ երկրի ժողովուրդը վեր են կենում, ուխտերը պեռնում, իրանք էլ լավ  
պըտրաստվում, վեր քիան նոքարը թաղեն:

Հըղըցումը մի պառավ ա պտահում հու ասըմ.

— Ա՛ իմ ախպերտինք, էտ վերդեղ եք քիւում:

Սրանք ասըմ են.

— Թաքավերի նոքարը մեռել ա, քյում ենք թաղենք:

Պառավն ասըմ ա.

— Ախր թաքավերն ա մեռել, վեչ թա նոքարը:

Էտ ժողովուրդը լսիլին պես, ուզում են թա ուխտերը վեր ունեն հու էտ  
տառնան:

Պառավը զարմանըմ ա հու ասըմ, թա խֆ են էտ տառնում:

Ժողովուրդը պատասխանում ա.

— Մենք էսքանը տանում ինք, վեր թաքավերը տենա, դե թաքավերը  
վեր կա վեչ, էլ տանում ենք վեր ճվ տենա:

Խաբար — լուր

Նոքար — ծառա

Հըղըցումը — ծանապառիին

Վերդեղ եք քիւում — ո՛ր եք գնում

Հու — ու, և





## ՆՈՔԱՐ ՍԻՄՈՆԸ

**Մ**

ի մարթ, անըմը Սիմոն, մի ունևորի տուն նոքար ա քընըմ: Էտ տունը վենց վեր ընիծած ըլեր, խեղճ Սիմոնը վետը տնիլն էտ տան շեմքեփետեն ու էտ տանեն ամեն ինչ կորչիլը, քըշանալը մին ա ըլըմ: Օրերից մի օր, տրանց չալ հավը իրան ծուն կորցընըմ ա: Էտ մարթի իրեք հարսները էլ առանց էրզան-պարակ մտածիլու ասըմ են. «Էտ Սիմոնի արածն ա»: Էտ ասծու ըլավի եկածի լուզուն էլ պտտըմ չի, թե բալքի ասի. «Ես չեմ արել»: Վախըմ ա թե ասի, քացով տերը տա ու ասի. «Հայդն, մեջքտ տենամ»: Տրա հըմար էլ ինչ կորչըմ ա, ասըմ են. «Սիմոնն ա ըլել»: Տրա լեզուն էլ էտ վախտը հլեյի լալկած ըլի: Մի օր էլ կովն ա կոմըմը սատկըմ, հարսները էլետ էտ են տառնըմ ու ասըմ, թե. «Սիմոնն ա արել, էլ վեչ ով չի արել»: Էտ իրեք հարսիցը մինն էլա ըրեխա պիրիլիս չի ըլել, թե վենց ա ըլըմ, վենց չի ըլըմ, էտ հարուստի մեծ հարսը մի տղա յա պիրըմ: Չիմն էլ ուրախանըմ են, քեփ անըմ, մենակ էտ խեղճ Սիմոնն ա նստըմ պատի տակ ու լաց ըլըմ: Հարուստը կյալիս ա, վեր տենըմ ա, ասըմ ա.

— Խալխը ուրախանըմ ա, տնաշեն, տու եկել ես լաց ես ըլըմ:  
Սիմոնը համ լաց ա ըլըմ, համ էլ ասըմ ա.

— Բա քնչ անեմ, վեր լաց չըլեմ, վախըմ եմ հարսներտ էլետ ասեն. տա  
էտ էն փաստը կտրած Սիմոնի արած պանը կըլի:

Շեմքեփետեն — շեմից, շեմի փայտից

Վենց վեր ընծած ըլեր — ոնց որ անծած լիներ

Ասծու ըլավի եկածի չեզուն — աստծու կրակն ընկածի լեզուն

Հէլէի — կարծես

Լալկած — պապանձկած

էլետ — նորից

Վեչ ով — ոչ մեկը

Սիմն էլա — ոչ մեկը

Չիմ էլ — թուրն էլ

Փաստը կտրած — այլանդակ





## ՇԱՇ ԴՈՆԱՂԸ



ըն հետ մի մարթ քինում ա ուրան հինգերին տոն: Օտում ա, խմում, ուրուգնադեմին վեր ա կենում վեր կյա ուրանց տոն: Մըկ էլա եշում, տեսնում երգիները տրաքեց, թօռը նի կալալ:

— Բահն, էլ հունց եմ կըրալու քյամ տոն, — ասում ա էդ դոնաղը:

Տընատերը տենում ա էլ ճար չկա, ասում ա.

— Ա՛ հինգեր, էս թօռավը եր չես կենալու քինաս տոն, հունց անենք, գիշերը մնա մեր տանը, էլ վէր օրվա հինգերունք ենք:

Աերջը էս դոնաղը համաձայնվում ա:

Տընատերը մըկ էլ ուրան կընեկը գբաղվում են ուրանց կուրծերավը, մըն էլ եշում են, տեսնում՝ դոնաղը կա վեչ:

Խիլա վախտան ենդան տեսան, ըհը, դոնաղը լրիվ թրջած, ճյուր տյառած նի մտալ:

— Ա՛ մարթ, տոնդ շինվի, էս թօռավը ըշտեղ էս քյացալ:

— Քյացալ եմ տանը ասալ, վեր թօռին դյարդա գիշերը մընալու եմ ծեր տանը:

Շաշ — հիմար

Դոնաղ — հյուր

Մըն հետ — մի անգամ

Հինգեր — ըսկեր

Թօռը նի կալալ — անձրևը սկսվեց

Եշել — նայել

Խիլա վախտան ենդան — բավական ժամանակ անց

Ըշտեղ — որտեղ

Քյամ — գնամ

Կա վեչ — չկա

Դյարդա — պատճառով





## ԻՇԻ ՁՈՒՆ

Ի հլիվոր մարդ գնում ա քաղաք, տենում ա բազարումը ձմերուկ են ծախում, մողիկանում ա, թե.

— Ախպերացու, էս ինչ ա:

էս ձմերուկ ծախողը տենում ա, որ միամիտ մարդ ա, ձեռ առնելով ասում ա.

— Իշի ձու ա:

էս հլիվորն մտածում ա. «Մեր էշը սատկել ա, մի հատ առնում տանիմ, ինչ կլի՛ կլի»: Մի հատ առնում ա, տանում: Ճամփումը նստում ա, որ մըքիչ դինջանա, էս ձմերուկը թուլ ա ըլում, գնում մի քարի դիպչում, ջարդվում: Էդ քարի տակին մի նապաստակ ա ըլում, դա էլ էդ քարի տակիցը դուս ա գալիս ու փախչում: էս նաչար հլիվորը եդնեն վազում ա ու ձեն տալիս.

— Քոնո՛ր-քոնո՛ր, քոնո՛ր-քոնո՛ր...

Նապաստակը փախչում ա, գնում: էս մարդը փոր-փոշման տուն ա գնում, կնգանը պատմում.

— Բա՛, այ կնիկ, գլխիս օղբաթ եկավ: Մի իշի ձու առա, ճամփումը թուլ էլավ, քուռակը դուս եկավ, փախավ: Ինչքան վազեցի, հասա ոչ: Հենց վազեր, ոնց որ մի նապաստակ: Ափսոն՛գ, կպահեի՛նք, կվենձանար, ձմեռվա հմար փետ կբերեի:

Կնիկն ասում ա.



— Այ մարդ, հետո կթողեիր կժերը վրին դնեմ, գնամ ախպրիցը ջուր բերեմ:

Էս մարդը կնգանը տալիս ա, ջարդում, թե.

— Տո՛ շան կնիկ, ես գնամ նաչար իշին փետ բարձեմ-բերեմ, դու էլ բեզարած-բեզարած տանիս ջուրը...

Թու ընեի — գլորվել

Օղբաթ — փորձանք

Նաչար — խեղճ





## ԹԵ ԻՆՉՈՒ ԵՆ ԿԱԿԵ ԱՄԱՆՆԵՐԸ ԾԱՆՐ

**Կ**եղնի, չի եղնի, մե մարդըմ ու կնիգըմ կեղնի: Էսոնք քյասիբ կեղնին: Կնոջը շոր չի ունենա: Տեղ երտալուց մարդը կնգան դնե կը կարասի մեջ և գլորե կը: Ճամփեն ռաստ գուկան ուրիշ մարդ ու կնգա: Ինոնք հարցնեն կը, թե ընչի գլորես կը կարասը: Էս մարդը կըսե, թե կնիգը շոր չունի, մտել ա կարասը: Էս մարդը գուգե իր թովի չթեն տա, որ եդ կնգան շոր կարեն, հագնի ու կարասեն ելնի: Կարասի միջեն կնիկը լսե կը ու կըսե.

— Սատին էլ չէ՛ չիթ. չէ՛ մարդ, գլորե:

Ինոնք կերթան իրանց ճամփեն:

Հիմի կըսեն, թե կապե ամանները եդ կնգա երեսեն են ըդման ծանդր:

Չթեն — չթից

Ըդման — ալդպես





## ԱԿՌՈՒ ԱՂԻ ՔԻՆԱԼԸ

**Մ**ըն օր Ակռին եզնը եր ա օնում, քինամ Նախճավան: Եզնը աղն ա պեռնում ու քշում կյալիս ա: Կյալիս տեղ Ակռին, մըն թայ աղը ծախում ա, մնամ ա մըն թայը: Մըն թայն էլ քար ա պեռնըմ, վեր հավասար ինի: Ըստիենց պեռնած քինում ա տոն: Պըտահում ա մըն մարթը, էս մարթը հըրցնում ա.

— Ակռի, էդ եզանը էդ հինչ էս պեռալ, ըդի ծանդրը:

Ակռին ասում ա.

— Ըղըրեղացե ըմ կյամ, մըն թայ աղը ծախալ ըմ, մըն թայն էլ քար ըմ ածալ, պեռալ եզանը:

Ասում ա.

— Այ տնաշեն, էդ խե էս ըտիենց ըրալ, քարը տեն ածի, աղը կես ըրա, կեսը ածի մըն թայը, մըն կեսն էլ էն մըն թայը: Եզանը հետի թիթև կինի:

Ակռին մտածում ա, վեր էս մարթը խելունք ա ասում, փռնում ա քարը տեն ածում, աղը կես անում, թիթև պեռնում եզանը: Քինում ա ու մտածում. «Վեր էս մարթը էսքան խելունք ա, տեսնամ քանի՞ վեչխար, տավար օնի»: Ետ ա տյառնում, հըրցնում.

— Այ մարթ, տյու վեր էդքան խելունք էս, քանի՞ վեչխար, կով, եզնը օնես:

Էս մարթը ասում ա.

— Ես մըն քյասիբ մարթ եմ:

Ակոխն մտածում ա. «Թա էս մարթը վեր ինձանա խելունք ա, պա խն վեչխար չօնի, ես օնիմ. չէ, ես ուրանանա խելունք եմ»: Եր ա օնում աղը, նորից մըն թայը ածում, մըն թայն էլ քար ածում, եզնը բշում:

Ըղրեղաց ... ալրաղաց

Ուրանանա — իրենից





## ՄՈՌԱՅԿՈՏ ՀԱՐՍԸ



ի տըթըվեցի փըսակվում ա, համա ըտա օգած ախճիկը շատ բեհուշ ա ինում: Շորվան վեր եփում ա, աման դոնում շիրեփը մըտան թըռնում, թողում ա տըռանը: Շոնը կյամ ա շիրեփը լյուզ տամ: Էթ հարսը վեր տեսնում ա, շիրեփը լվանում ա, տանում տերտերի կոշտը, վեր օծի, հըլալփի: Էթ օյինը մի քանի հետ կյամ ա ըտրա կլոխը, ալա տանում ա տերտերի կոշտը, վեր հալալ անի:

Մեհետ ալ վեր էթ հարսը շիրեփը տանում ա տերտերին կոշտը օծիլի, տերտերն ասում ա.

— Այ օրթնած, դե վեր աման դոնում շիրեփը մըտաթ քցում ես, թողում տռանը, շոնը լյուզ ա տամ, էն վախտը պեր լիա մի յոնլուղ ծեր շանը դուդուռը օծեմ, էտ ցավաթ պըրծնենք:

Տըթըվեցի — տաթևացի

Օգած — ուզած

Բեհուշ — մոռացկոտ, անուշադիր

Շորվա — ջրալի ճաշ

Շոն — շուն

Աման դոնում — ամեն անգամ

Լյուզ տամ — լիզում

Յոնլուղ — միանգամից

Դուդուռ — գունջ

Մըտան թըռնում — մոռանում

Հըլալփի — հալալփել, մաքրվել

Օյին — խաղ, փորձանք

Այ օրթնած — այ օրինած





## ՀԵՌԱՏԵՍ ՄԱՐԴԸ

Մ

Ե մարդըմ իրիկունը շատ մտածմունքի մեջ կյնի: Կնիկը կըսե.

— Այ մարդ, ինչի էտման թթվել ես, ինչ ա էղե:

Էս մարդը կըսե, թե դրկցի էշը առանց պոչի քուռիկըմ ա ծնե:

Կնիկը զարմանա կը ու կըսե.

— Դրկցի իշու համար էլ մարդ մտածե:

Էդ մարդն էլ, թե.


— Էսօր, էկվան, մեկել օր էտոնց քուռիկը որ մեծանա, լծեմ, ջաղաչ էրթամ, չամուռը որ խրվի, վերտից բռնեմ, որ դուս քաշեմ, ախր, պոչ չունի, է:

Կյնի — կընկնի

Էտման — ախրպես

Դրկցի — հարևանի

Չամուռ — ցեխ





## ՋԱՐՄԱՆՈՒՄ ԵՆՔ, ՋԱՐՄԱՆՈՒՄ

Եղացու մեկը վար կենա: էդ ժամանակ կտեսնի, օր երկու ջահել էկան, նստան սարի գլխին ու կնայեն գեղացուն:

Իրար մեջ վճիռ կենեն, թե իմալ եզան մեկը գողանան: Վճռելուց հետո երկուսն էլ իրար հետ գոռում են, թե.

— Ջարմանում ենք, զարմանում ենք...

Էս լսելով գեղացին գկանգնեցու լուծը: Էստեղ մե ընկերը կըսա մյուսին.


— Դու գոռա «Ջարմանում եմ», ես էլ էթամ եզը գողանամ:

Էսպես էլ անում են: Էդ ժամանակ գեղացին կմոտենա ու կհարցնա, թե.

— Տղեք, էդ ինչ ա էղե, որ զարմանում եք:

Նրանք էլ ասում են, թե.

— Ջարմանում ենք, թե դու մե եզով իմալ վար կենես:







### ՄՈՒԿԸ ՄԿԱՆ ՀԵՏ ԽՆԱՄԻ ԿԼԻՆԻ

**Լ**ինում է, չի լինում, մի մուկ է լինում: Երբ որդուն ամուսնացնելու տարիքը գալիս է, ընկնում է մտատանջության մեջ: Մկան հետ խնամհանալ չէր ուզում, փնտրում էր մեկին, որ իրենից բարձր լինի ու իրեն էլ վերև բաշի: Երկար մտածելուց, չափելուց հետո որոշում է, որ արևից ուժեղը չկա և գնում է նրա մոտ խնամախոսության: Երկար-բարակ խոսելուց հետո հայտնում է իր միտքը:

— Լավ ես արել, որ եկել ես ինձ մոտ խնամախոսության, համարելով ինձ աշխարհի ամենաուժեղը, — ասում է արևը, — բայց տեսնում ես այն ամպը, որին որքան աշխատեցի հեռացնել ու աշխարհը լուսավորել չկարողացա: Բայց նրա հեշ պետքը չէ, տեղից չի շարժվում: Եւ ինձնից ուժեղ է:

Մուկը տեսնելով ամպի փռված, անհոգ տեսքը, իսկույն իջնում է նրա մոտ:

— Մի բան եմ քեզ ասելու, — մոտենալով դիմում է մուկն ամպին:

— Չեմ կարող սպասել, դու ասելիքդ ասա, — վիզը ծռելով ասում է ամպը:

— Եկել եմ քեզ մոտ խնամախոսության, իմ լսելով դու աշխարհի ամենաուժեղն ես:

— Լավ ես արել, որ եկել ես, — ասում է ամպը, — բայց տեսնում ես, թե ինչպես է քամին ինձ ուզած կողմը քշում: Եւ ինձնից ուժեղ է:



Մուկը շտապում է քամուն հասնել և ընթացքի մեջ հագիվ կարողանում է հասկացնել իր գալու նպատակը:

— Իզուր ես կարծում, որ ես եմ ամենաուժեղը, — ասում է քամին, — տեսնո՞ւմ ես այն կաղնին, հինգ հարյուր տարի կանգնած է. փչում եմ, փչում, բայց տեղից չի շարժվում ու հեգնանքով ինձ է նայում: Նա ինձնից ուժեղ է:

Մուկը գնում է կաղնու մոտ ու ասում իր գալու նպատակը:

— Գու՞մուկ ես, իսկ մկներից ուժեղ աշխարհում չկա: Տես, ինչպես են արմատներս կրծել, շուտով կտապալվեմ, — հուսահատ ասում է կաղնին:

Մուկը զարմանում է ու գնում մկան մոտ՝ խնամախոսությամբ:

---

\*Փոխադրված է Համշենի բարբառից:





## ԽՄՈՒԿ ՄԿԱՆ ՊԱՅՄԱՆԸ

**Մ**ե խատ գեժ մուկ վախից կփախի, գելի կնստի կարսի պռնկին, խոտ կառի, կքեֆովնա, գընգի մեչը: Մուկը, խեխտվելով, կաղաչա աստծուն.

— Աստված քան, էտ ինչ կրակի մեջ թալիր ինձի: Ես էս եքա գինու կարասի մեջ պըտի խեխտըվիմ, մկա մե կատվու բաժին էլ չարժիմ: Հո՛ւր ա, կատուն ընձի ուտեր, քան թե անտեղի կուրսիմ գինու ծովի մեջ:

Էտ ըսելու վախտը որտեղից-որտեղ մե խատ չալ կատու կարսի պռնկից ձեն կիտա.

— Մըկա որ քեզի խանեմ, կըթողես քեզի ուտեմ:

— Մենակ էտ ձևի լավություն էրա, ընձնից քեզի մեծ լավություն կեղի: Կատուն թաթը կըթալա, մկան կարսից կըխանա, կըթողա, օր մե քիչ սարվոտի:

Մուկ, դու մուկ, եղիս, մըտիս ծակը: Կատուն վիզը կըծըռա, կիշկա, կիշկա, կըսա.

— Բա ինչ եղավ մեր սուրբ պայմանը:

— Դու էլ բան ըսեցիր, — վրա կքերա մուկը, — խմուկ վախտըս մե բան էր՝ ըսեցի, կըրակ հընգամ:

Խմուկ — խմած, հարբած

Խոտ — հոտ

Կքեֆովնա — կհարբի


Եքա — մեծ

Հո՛ւր ա — ո՛ւր է

Կուրսիմ — կորեմ

Սարվոտի — չորանա

Կիշկա — նայում է





## ԷՇՆ ՈՒ ԳԵԼԸ

**Մ**ի գել ինգյավ էծի իտելեն, որ պոնի: Բայց էծը պանցրացավ մե պանցր տեղ, վարտեղ վնաս չկար: Գելը պախկվավ ցածր: Ընցավ մի քյանի օր, վերջը գելը շատ քաղցրցավ, էծն էլ ծարավավ: Երկուսն էլ կնացին տարբեր ուղղություններով. գելը կնաց, որ ուտելիք ձարի, ետով էծը, որ ձուր խմի: Էծը ձուր խմելու վախտը ուր սուրաթը տեսավ ճրի մեջ, ասեց.

— Էտ ինչ խորոտ պոզեր ունեմ: Ես գելին կհաղթեմ, չեմ թողնի, որ ինձ ուտի:

Գելը իտելեն էտ հմենը լսեց ու ասաց.

— Էծ ախպեր, էտ ինչ ես խոսում:

Էծը տեսավ, որ նեղն է ինգյե, ասաց.

— Ա՛խ, գել ախպեր, խղճա ինձ, էծերը հմեն ըտեկց են, որ խմես են, իրանցը կորսես են:

Սուրաթ — դեմք, պատկեր

Պախկվել — պահվել, թաքնվել

Որ խմես են, իրանցը կորսես են — որ խմում են, իրենց կորցնում են

Քաղցրցավ — սովածացավ

Վարտեղ — որտեղ





## ՋԱՆԱՎԱՐՆ ՈՒ ԱՂՎԵՍԸ



ըն՝ օրի աղվեսը քինում ա ջանավարին կոշտը, ասում ա.

— Ախպէր, ինձ հեյվան ցրեվ տալ սուվորցուրու:

Ջանավարն ասում ա.

— Ե՞ք քինանք, տես թա հունց եմ հեյվան ցրեվ տամ:

Եշում են տեսնում, հեն ա, մըն եզնը հանդումը ըրածում ա: Ջանավարն ասում ա.

— Եշի, միեկ ցրեվ եմ տալու: Տես, մազերս բիզ-բիզ կաղնեց:

— Հա՛:

— Տես, աշկերս կրմրոտեց:

— Հա՛:

— Տես, հաքյուս քինում ա, կյամ:

Ասում ա.

— Հա՛:

Ջանավարը լոք ա տամ, եզանը փորը ցրեվ տամ: Ակսում են ինքն ու աղվեսը օտիլ: Աղվեսը քուշտանում ա, ասում.

— Ես արդեն սուվերեցի, քինամ ես էլ մըն քանինը ցրեվ տամ:

Աղվեսը կյամ ա ուրան հնգեր աղվեսին ասում.

— Ե՞ք քինանք, տես հունց եմ հեյվան ցրեվ տամ, սուվերի:

Քինում են, քինում, տեսնում են մըն ճորի: Մուտանում են, աղվեսը  
ասում ա ուրան հնգերին:

— Ի՛նձ եջի, տես, աշկերս կրմրտեց:

Ասում ա.

— Չէ:

Ասում ա.

— Տու ասի՛ հա՛:

— Հա՛:

— Տես, հաքյուս քինում ա, կյամ:

Ասում ա.

— Չէ:

— Տու ասի՛ հա՛:

— Հա՛:

— Տես, մագերս բիզ-բիզ կաղնեց:


Ասում ա.

— Չէ:

— Տու ասի՛ հա՛:

— Հա՛:

Աղվեսն ասում ա ուրան հնգերին:



— Դե եջի, միեկ ցրեվ եմ տալու:

Աղվեսը լոք ա տամ, վեր ճորան ցրեվ տա՛ ճորին քացի ա տամ ճկատին՝ պարան տամ: Էս դոնում հնգերը մուտանում ա, ստակուղ աղվեսի ընջուկին ասում.

— Հինչ վեր օզում իր, միեկ կա՛ աշկերդ էլ ա կրմրալ, մագերդ էլ ա բիզ-բիզ կաղնալ, հաքյուտ էլ քինում ա, կյամ:

Ջանավար — գալլ

Կոշտը — մոտ

Ցրեվ տալ — պատահուտել

Եջի — նայիր

Միեկ — հիմա

Ճորի — ջորի

Հաքյու — պոչ

Լոք տալ — ցատկել

Պարան տալ — վայր գցել

Էս դոնում — այս անգամ

Ընջուկին — ականջին







**Մ**

### ԳԵԼՆ ՈՒ ՁԻՆ

ի անոթի գեղ կհանդիպի ձիուն, կուզա եղ ձիուն ուտա, եղ ձին կասա.

— Ա՛յ գեղ, ես շատ ծեր եմ, ընձի մի կեր, էն ա՛ չուլն մե հատ ջայել քուռակ կա, գնա՛, ընդոր կեր:

Էս գելն կասա.

— Իմա՛լ հավատամ, որ դու ծեր ես:

Ձին կասա.

— Իմ ոտի տակ իմ տարիքն գրուկ ա:

Գելն կերթա մոտիկ, որ կարթա, ձին կըխփա գիլու ճակտին, գիլու հաչկերուն կանաչ-կապուտ կերևա: Գելն կասա ինքն իրան. «Ա՛յ անխելք գեղ, քո պապերուց մինչև մկա դասար ես հեղե, հմի ինչ գործ ունես գիր ու գրականության հետ»:


Չուլ — դաշտ, ամառի տեղ

Հեղե — եղել

Ղասար — մսագործ

Մկա — հիմա

Իմալ — ինչպես





## ՍՈՂՈՄՈՆ ԻՄԱՍՏՈՒՆԻ ԳԱՂՏՆԻՔՆԵՐԸ



Ըլել ա, ըլել չի, մի իմաստուն Սողոմոն ա ըլել: Էտ Սողոմոնը իրա մոտ ա կանչում թաքավորին, իրա իմաստուն գաղտնիքները նրա առաջ բաց անելու: Թաքավորը ճանապարհ ա ընկնում Սողոմոնի մոտ: Ճանապարհն առաջինը տենում ա մի ջրաղաց: Էտ ջրաղացը ցորենը աղում ա, ալյուրը ջուրը լցում: Թաքավորը բան չի հասկանում էտ ջրաղացից: Շատ ա գնում, թե քիչ, տենում ա երկու եզը մի գերան են քաշում. մեկը աջ ա քաշում, մյուսը՝ ձախ, գերանն էլ տեղից չի շարժվում: Էլի թաքավորը բան չի հասկանում: Շատ ա գնում, թե քիչ, տենում ա, որ մի վանքի գլխից փուչ պոպոքներ են թափում. նորից թաքավորը բան չի հասկանում: Վերջը, շատ ա գնում, թե քիչ, հասնում ա իմաստուն Սողոմոնի մոտ:

— Թաքավորը ապրած կենա, ճանապարհն ինչ տեսար, — հարցնում ա Սողոմոնը:

— Ինչ տեսա-չտեսա, ոչ մի բան չհասկացա, — ասում ա թաքավորն ու պատմում իրա տեսածները:

Իմաստուն Սողոմոնը սկսում ա թաքավորին մին-մին բաց անել իրա գաղտնիքները:

— Էն որ ջրաղացը աղում ա, իսկ ալյուրը ջուրը տանում ա, էտ թաքավորն ու ժողովուրդն են. ժողովուրդը աշխատում ա, թաքավորը ծախսում, ջուրը ածում: Երկրորդը, էն որ երկու եզը մի գերան են քաշում տարբեր կողմեր, էտ էլ ա թաքավորն ու ժողովուրդը. եթե մի երկրում համերաշխություն չլինի, էն երկրում գործը առաջ չի գնա: Իսկ երրորդը, որ վանքի գլխից փուչ պոպոք են թափում, էտ էլ ա թաքավորն ու ժողովուրդը. թաքավորները կգան-կգնան, համա ժողովուրդը վանքի նման հաստատուն կմնա: Էս են իմ իրեք գաղտնիքները, բա աշխարհս ես ղեկավարում էդպես փուչ գլխով:





## ՍՈՂՈՄՈՆ ԻՄԱՍՏՈՒՆՆ ՈՒ ԲԻԶԵՆ

**Ս**ողոմոն իմաստունը ճամփով հնցնելու ա հլնում, տենում ա՛ մե գեղացի բիձա ծառ ա տնգում: Սողոմոն իմաստունը հարցնում ա բիձուն.

— Որ տնգում ես, կուտես:

Բիձեն պատասխանում ա.

— Տնգել են՝ կերել եմ, տնգում եմ, որ ուտեն:

Սողոմոն իմաստունը տենում ա, որ ետ մարթը խելոք ա էրեվում, էլի հարց ա տալում.

— Ջրաղացից իմա՛լ ես: (Ջրաղաց բերանին ա ասում):

Բիձեն պատասխանում ա.

— Ջրաղաց կա, քար չկա: (Գլխիկա թե՛ բերան կա, համա ատամ չկա):

Սողոմոն իմաստունը մեկել ա հարցնում.

— Բա աշխատանքդ հո՛ր ա:

Բիձեն պատասխանում ա.

— Ես աշխատեցի, խալխը տարան: (Բիձեն աղջիկ ա ունեցել ու մարթի տվել):

---

Գլխիկա — իբր, այսինքն





## ՄԱՆԳԱՂ ՇԻՆԵԼԸ

հետիս, մըն մարդ կյամ ա նալբանդ Պետունց Արշակին կուշտը, ասում ա.

— Արշակ, ինձ հետի մըն օրաղ շինի, օրաղս կոտրալ ա, գործս կիսատ ա մնացալ:

Նալբանդ Արշակը, թե.

— ժամանակ չօնեմ, այ մարդ, օրիշ գործ եմ անում:

Էս մարդը ասում ա.

— Տնաշեն, օրաղ շինիլը հինչ ա, մըն արկաթ ա, ծռում ես, մըն դօլը սրում, տյառնում ա օրաղ:

Նալբանդը ասում ա.

— Հարևան, տյու հետա շինեցիր օրաղ, երկալ քինա:

Միտիս — մի անգամ

Օրաղ — մանգաղ

Նալբանդ — պայտառ

Արկաթ — երկաթ

Դօլ — կողմ

Ինձ հետի — ինձ համար

Երկալ քինա — վերցրու գնա

Հետա — այդ է, արդեն





## ՇԱՊՈՒՇ ԱՐՔԱՆ ՈՒ ԴՐԱՄ ԿԵՂԾՈՐԸ

# Խ

ին Պարսկաստանում մե խատ հայ մարդ կկեղծա պետական դրամն: Կկասկածեն էտ հայու վրեն ու կբանդարկեն: Դատն կլսին Շապուհ արքայի ատյանում: Որոշում կընդունեն՝ հայուն կախելու համար: Վերջին խոսքըն կիտան հայուն: Հայն էլ նստուկ տեղից հանգիստ գելի կայնի ու կխարցու.

— Արքա՛, իմ հր մեղքի խամար ընձի կախեք:

Արքան կըսա.

— Մեր պետական դրամն կեղծելու խամար: Դու կտենաս, օր մեր դրամի վրեն նկարուկ ա ձին հառեչ, իսկ դու սխալմամբ նկարել ես քուռիկն հառեչ, ձին՝ հետև:

էտ վախտ հայն կիտա հուր երկրորդ հարցըն, թե.

— Արքա՛, դու քու ջեյել վախտ ըսկի քուռիկ ունեցող ձի նստած կնս:

— Այո՛, շատ ա պատահել:

— Եփ հելեր ես ամառանոցներ, կանաչ դաշտում պատահել ա, օր քուռիկն ուրխըցե, տռճկացե ու հնգե մորից հառեչ:

— Էտ էլ շատ ա պատահել, — պատասխանում ա Շապուհ արքան:

— Դ՛ր մկա էլ դրամի վրեն քուռիկն ուրխըցե, տռճկացե, հնգե մորից հառեչ, ես էստեղ ինչ մեղք ունիմ:

Շապուհ արքան կըմտածա ու կըսա, օր հուրանք սխալ ա կդատեն: Իմալ մկավա ջեյելներ ծերերուց հառեչ ա կվազին:

Գելի — ելնում է

Ջեյել վախտ — երիտասարդ ժամանակ

Տռճկացե — թռչկոտել, ցատկոտել

Մկավա — հիմիկվա, այծմյան, ժամանակակից

Հուրանք — իրենք

Հուր — իր






**Օ**

## ՓԱՆՈՍԸ

Բերից մի օր Փանոսը ընկերների հետ գնում ա գողության: Գիշերվա կես էր, հասնում են գողության վայրը: Հիմի պիտի բարձրանան երկրորդ հարկ, որ գողություն անեն: Փանոսը վախենում ա բարձրանա, մյուս ընկերը չեն ու չում ըրավ, մյուսն էլ վախեցավ բարձրանա երկրորդ հարկ: Վերջը, երեքով կպան իրանց էն մյուս կորած-մոլորած ընկերոջը, թե՛ դու պիտի բարձրանաս: Էս ընկերը մի քիչ չեն ու չում ըրավ երկրորդ հարկը բարձր ա, կարալ չի բարձրանա: Վերջը համաձայնվեց, բարձրացավ երկրորդ հարկի պատշգամբը, ուզում էր տուն մտնել, էս Փանոսը ըսկսեց ներքևից գոռալ.

– Ահա՛, բա ասում են չեն կարա, ահա՛, բա ասում են չեն կարա, ահա՛, բա ասում են չեն կարա, տեսա՛ր, որ կարացար...

Էս ձենի վրա տնեցիք արթնանում են և լսելով Փանոսի գոռոռոջը, բռնում են գողերին ու մի լավ ջարդում:







## ՉՈՒՏԸ



ր գեղն է եղե՛ չեմ ըսե... Մե թամբալ մարդըմ կեղնի, ամեն գարուն ըդօր գոռով, կռվով կնիկը արդը վարել կուդար:

Մե անգամ էս մարդը, գարնան գլուխ իրա չուտը առած կերթա արդը վարելու, ու եդ վախտ ամբերը կճվան, թեզ անձրև գուկագը ու մե սև ամբըմ կնստի ըդօր արդի վրա: Մեկ էլ կալրգի հետը տանի, չուտը կպայե ամբի տագը ու գուկա տուն:

— Այ մարդ, ո՛րտեղ ա չուտը, — կհարցնե կնիկը:

— Պայել եմ, դայդին տեղ էր, — կիպարտնա էս մարդը:

Անձրևն օր կտրիգը, կերթա գործը շարունակելու, չուտը չի գտնի: Ամբերը ցրվել են, աչքը ծակ մարդն էլ գոխցել է, ու կսենգը օր մինչև հըմի կնիկը մարդու հետ կռվիգը ու չուտը գուգե... Էն մարդն էլ ուրդեղ մե սև ամբըմ կտենա, կերթա տագը ման գալու, ու մինչև հըմի ման գուկագը...

Չուտ — արոթ

Թամբալ — ծուլի

Կուդար — կտար

Թեզ — արագ, հորդ

Կալրգի — ալարում է, ծուլանում է

Ղայդին — կարգին





## ԱՇՈՒՂ ՉԻՉԱԳՆ ՈՒ ՀՈՏԱՂՆԵՐԸ

**Ա**շուղ Չիչագ անունով մե աշուղ ա ըլնում: Մե օր հեծնում ա իրա դանան, էթում ա Վան՝ աշուղության մեջ մրցի: Ճանապարհին հանդիպում ա հոտաղների: Բարև ա տալի, տղաներ ասում են. «Աստծու բարին, աշուղ Չիչագ»: Աշուղը զարմանում ա.

— Ի՞նչ եք իմանում, որ ես աշուղ Չիչագն եմ:

Հոտաղները ասում են.

— Էդ դանան որ նստել ես, մենք էլ իմանում ենք, որ աշուղ Չիչագն ես, մեզի մեր ծնողներն են ասե:

Էստեղ մե հատ հոտաղ ասում ա.

— Մե հանելուկ ասեմ՝ կհանեն, աշուղ Չիչագ:

Ասում ա.

— Ասա տենամ:

— Էն ինչ թռչուն ա, մեկ քիթ ունի, քառասուն աչք:

Աշուղն շատ ա մտածում, չի կարում հանի, հետ ա դառնում, գալիս տուն, կնգան հարցնում.

— Կնիկ ջան, էտ ինչ թռչուն ա, մեկ քիթ ունի, քառասուն աչք:

Կնիկն ասում ա.

— Էդ ոտիտ տրեխն ա:

Չիչագը դառնում ա հոտաղների մոտ, ասում ա, որ տրեխն ա:



Հոտաղները ասում են.

— Մե հանելուկ էլ ասենք, կհանեն:

Չիչագն ասում ա.

— Ընչի՞ չեմ հանի որ:

— Էն ինչն ա, ինչը, — ասում ա հոտաղ տղեն, — որ ոչ գետնին ա, ոչ երկնքումը:

Չիչագը էս էլ չի կարում հանի, մեկ էլ ա հետ գնում տուն, բոլորը պատմում կնգանը: Կնիկը հարցնում ա.

— Էդ հոտաղները ինչ էին անում:

— Գոմեշներն էին Կանա ծովու մեջ լողացնում, — ասում ա Չիչագը:

Կնիկը ասում ա.

— Էդ գոմեշներն են ծովում, որ ոչ ոտներն ա գետնին առնում, ոչ էլ երկնքում են:

Էլ աշուղ Չիչագը տնից դուրս չի գալի, ասում ա.

— Էդ որ Կանա հոտաղներն են էդքան խելոք, էլ ես ո՞ր գնամ աշուղության մեջ մրցելու:

---

Աշուղ Չիչագ — ըստ ավանդության խառակոնիսցի Նահապետ Քուչակն է:

Դանա - մոզի, հորթ





## ՈՐՍՈՐԴԸ

Ինու՛մ է, չի լինու՛մ, մի որսորդ է լինու՛մ: Վերցնու՛մ է հրացանն ու գնու՛մ որսի: Վաղ առավոտյան մի նապաստակ դուրս էր եկել շրջելու: Որսորդը հրացանն ուղղում է նապաստակի վրա ու ինքն իրեն խոսում. «Կսպանեմ նապաստակը, միսն ու մորթին կծախեմ, մի թուխս կգնեմ, մանր ձտերով: Երբ ձտերը մեծանան, թուխսը ձտերի հետ կծախեմ ու մի էշ կգնեմ, էշով փայտ կտանեմ քաղաք ու կվաճառեմ: Երբ մի քիչ գումար հավաքեմ, էշն էլ կծախեմ ու մի ձի կգնեմ: Հավաքածս փողերով խանութ կբացեմ, առևտուր կանեմ և, երբ մեծ գումար հավաքեմ, ագարակներ կգնեմ, բոստան կցանեմ: Երբ ձմերուկն ու սեխը հասունանան, պահակ կվարձեմ, որ գողերից պաշտպանեն, ու ինքս էլ մեկ-մեկ գողտուկ կգնամ ու հանկարծ կկանչեմ.

— Էհ՛եյ, անբաններ, լավ հսկեցեք...»:

Նապաստակը, լսելով նրա ձայնը, նետվում է թփերի մեջ ու անհետանում:

\* Փոխադրված է Համշենի բարբառից





**Մ**

## ԱՐՋՆ ՈՒ ՄԱՐԴԸ

ի անգամ արջն ու մարթը հընգերացան: Շատ ըն ապրալ, թե քիչ, մի օր մարթը արջին ասում ա.

— Արջ ախպեր, քու տմբտմբալեն ման կյալը դուրըս չի կյալի: Արջը եր ա օնում, ասում.

— Մարթ ախպեր, խանչալով տոբը կլխիս:

Մարթը տամ ա արջի կլխին, ճղում: Արջը թողում ա, քյնըմ: Օրերից մի օր մարթը հանդիպում ա արջին, հրցնըմ ա.

— Արջ ախպեր, կլխիտ յարան հունց ա:

Արջը պատասխանըմ ա.

— Կլխիս յարան լավացալ ա, ամա քո ասած խոսքի յարան չի լավանում:

եր օնել — վերցնել

Յարա — վերք

խանչալ — դաշույն

Հունց — ինչպես





## ՕՐԹՄԱ

Մարդու մեկը գարնան գլոխ օրթմա է շինում:  
ժողովուրդը հարցնում է.

— Այ մարդ, ինչքո՞ւ էլավ օր օրթմա շիբեցիր:  
էդիգ էլ, թե.

— Առաջը աշուն է գալում:

Աշուն օր գալում է, օրթման քանդում է:  
ժողովուրդը նորից է գարնանքով ըսում.

— էդ ինչքո՞ւ էլավ օր օրթման քանդեցիր:  
Մարդը, թե.

— Առաջը գարուն է գալում:

---

Օրթմա — նախամուտքի ծածկ մուտքը անձրևից և ձյունից պաշտպանելու համար, նաև չարդախ,  
պատշգամբ:





## ԱՔԼԲՈՒՀԱՐՅԻ ԱԼՈՆ



եր երգիր շադեր գինեն Բուլանըխի Աբլբուհար գեղի փահլևան Ալոյի պատմուտեն:

Իմ հորոխայեր տեսար էր ըսդրան ու շադ բան կպատմեր Ալոյի մասրն:

Մե անգամ իրեք հատ ուժեխ մարթ գիկան ու կկայնին գեղի մեջտեղ, ձեն կիդան, կըսին.

— Է՛ հեյ, աբլբուհարցիք, ձեր մեջ մե ուժեխ մարթ չկա՛, գա մեր հետ գուլաշ կանի, կանչեք թող իգա, թե չէ՛ կելնինք կքանդինք ձեր տուն ու տեղ:

Է՛, ո՛վ գիշխներ, տան դռնից գլոխ հաներ: Էդ իրեք մարդիկ կելնին, ծառեր քոքահան կենին, դռներ կպոկին, հանդիպած մարդուն կվերուն ու կզարգին գեղին:

Հավար կըքցին, ձեն կերթա կհասնի Ալոյին: Էնի լե ուր հարդ կվարեր: Ալոն (իսկական անուն Ալեքսան կեղնի), գիկա կտեսնի, օր էդ իրեք ազրայիլ մարդ ավերակ ա գործաձ, քարուքանդ ա էրաձ, դռներու մոդ քանիմ ջանդագ ընգուգ ին:

Ալոն թներ կըքշտե, կընգնի մեջտեղ, կըգրկե եդրոնց, կբռնե, գեղից կտանե դուս ու շարտե հեռու:

Դու մի ըսա, ըդրանք սուլթանի փահլևաններ կեղին: Կերթան հմեն բան կգանգատվին սուլթանին: Սուլթան կկարգադրե, թե բդի էրթաք Աբլբուհար գեղ ու Ալոյին բռնիք, բերիք:





Գիկան, կհասնին գեղի մոտ, կտեսնին, օր մե մարդ վար կենե, կհարցուն.

— Արլուհար գեղ հեռո՛ւ է էստեղից:

Ալոն ձեռ կթալե մանջբուռ, արոր կբանձրցու, կմեկնե հառեճ ու կըսե.

— Հանա՛ ձեր ուզած գեղ, ընչի՛ կերթար:

— Ալոյին բռնինք, տանինք...

— Ալոյին, եղի ես եմ, ըսեք ընչի՛...

— Սուլթանի ֆերմանով:

Ալոյին կտանին, կհասցուն սուլթանի պալատ: Սուլթան կընդունե ու կըսե.

— Ալո՛, անիրավ մարդ, դու իմ իրեք փահլանին խայդառագ իս էրե, մկա քու հետ գիկան մրցելու իմ եռսուն փահլաններ, թե զարգեցիր գեղին, ազատ իս, թե չէ՛ քու գլոխ կըկոտրիմ:

Ալո, դու Ալո, եռսունին լե գեղին կզարգե, գիկա կըկայնի սուլթանի հառեջ:

— Ըսե, Ալո՛, ի՛նչ գուզիս իդամ, օր մնաս իմ պալատ:

— Թաքավոր ապրած կենա, ես իմ գեղից չըմ փախնի, երբ քեզի պետք իմ, կանձե, բան չեմ ուզի, մենակ մեր գեղացիք հարկ շաղ կիդան, կըրնաս կրճատե:

— Լնվ, — կըսե սուլթան:

Ալոն գիկա, կհասնի իրանց գեղ: Կանցնեն տարիներ, հմա հարկեր երտըլով կշաղնան:

Ալոն մենձ-մենձ ջաղացքարեր ձեռքի վրեն կխաղցուցեր ու կըսեր.

— Ի՛նչ կենիք, էրեք, հմա թաքավորներու խոստման չհավատար:

Փահլան — ըմբիշ

Գուլաշ — ըմբշամարտ, կոխ

Ո՛վ գիշխներ — ո՛վ կհամարձակվեր

Հավար — տագնապի կանչ, լուր

Ազրայիլ — հսկա, ահռելի

Քանիմ — մի քանի

Հառեճ — առաջ

Մկա — հիմա

Հմա — բայց

Էրտըլով — գնալով

Ֆերման — հրաման

Մանջբուռ — արորի մաճի բռնակը





## ԾՈՒՌԻ ԹՈՒՄՈՆ

**Մ**եր գեղ Թումո անվոր մե մարթ կար: Էն տարըստանք հա կերթեր ոըսու երգիր՝ Թիլվիս, դիա հուրիշ բաղքներ. կըսեն չուրի Պեդրեպոլ լե խասեր էր: Թումոն ընենց բաներ կըսեր, որ ըսկի մեգ լե չիավադեր, կծիձղին ուր վրեն, ձեռ կառին...

Կըսեր, որ ոըսու երգիր մե բան կա, պոպեգ կըսին ըդրան: Շադ հերգեն ա, կըսեր, իմալ մեր տուն, ձեր տուն, Սրկեյ տուն, Գրքեյ տուն ու դիա հուրիշներ կբուն հիրար ու դնին վըր ագներուն՝ էրթա: Էրգթներու վրով կերթա, ըդրան լե էրգըթգիձ կըսին:

Մենք կխարցուցինք, որ քանի ջուխտ եգ ու գոմեշ ա լձուգ, Թումոն կըսեր, որ ըսկի մե խատ լե լձուգ չէ, հմա ուրան-ուրան կրագ կվառա, ծուխ ու մուխ կըխանա, կըփնչա, կըփռչտա ու կերթա: Կենա պո՛ւ..., պո՛ւ..., չըխկ-չըխկ, փո՛ւ..., փո՛ւ... Ըդմալ լե կերթա:

— Տո՛, եդի ինչ ա որ, — կըսեր Թումոն, — էրգըթից շադ մենձ խավքու նման բան կա, երգնքով կերթա, տաս-տըսվերգու մարթ լե կընստին մըշ ընդրան: Ընդրան այրոպլան կըսին, ըմալ կըդոռա, որ մարթ ուր անգջներ կըբռնա, չուրի հնցի էրթա:

Գեղի մարթիք շատ կափսոսին. մեգ կըսեր՝ «Ափսո՛ս, խազար ափսոս Թումոն», մեգել կըսեր՝ «Էդ ցավ հմա բդի Թումոն բռներ», դիա մեգել ուր ձեռներ կըբանցրցուցեր, կըսեր՝ «Սուրփ Գևորք, դու փրգես ըդրան, ջահել ա...»:

Մե վախտ հընցավ, էլ ոչ մեգ չըխոջեր Թումո, մանդր ու բեդ ձեռ կառին, կըկանչին հոդեն, որ ըսեր, ուրանք լե խնդանին: Մըշ գեղուն տենին թե չէ, չորս յանից կըբռնին.

— Թումո՛ն, դըռռ..., Թումո՛ն, փո՛ւ, փո՛ւ, փո՛ւ..., պո՛ւ..., պո՛ւ..., պո՛ւ..., — ու ըսմալ միալար:



Ախպերդիք Թումո տեղ չմնաց, օր չտարան, չուրի Մշու սուրփ տան սուրփ Կարաբեդ լե տարան, մեռիմ ընդրա գորավոր գորքին, իլաջ չեղավ, չլավացավ: Թումոն լե չըկուներ դիմաներ գեղի մանդր ու բեդի ձեռ, կիերսողեր, գելեր վըր ամբրոցին ու վըր գլխու ուրին կըտփեր գեղին:

Ամիսըմ, էրգու կպարգեր, էլման...

Ու ըսմալ Թումոն մեռավ:

Ժողովուրթ ըսին. «Աստված խասավ ընդրան, ինչ լավ եղավ, օր մեռավ, թե չէ մեղք էր»:

Թումոն ծուռ էր: Ընդրան գերեզմներուց եռու մի տեղ խորին, ոչ խաց, ոչ պարարաք: Ըսկի Տեր Թումաս չգնաց, օր կարք լե կադարեր:

Մնաց մե վախտ աշխարավեր կոիվ եղավ: Ռըսու գորք լցվավ Ալաշկերդ: Ըդրա խամար էրգըթգիձ գցեց, Շայթախտից գիքեր, կգարգեր Մակու, ընդուց Բայազդու քաղքի միչով, Սինագա փեշերով գիքեր մեր երգիր, իմ խոր տան յոնջի միչով լե կերթար դիբա Մշու յան:

Ասուն օր չուրանամ, խազար ին խարիր տըսնվեց յա տըսնօխտ թվի կալոցին ըսեցին, օր հեսօր պոպեզ գիքա: Գեղացիք հմեն հավքվան գձու բոլոր: Հագոփ ազեն էրինջըմ մորթեց, սուֆրա փռեց վըր կանչներուն: Մեզ լե տեսանք Սինագա փեշերուց մոփս հելավ, ձեն լավավ, պո՛ւ... պո՛ւ... էգավ-էգավ, ինչ էգավ, մանդր-մանդր տներ կբուզ հիրար, չխկչխկալով, փնչալով կայնավ: Զինվորներ թափան դուս, էդ քշողին լե Լուգանփեդոր կըսին: Հիչան կերան, խմին ու գացին:

Մեր գեղցիք քրմալ կայնուզ լե մնացին:

— Է՛, օղորմի քեզի, Թումո, — ըսին շադեր, — դու կըսեիր, հմա մենք քեզի չխավադինք, քեզի ծուռ տեղ դրինք...

Ժողովուրթ գնաց, ընդրա գերեզման հիստգեց, բերին մե քար լե քաշին վրեն, Տեր Թումաս գնաց կարք կադարեց ու քարին լե գրեց.

«Անգեղներու մեջ գիղունը ծուռ ա»:

Թումոն էդ ծռերուց էր...

Ծուռ — խենթ, հիմար

Անվոր — անունով

Պոպեզ — գնացք

Հերգեն — երկար

Խավքու նման ... հավքի, թռչունի նման

Հօդա — սենյակ, հյուրասենյակ

Իլաջ — հնար, միջոց

Կիերսողեր — բարկանում էր

Ամբրոց — ցանի կամ աթարի դեզ

Էրինջ — երինջ

Հիստգել — մաքրել

Տարըստանք — տարիներ

Չուրի — միջև

Մշու սուրփ տան սուրփ Կարաբեդ — Մշո սուրբ

Կարապետ վանքը

Ձորք — գորություն, կարողություն, ուժ

Մանդր ու բեդ — փոքր ու մեծ

Յոնջա — առվույտ



## ԼԵՆԻՆ

**Լ**ենու անուն մեր էրգիր լե խասավ: Ագա չըմ կունա ըսեմ եփ էր, մինազ գինամ, օր հուռյաթից իրեք, չորս տարի հառեչ էր...

Աշնան մե օր մեր Կազու գեղ իրեք կարիք մարթ էրևացին: Գեղացիք հն կիշկին էդա կարիքներուն: Էդա մարթիք պոռոցեցին մըչ գեղ, գնացին մդան մըչ մեր ժամ, ընդեղից էրեխեմ ճամփին իմ ախալեր Սիրոյ քամագ. դու մի ըսա՝ Սիրոն ըդոնց կըճանչներ... Սիրոն գնաց, առավ էգավ: Տարավ մըչ մառան, խաց դրինք, թաց դրինք, կերան խմին ու հիրար խեղ կգրուցին:

Սիրոն մեզի կխասկցուցեր, օր եռու էրթանք, հմա ես, օր խաց-մաց կտանի, կլսի ըդոնց: Ըդոնք մեր լեզվով չխոսին, ըդմալ մե տեսագ կխոսին, կերևեր կարթցվոր մարթիք ին:

Եփ էդավ հիրիգուն, հելան գացին հօդեն, էլի մարթիք խավքվան, Կումլիպուլջաղա Գափոյ Քոչոն լե էգավ ուր խմփով: Էդա կարիքներուց մեզի անուն Արմենագան էր, մեգելին՝ Մգրոիչ, էն մեգելին մդես գացե: Ըդոնք ոչ մե հուրիշ մարթ չթորգին հօդեն: Եդո Սիրոն մեզի ըսեց, օր էդա մարթիք ըսին աշխար էենի կա, մգա լե մըչ Պեդրոպոլին ա, էնի գուգա, օր վըր աշխարքին արթարուրին տիրա, էնի աշխրքի թաքավորներու, փաղիշայերու, սուլթաններու, անխիղջ հարուստներու խոքեառն ա, հմեն լե ընդրանե կգարգնդին, չուրի ողսու թաքավոր լե, օր աշխրքի կուաթովն ա, կդոդա... Հմեն լե գորք ու գորապեղ կխանին ընդրա դեմ, հմա ինչքան ոռուտ ու չլուտ,

Ֆայլա ու մշագ կան, կկայնին Լենու թիգունք, ըդմալ կջարթին, կփշրին գորքին...

Իմ ախպեր Սիրոն չըմքի ֆիդայի էր, հերգեն վախտ վանա, Բիթլիսու սարերն էր, գողդու գիքեր տուն, էլման կերթեր: Ուր հընգերներ Սիրո չսեն, մե տեսագ անուն կիդեն, ինչքան գուզեմ բերեմ իմ միդ, չըմ կռնա:

Սիրոն կսեր, օր իդա մարթիք ըսին Լենու խեդ շադ խայ կան, մե մարթ կա Աստուր ա եղե անուն, Լենու խեդ իմալ ախպեր էդի...

Սիրոն կսեր, օր բդի խումփ շիքինք, գենք բերինք բաժնինք, եփ ժամանագ գա, հելինք դուշմնին գարգինք:

Էդա մարթիք Թիլվիս ու վան կերթին-գիքին: Լենու նգար տվեր ին Սիրոյ, ուր ծոց դրուզ էր, մեզի նշանց տվեց: Ըդմալ ջահել-ջահել, պստիգ մուրուսով, ըդմալ լեն ճագթով, բեղերով տղամարթ էր, ջանով, ջանդգով, դու ասուն խավադանս, մե գոմփ իդեր, էդա ջոչ քար կեղեր կդոր-կդոր...

Լենու անուն հմեն լե հիմցան, չուրի էրեխեք լե գինին: Չէ օր ըսեր ին ուժով, կուաթով ա, կգարգա թաքավորներուն... Էրեխեք լե գիշերներ էրագ կտենին, կճչին, կթռին տեղեն: Ուրանց մերեր կգրկին, կսին. «Լենի բան չենա, լան, Լենի լավ մարթ ա, ձեզի չիր ու չամիչ կբերա...»:

Մե բանի հեդ ես լե մըչ էրագին Լենու տեսա, ըմալ ջոչ էր, օր ուր գլոխ մըչ ամբերուն էր, օդներ վըր գեդնին...

Հունյաթ — նկատի ունի 1908 թ. երիտ-  
թուրքական հեղափոխությունից հետո  
ընդունված սահմանադրությունը:

Կուաթով — ուժեղ

Պեդրոպոլ — Պետերբուրգ

Կարիք — դարիք, օտարական

Կիշկին — կնայեին

Պդոդել — շրջել, պտտել

Չթորգել — չթողնել

Ֆայլա — մշակ, բանվոր

խայ — հայ

Իմալ — ինչպես

Գոմփ — բռունցք

Ջոչ — մեծ

Չուրի — մինչև իսկ

Ուրանց — իրենց

Շեդ — անգամ





## ՆԱՎԹԻ ԼԱՍՓ



եր երգիր ճրաք կվառենք. ճրաք լե ձիթու, յա եղի ճրաք էր: Կազե, ըղմալ ճոռբերան բան էր, իմալ չորցուզ չարոխ: Սան վրեն պստիգ թարեք էր սխուզ, ընդրա վրեն լե ճրաքն էր դրուզ: Ճրաքի կողքիս թելոյ մե փեղե պստիգ բիզ էր կախուզ, տան խարս կնստեր էդա սան տագ ու հա էդա բզոյ պադրուքի ծեր հառեչ կիդեր: Մըչ ճրաք կդավադու ձեթ կլցենք: Է՛, չկար կդավադու ձեթ, ամեն տուն խինգ-վեց կարաս ձեթ կխանեն. կարաս եմ ըսե, մարթ հընգեր մեչ կխեխտվեր: Ի՛նչ ձեթ էր, հլա խամ մըչ իմ բերան ա: Էդ ձիթեն կուդինք, գոմշդանք լե կձիթինք, հլա ճրաք լե կվառինք: Ջանըմ, են վախտ էդա անտեր ճրաք ըման լուս կիդեր, օր խարսներ կընստեն ջոչ կուբի քնջներ, ասեղ կթելեն, փոթ ու բուջ կփինեն... Մեր Ավեդիս էրգրում կկարթեր. օր գիբեր, կնստեր կուբի մե քոշեն ու ավեդրան կկարթեր: Ջանըմ, մգա մեգ-մեգ օր լամփ կվառեն, հիրար անջախ կտենանք, էլ դոր մնաց՝ կարթան:

Էսա հեդին տարըստանք, մեր գեղից Սրկեյ Վարթան գացե խասեր էր թիլվիս: Օր եգավ, ուր խեդ մե բան էր բերե, ըղմալ շուշեն վրեն, հերգեն, իմալ լազլագու վիզ. տագ լե կլոր պղնձե բան էր... Ըդրան լամփ կսեն: Էդա օր Սրկեյ տուն լիք լցվեր ին, ասեղ թալեր, գեդին չընգեր: Վարթան լամփ վերուցեր էր ձեռ, մե բան կըպրոդեր էսա յան, էնա յան... Ըմալ լուս կիդեր, իմալ չրադվան, տան հմեն ծագ ու ճուղ կերեվեր, կիշկինք՝ կզարմանինք: Մարթ օր կիշկեր էդա լամփ, աչքեր կըմռմռեր:



Էդի ձեթ չվառեր, նավթ էր լցուց մեջ: Իմալ փիս խող էր հնգե ըդոնց տուն, օր մարթ ուրան քիթ կբռներ... Սրկեն Վարթանին կքրվեր, օր էս ինչ ա բերե, բցե մըչ տուն, մարթ խողու չըկոնա գիշեր լե սըթրի: Խող լցվեր էր գեղ, մարթիք կըթքուցեն, կսեն.

— Էդա անամոթ չամչցե, ըդմալ բան ա առե էգե...

Տեսնողներ ըսեցին, օր Սրկեյ տնագան օց լե, պադերու ճղանգներու մողոզիգներ լե սողացե, հեռացեր են նավթի խողու: Էդ օրվնե ընդոց դուվաթ չհառաչացավ, կուկուն կիդեր, պուպուն կտաներ...

Մնաց մե հաղըմ լե, փախեփախի հառչի տարըստանքն էր, շադեր առան էգան էդա լամփուց: Կերթին Սուքեսար, կըշոչվին էն յան, Կաղզվանից, յա Բասենուց կառին գիքին: Լամփեր օր շաղըցավ, նավթու խող լե շաղըցավ: Մարթիք ուրանց լամփեր պալանդրգեցին դուս ու ձիթու ճրաքներ կվառեն, չըմքի գիշեր չկոնեն քնեն էդա գեշ խողու:

Գեղի մարթիք խավքվան, գառ վերուցին, գացին Փուլթկա սուրփ Գևորք, մեռիմ ուրան գորավոր գորքին, մադդեցին, օր էդա խող հնցնի գեղեն: Ըդմալ լե էդավ, մե վախտ հնցավ, էլ ըդմալ խող չիքեր նավթեն, ըստաղ շադեր լամփ բերին, հմա ուրանք չըկոնին վառին, ամեն հեղ կվազին Վարթանի քամագ: Մեգ կսեր արի մեր տուն, մեգել կկանչեր ուրանց տուն: Ըսմալ օր հիրգուն գիքեր, Վարթան գեղի մե գլխուց, ով ուներ, կվառեր, չուրի խասեր մեգել գլխու:

Վարթանին մըչ գեղ ուստա կսեն, էնի դարցեր էր լամփու ուստա:

Չորցուգ — չորացած

Պադրուք — պատրույգ

Կղավաղ — կտավատ

խամ — համ

Կուբա — դուբա, հազարաշեն ծածկով գմբե-

թանման սենյակ, տուն

Փոթ ու բուջ — գուլպա

Փինեյ — վերանորոգել, կարկատել

Կկարթեր — կտվորներ

Անջախ — հազիվ

Լազլագ — արագիլ

Իշկեյ — նայել

Մթրեյ — տեղավորել, հանգստանալ

Մադդեյ — մատաղ անել


Հաղ — ժամանակ

Չրաղվան — հրավառություն

Դուվաթ — ունեցվածք

Պալանդրգել — նետել, շարտել, գցել

Չըմքի — քանի որ, որովհետև





## ԱՆԳԱՆ ԱՔԼՈՐԸ

Չնան օրերուց մե օր մեր Կազու գեղի Բրսոն գուգա երթա Կարաքիլիսեն: Դե, ձմեռ ա գիքա, նոթ ու կոոր, ային-օյին առի ու գա: Կնգան կըսա.

— Շողո՛, ես ու Կարսո բոյ երթանք Կարաքիլիսեն, մգա կըքնինք, հմա աքլորներ հառչի բերան կանչին, գիմցուս մեգի, օր սել լծինք երթանք:

Պստիգ տղեն՝ Պողսոն, գըլսա ու երգու ոդ կոնա մեգ սոլ.

— Չէ, օր չէ, ընձ էլ բոյ տանիք խըդ ձե:

Բրսոն ինչ կենա, վըր տղին չըկոնա, կըխասի՝ չափալախըմ երգու կզարգա ու կերթա քնի:

Պողսոն կըխռովի, մըչ ուր մդաց կսա. «Ըմալ քյալագ խանիմ ըդոնց գլուխ օր...»: Դու մի ըսա, եդի աքլորի պես ըմալ կկանչա, օր ըսկի չջոգիս՝ աքլոր ա, յա մարթ:

Հլա ուրանց աչք նոր ին կբուցե, Պողսոն գողդու գելի դուս ու աքլորի պես կկանչա: Իդա՛ ձենի վրեն ուրանց ու գեղի շադ աքլորներ վըր թառին թներ թափ կիդան ու կկանչին: Պողսոն ըդմալ գողդու կմդնի ներս ու յորդան կքաշա վըր գլխուն:

Շողոն ձեն կիդա Բրսոյ ու Կարսո տղին: Ըստոնք շուշուդ գելին, կըխաքին, գոմշտանք կըքշին դուս, կըլծին, գընգին ձամփա:

Հա՛ կերթան, հա՛ կերթան, օր լուս բացվի: Կըխասին Կազարագեղ, ձեն-ձու չկա, գեղ քնուգ ա. գնցին, շադ կերթան, կըխասին մեգ հուրիշ գեղ, մինազ շներ գուգա կիտան, կըխաչան, մեգ լե նոթադարներն ին հիմաց, ըդոնք կըկորին սելի դեմ, կըսին.

— Ի՛նչ մարթ իք, դորեն ա գիշերափախ կեղիք, դոր կերթաք:

— Ախպրտիք, Կազա գեղից ինք, Կարաքիլիսեն կերթանք, — կսին խեր ու տղեն ու սել կքշին, գեղից գնցին: Հա՛ կերթան, հա՛ կերթան, հլա լուս չբացվի: Մե գախ լե կերթան, կտենան նոր աղոթրան էդավ: Է՛, սաղ գիշեր չեն

քնե, պաղ քամին լե կիդա, ուրանք կըմբսին, մեզ գելին սել, մեզ գիչին, ոտով կերթան ու ըսմալ միալար, օր տաքնան: Ըսմալ քնացող ու մրսուգ կխասին Կարաքիլիսու քաղաք, էլ չըկրնան պդտին մեչ քաղաք, կերթան մե խան, սել կըթորգին, գոմըշդանք կենին ներս, ուրանք լե գնգին գոմշդոց կողք ու կըքնին:

Մեգել օր գելին, ալին-օլին կառին ու կդառնան: Վարսո գլխու գընգի, որ էդի Պողսոյ բաներն ա, չըմքի հինք լսեր էր, որ էն արևորի պես կըկանչա: Խոր կսա, խեր դիա կըլերսողի, կխասի տուն, փեդ կըվերու, օր խտա Պողսոյ գլխուն, հմա տղեն կըխնդանա, ուրանա կթալա խոր շլինք, կսա.

— Ափո՛, էլ ըդմալ բան չէնիմ...

էդ բան սաղ գեղ հիմցավ: էդ օրվնե Պողսոյ անուն մնաց Անգախ Աբլոր:

Անգախ — անժամանակ

Լորադար — գիշերապահ

Գիմցու — կարթնացնես, իմաց կտաս

Սոլ — կոշիկ, ոտնաման

Չափալախ — ապտակ

Մըլ ուր մդաց կսա — իր մտքում ասում է

Բլալագ — պատուհաս

Գողդու — գաղտագողի

Գոմշտանք — գոմեշներ

Չեն-ձու — ձայն-ձուն

Դորեն — որսեղից

Գախ — ժամանակ

Աղոթան — լուսարաց (առաջին արևոթական ժամանակը)

Խան — իջևանատուն

Նոթ ու կդոր — նավթ ու կտորեղեն

Ալին-օլին — մանրուք, տան համար առօրյա գործածության առարկաներ

Ըսմալ — այսպես

Յերստուել — գայրանալ, ջղախանալ

Շլինք — վիզ, պարանոց





## ՉՈՒՄԱ, ԽԱՅ ԿԵՐ...

Հազոփ աղեն Ալաշկերտու Կազի գեղ կաբեր: Մենք լե Կազու գեղից ինք: Է, մեռիմ ընդրա խող ու ջրին.. Հազոփ աղեն գեղի ռեսն էր, շադ հարուստ էր, ռըսու խեղ լե կաբ ուներ: Ընդրա հարստութեն օր մըջ ծովուն լցնեն, ծով կցամբեր: Դու ասուն խավադան, Խուգասովի կռվուն ռըսու զորքին մե տարի ուր խացով, ուր ջրով պախեց: Թաքավոր լե ըդրա խամար բազբանդ կաբեց ընդրա թնին:

Աշուն կեղի, Հազոփ աղեն մե օր կխանա ուր չուխեն, բուխարի փափախ կըկախա հօդի մխեն, գենք ու գրախն էլ կըղնա ուր տեղ, կխաքի խին, քրչոտմրչոտ շորեր ու կերթա Եբադ սար, մշկու մոտ, ուր օջխրներ տենա: Դառնալուց մութ կիդա: Մե գեղով եփ գրինցի, դիոլ-զուռնի ձեն կառնի ուր անգաջ:

— Կա-չկա խարսնիք ա, — ուրին-ուրին կըսա Հազոփ աղեն, — սովաձիմ, էրթամ քչում խաց ուղիմ, եղո լուսնագ ա, կերթամ...

Հազոփ աղեն հուշիգ-հուշիգ կերթա դիբա խարսնքատուն: Ըսկի մեգ լե չիշկա վըր ընդրան: Օր շադ կըկայնի, խառսնքավորներուց մե մարթ կըսա.

— Ախչի Գուլե, խեղջ մարթ ա, քչո... ասց, կըդորըմ լե միս տուր, թըխ ուդա:

— Խան, առ կեր, — ուրան ավելցուգ քասեն կըպարզա դբա Հազոփ աղեն մե հուրիշ մարթ:



— Չէ, ընդէնց չեղի, ըստեղ մարթիք ին նստուգ, անխարմար ա, — վերի գլխուց կրոնա խաչքավոր, — տարեք, թըխ մըջ մառան խաց ուղա...

Հագոփ աղեն ամոթ-զամոթ մե բրթուջ կըդնա մըջ ուր բերան ու կըթողա կերթա:

Մեզել տարին Հագոփ աղեն գիմանա, օր եդ խարսնքատեր ֆլան ամսի, ֆլան օր ուր մեզել տղին լե կըկարքա: Կըխաքի ուր չուխեն, բուխարի փափախ կդնա, զենքեր կըկարքա, կխեձի սն ձին, օր խըդ ամբերուն կխաղա ու կերթա:

Խարսնքավոր կիշկին, օր մե յորդա ձիավոր գիքա, թաշախուստով, զենք ու գրախով... կզարմանան. «Ջանըմ, էս ինչ փաշա յա...» — մեզ-մեզի կըսա: Ջահելներ կվազին հառեչ, մեզ ձիու չոմբուկ կըբռնա, մեզել կըսա.

— Հրամեցեք, էֆենդիմ:

Խաչքավոր գիքա վերին գլխուց.

— Իմ աչիչ վըրեն տեղ ունիս, հրամեցեք, — ու կտանի խարսնքատան վերին գլոխ, վըր բարցին կընստցու, իրեք բարց լե դնել կիդա թիգունքին ու կողքեր:

— Տղեզներ, թասեր լցեք, — կըսա խաչքավոր, — վըր օդաց խմինք մեր պարվագան խոնախի կենաց...

— Կեր, անուշ էնա, ազիզ խոնախ, — էս յանից, էն յանից կըսին մարթիք:

Հագոփ աղեն հմնու աչքերու հառեչ ուր չուխի փեշի ծեր կըվերու ձեռ ու կըմդու մըջ քասեն, բոռալով կըսա.

— Չոփսա, խաց կեր, է, ախր դու ինձի խանիր ըստեղ...

Խաց — հաց

Ռես — տանքատեր

Խուզասուփի կովուն — խոսքը 1877—78 թ.թ. ռուս-թուրքական պատերազմի մասին է, որին ուրիշ հայ գեներալների հետ մասնակցել է նաև նշանավոր զորավար Ա. Տեր-Ղուկասովը

Բագբանդ — բազկակալ, բիլագուկ

Բուխարի փափախ — կարակուլի թանկարժեք մորթուց փափախ

Մշկու — մշակի

Դիբա — դեպի

Քասա — կամե խոր աման, ափսե

Ջչում — մի քիչ

Տորդա — արագավագ

Չումբուկ — սանձ, կապ

Խոնախ — հյուր

Ֆլան — ալսինչ

Կըմդու — մտցնում է

Էֆենդիմ — իմ պարոն

Աչիչ — աչքի

Հուշիգ-հուշիգ — կամաց-կամաց

Խարսնքավորներ — հարսանքավորներ



## Գ ՏԱՌԻ ՆԱՂԸ



Լուամ ա, չի ըլում մի թաքավեր: Ըսրա ըմբաթումը ճլում ա մի շատ խելոք, իմաստուն մարթ: Էս մարթը քյընըմ ա ուրիշ երգիր, ընդդա էլ կյալիս ա իրանց քաղաքը հայոց տառերը հետը պըրիլավ: Էս թաքավերը մի սեղան ա քցում, մի սեղան, վեր էլ ասելու չի: Էս թաքավերի ծառանիքը սըվեթում են էտ տառերի կրիլի ձևը հուլ քյընըմ, էտ տառերը Հայաստանով մին տարածում: Էս ծառաներից մինը, վեր անունը Փառնակ էր, կյալիս ա մեր Գարդմանցոց ըշխարհումը տուս կյալի: Տա կյալիս ա մի հարուստ մարթի տուն, համա ըտե տրան ասում են. «Քյընա կորի, մեր մղակովը նի չմտնես»: Տա ճարը կտրած քյընըմ ա մի աղքատ մարթի տուն, վերի անունը Մակիչ ա ըլել: Էս Մակիչը տրան ինչքան կարում ա պատվում ա, կինի ա խմցնում, կյաթա ըտցնում հուլ ըռավետը դբա լիսին ճամփա տնում: Տու մի ասիլ, էս Փառնակի սիրտը ըլետ ա կյաթա ու կինի ուզում, համա էլ կար վեչ, պրծել էր: Էնա էս Փառնակը կողի ա ընգնում, լոխ տառերը սրանց ա տալի, բացի Գ տառից: Տրանից ետը էս ժողովուրթը վեր բառասկզբում ուզում ա Գ ասի, կարում չի: Տրանք էլ իրանց Գարդմանի անունը փոխում են հուլ տնում Քարթման:

Նաղլ — գրույց, պատմություն

Ըմբաթ — ամբարաթ, պալատ

Քյընում ա — գնում է

Ընդդա — այնտեղից

Կյալիս ա — գալիս է

Պըրիլավ — բերելով

Կինի — գինի

Կյաթա — գաթա

Ըռավետ — առավոտ

Ըլետ — նորից

Կողի ընգնել — համարել

Լոխ — բոլոր

Դբա լիսին — լուսադեմին

Մղակ — շեմ





## ՄԻՆՔԵՆԴ

**Լ**ստրանա մըն խիլլի վախտ առաջ, արնախում Թեմուրլանգը ուրան երգիրան մինչև Հայաստան ինգյած ճնփումը ամեն հինչ ավիրելավ, կրակ տալավ հասնում ա Հայաստան: Ու Հայաստանըմն էլ ինը հարիր իննսունինը շեն ու քաղաք թորին տակը տալով, քընդիլավ, մարդոցը սպնիլավ, կյամ ա Սյունաց աշխարքը մհեկվա Զանգեզուրը: Թեմուրլանգը բանակ ա տինում Սյունիքի շեներոցը մընին հանդամը: Հիբ վեր Թեմուրլանգին ալաչուղը եր են թողնում, ինքը նի ա մտնում ալաչուղ, թորը հանում ա, քիցում տափին ու ասում ա.

— Օ՛ ֆ, մինքենդ:

Հայերան էդ նշանակում ա.

— Օ՛ ֆ, հազարերորդ շեն:

Էդ դյոնում Թեմուրլանգը հիշում ա ուրան հորը խոսկերքը, վեր մըն օրումը հազար կյոխ չի կտրես, մըն լուսնումը հազար շեն ու քաղաք չավիրես, թեչնա ալլահը քեզ կպատժի, թորդ ծեռքադ եր կոնի:

Էս դյոնամ շենին քյոխվան ու տանուտերը փեշքեշներավ եկած են ինամ Թեմուրլանգին ալաչուղի մղակը, վեր հպատակվում են ու խնդրում են, վեր Թեմուրլանգը ուրանց ծեռք չի տա: Թեմուրլանգը տյուս ա կյամ ալաչուղան ու ասում ա.

— Ես ծեր շենին ծեռք չեմ տալ, որովհետև հորս խոսկերքը հիշեցի, թող



ալլահը ընրան ջեննեթավ հատուցի: Փառք տվեք հորս, վեր փրկեց, ծեր շենը մինքենդ ա:

Էքսի օրը Թեմուրլանգը շենն ա նի մըտամ, ժողովրդին հպատակացնում ա, խարջ ա եր օնում, ամմա մարդ չի սպանում, շենը կրակ չի տամ: Ալօր Թեմուրլանգը ուրան ծանդր բանակը եր ա օնում, շենան հռվանում:

Ամմա էդ օրվանից եննա, էդ շենին անումը մնում ա Մինքենդ հազարերորդ շեն:

Մինքենդը գտնվում է Ադր. ՍՍՀ Լաչինի շրջանում

Մի խիլի վախտ առաջ -- շատ ժամանակ առաջ

Թեմուրլանգ -- Լենկ Թեմուր

Թոր -- թուր

Միեկվա -- այժմվա

Հիբ վեր -- երբ որ

Ալաչուդ -- մեծ վրան

Հայերան -- հայերեն

Էդ դյոնում -- այդ անգամ

Կլոխ -- գլուխ

Մըն լուսնումը -- մի ամսում

Թեչնա -- թե չե

Ջեննեթ -- դրախտ

Ալօր -- հաջորդ օրը

Եննա -- հետո

Շեն -- գյուղ

Խարջ -- հարկ

Էքսի օր -- հաջորդ օր





# Ի

## ՊԵՐԿԸԿԵՐԻ ԱՆՊՈՒՐԸ

Իլում ա, չի իլում, մըն ճընըպարհորթ ա իլում. քինում ա, քինում, հըսնում ա մի ըխարի: Պարկան հաց ա հանում, սկսում օտիլը: Օտում ա, օտում՝ ըշկա հացը պրծնում ա, հեղավ ճուր ա խմում: Շատ համու ճուր ա իլում, էնքան համու, վեր հեղավ պարկն ալ ա օտում: Էտ օրվանից, էտ ժաման էն ախարի անումը մնում ա Պըրկըկերի ախար, իսկ էտ հանդինը, ըշտե վեր ախարուն ա իլում՝ Պըրկակեր:

Պըրկըկերի ախարը — պարկ ուտողի  
աղբուրը, գտնվում է Տաթև գյուղի մոտ  
Իլում ա — քինում է  
Օտիլը — ուտելը

Ըշկա — մինչև  
Հեղավ — հետո  
Համու — համով  
Ըշտե — որտեղ





## ՋԱՋՈՒՌ

ի մարդ դուրս ա գալըմ ճամփորդության. հասնըմ ա սարերը, գիշերն ընկնըմ ա: Մտնըմ ա մի փոսի մեջ, շատ ա հոգևած ըլնըմ, խոր քուն ա մտնըմ: Առավոտը արթնանըմ ա ու շարունակըմ ճանապարհը: Հանկարծ սարի տակին աչքին ա ընկնըմ մի աղբյուր: Կռանըմ ա ու ջուր խմըմ: Ջուրը շատ սառն ա ըլնըմ:

— Ջան, ջուր, — բացականչըմ ա մարդը:

Ջրի համբավը տարածվըմ ա ամենուրեք: Մարդիկ բնակություն են հաստատըմ այդ վայրերում և վայրը կոչըմ են «Ջանջուր»:

Հետագայում «Ջանջուր»-ը փոփոխվելով դառնըմ ա «Ջաջուռ»:





**Թ**

## ՈՒՇԻ


ութքերը ներխուժում են գյուղ: Մարդիկ հավաքվում են գյուղի կենտրոնում վեր խոյացող եկեղեցուն և փակվում այնտեղ: Թութքերը գրոհում են եկեղեցու վրա, մարդկանց դրությունը վատանում է: Նրանք մյուս գյուղերից օգնություն են խնդրում, բայց մինչև օգնության հասնելը թութքերը գյուղը ավերում են և հեռանում: Օգնության ուշացման պատճառով գյուղը կոչվում է Ուշի:

*\* Ուշին գտնվում է Աշտարակի շրջանում*





Opportunität  
auszuweichen  
immerfort  
immerfort





## ԱՆ, ԻՄ ՄՈՒՐԱԴ

Մուրադ գիքա Ծաղգանց սարեն,  
Մարմանդ-մարմանդ գընցի դաշտեն,  
Բացվեր ա իմ սրդի յարեն.

Վին կթորգիմ քեզի, Մուրանդ:

Ա՛խ, իմ Մուրադ՝ խայոց եփրադ,  
Իմանլ արիմ ես քեզնե զադ:\*

Չմեռ ա՛ ձուև, բուք ու բորան,  
Քերիմ փաշի տուն-տեղ վերան,  
Ալաշկերդցիք քոչեր բարցան,  
Խըդ ափերով հելան գեդի:

Մեր ու մանուգ պաղաձ ափին,  
Ուր մեչ կառի կարդուգ լափին,  
Մուրադ գլոխ կիդա քարփին,  
Արուն լալով գընցի կերթա:

Մորեն եղա վըր քու ափին,  
Իմանլ թորգիմ քեզի թուրքին,  
Աշխար, թքում ես քու վարքին,  
Դո՛ր գաղթինք մեր խող ու ջրեն:

Գեվոյ ախշիգ էլ բուն չունի,  
 Մըջ աշխրքին էլ տուն չունի,  
 Մեգ Մուրադ ա, երգուս չունի,  
 Մեռնի, բալքի մնի ըստեղ:  
 Ա՛խ, իմ Մուրադ, հեյվա՛խ, Մուրադ,  
 Իմա՛լ արբիմ ես քեզնե զար:

## ԼՈՒՍՆԱԿ

Մեռնիմ քըզի, պստի լուսնակ,  
 Ո՛ւր ա կերտաս մինակ-մինակ,  
 Ծառ մ'իմ տնկե քե նմանակ,  
 Բռներ խաղող սև ու սիվտակ:

Էրտանք, ժողվինք կողովներով,  
 Բերինք, բռնինք կարասներով,  
 Կախինք մարագ զնգուռներով,  
 Տատին ուտա ուր թռռներով:

*\*Այս երկտողը կրկնվում է յուրաքանչյուր տան վերջում:*

Մուրադ — գետ Արևմտյան Հայաստանում, հայկական անվանումը Արածանի, սկիզբ է առնում

Ծաղկանց լեռներից և միանալով Արևմտյան Եփրատին, առաջացնում է Եփրատ գետը

Մարմանդ — խաղաղ, հանդարտ

Պաղաձ — պաղած, մեռած

Թորգել — թողնել

Կաղղուգ լափին — կատաղած ալիք

Իմալ — ինչպես

Քարփին — քարափին

Վերան — ավերակ

Երգուս չունի — երկրորդը չունի

Խըղ — հետ

Բալքի — գուցե

Զնգուտ — ողկույզ

## ԵՐԳ ՍԻՐԱՀԱՐ ՏՂԱՅԻ

Խաքեր իս մարմաշ, վառվռուն կումաշ,  
Ախր չուրի եփ կայնիմ քե թամաշ,  
Ախշի, խերիք ա ջիգարսի վառիս,  
Շոռ բլիթ կերա, ջուր տվիր դու հիս:  
Աստված կսիրիս, մե խաբար էնա,  
Սիրդսի կվառի, էլ չըմ դիմանա:  
Արև օր գարգեց Սինագա դոշին,  
Կընստիմ ձեր պաղ հախարի բաշին,  
Արի, կսրփիմ քու ճամփուլ փոշին,  
Օր մե խաղ փոշի չընգի քու քոշին:  
Թե մե օր եղնի, չելնիս աչքիս տես,  
Խելքսի կըթռում, գընգիմ սար-ձոր ես:

## ՕՐՈՐՈՑԱՅԻՆ

Րուրիգ-րուրիգ, րուրիգ-րուրիգ,  
Րուրի, լան, րուրի, բալա,\*  
Քնի, լան, քնի բալա,  
Աստված քեզի բարի բախտ տա:

---

\* Այս երկատողը կրկնվում է յուրաքանչյուր տան սկզբում:

Չուրի եփ — մինչև երբ

Շոռ բլիթ — աղի բլիթ

Հիս — ինձ

Սինագ — Մինակ, Հայկական Պարի լեռնագագաթներից

Հախարի բաշ — աղբյուրի գլուխ

Քոշ — կոշիկ, ոտնաման

Մարմաշ — շղարշ

Կումաշ — նուրբ թանկարժեք կտորեղեն

Խելքսի կըթռում — խելքս կթռցնեմ, կխելագարվեմ



Այ՛ վախենա, քնի, որթի,  
Պինդ փագեր իմ դուռ ու հերթիք:

Քնի, լան, օր շուր ջոչնաս,  
էրթաս Նեմրուք, քու խոր տենաս:

Քնի, լան, փագա աչք-հունք,  
էղի քու խոր թև ու թիգունք:

Մեռներ Խալիլ փաշի ումուդ,  
Քու խեր չերթեր չուրի Նեմրուք:

Շուր ջոչըցի, անուշ բալն,  
Թվանք վերու, Նեմրուք գնա:

Գնն, լան, գարգ շուն փաշին,  
Թե չե՛ չիշկա մեր ջոչ յաշին:

Չաուշ էգավ ափոյ տարավ,  
Փաշի խոքին թրով առավ:

Քնի, լան, շուր ջոչըցի,  
Թվանք վերու, Ֆիդա դարցի:

---

Հերթիք — երդիկ

Ջոչնալ — մեծանալ

Նեմրուք — սար Վանա լճից հյուսիս-արևմուտք

Չուրի — մինչև

Յաշ — տարիք

Ֆիդա — Ֆիդայի, հայրուկ, հայ ազատագրական պայքարի մարտիկ

Ումուդ — հույս

Չաուշ — տասնապետ, այստեղ նկատի ունի Գևորգ Չաուշին

Ափո — հայր

Փաշա — թուրք կամ քուրդ զորապետ

## ԶՈՒԳԵՐԳ-ՊԱՐԵՐԳ

— Ալադադի մարալ իս,  
Անուշ յար քան, խորոդ յար քան, խորոդ յար,  
Քընց վարթ անուշ կըբուրիս,  
Քու խեր չուզա, քու մեր չուզա, անջիգյար:

— Թե օր դու ընձի գուզիս,  
Անուշ յար քան, խորոդ յար քան, խորոդ յար,  
Հորի ըդմալ պաղուզ իս,  
Խորըս ըսա, մորըս ըսա, արի տար:

— Մուրադ գեդն ա վարարե,  
Անուշ յար քան, խորոդ յար քան, խորոդ յար,  
Իմ տուն ու տեղ ավիրե,  
Խու խեր չուզա, քու մեր չուզա, անջիգյար:

— Իմ խեր չուզա, ես չառիմ,  
Անուշ յար քան, խորոդ յար քան, խորոդ յար,  
Ի՛նչ էնիմ, օր քե գուզիմ,  
Խորըս ըսա, մորըս ըսա, արի տար:

— Բարով արձինք կալ ու կուտ,  
Անուշ յար քան, խորոդ յար քան, խորոդ յար,  
Գիքամ հընգիմ քու խոր ոդ,  
Քու խեր չուզա, քու մեր չուզա, անջիգյար:

— Թե օր եգար իմ խոր ոդ,  
Անուշ յար քան, խորոդ յար քան, խորոդ յար,  
Ընձի կիդա, իմ խորոդ,  
Խորըս ըսա, մորըս ըսա, արի տար:

Ալադադ — Մաղկանց լեռներ, Վանա լճից հյուսիս-արևելք

Հորի — ինչու

Պաղուզ — սառած

## ՆԱՂԼ-ՆԱՂԼ ՉԻՆԱՍՏԱՆ

Նաղլ-նաղլ Չինաստան,  
Էշի քուռակը տակս տամ,  
Նստիմ-քինիմ էրևան,  
էրևանից կուտ պիրիմ,  
Կուտը տամ հավերին,  
Հավերն ինձ ծյուռ տան,  
Ծյուռն տամ պառապին,  
Պառապն ինձ քյաթա տա,  
Քյաթան տամ հովիվին,  
Հովիվն ինձ կյառնուկ տա,  
Կյառնուկը տամ աստուծին,  
Աստուծն ինձ ախպեր տա,  
Ախպեր-ախպեր, ջան ախպեր,  
Շաքարը մաղիմ, կեր ախպեր:

### ՀԵՔԻԱԹ, ՀԵՔԻԱԹ ՊԱԲՍ Ա

Հեքիաթ, հեքիաթ պաբս ա,  
Ղաշղա քուռագ տագս ա,  
Կուդ բերի,  
Կուդն տվեցի հավերին,  
Հավերն ընձի ձուռ տվին,  
Ձուռն տարա տվի դարպանին,  
Դարպին ընձի շխախգ տվեց,  
Շխախգ տվեցի հարսին,  
Հարսն ընձի գատա տվեց,

---

Ծյուռ — ձուռ

Քյաթա — գաթա

Պաբս ա — պապս է

Ղաշղա — ճակատին սպիտակ նշան ունեցող

Դարպին — դարբին

Շխախգ — հողից արմտիք հանելու երկաթե գործիք

Գատեն տարա տվի չորնին,  
 Չորան ընձի գառ տվեց,  
 Գառն տարա տվի աստծուն,  
 Աստված ընձի ախպեր տվեց,  
 Ախպեր ջան, ախպեր,  
 Ես քու շուն, խինու խինեն,  
 Աբռշուն, հեղև հառեճ, նա նխշուն,  
 Ինենիմ կարա կաշմաշուն,  
 Գառ ա բերե, տասը հադ ուլ,  
 Տարա դրի ժամի դուռ,  
 Նանե, նանե, քրտու դռին  
 Մի անիձե, մի քրվե,  
 Հառվե-հառու իմ թռե,  
 Նախշուն կակավ իմ բռնե,  
 Համբրով թառն իմ դրե,  
 Համբրի մեջն պագաս էր,  
 Առա բերանս լեղի էր,  
 Թապի գեղին գինի էր,  
 Գինի-գինի գինստան,  
 Ախպեր ունիմ շարմստան,  
 Մանող էր, գզող էր,  
 Բեդ-բեդ կոջագ կարող էր:

---

Ես քու շուն, խինու խինեն — ես քեզ հնուց-հին  
 ջան նման հավատարիմ եմ, անմնացորդ նվիրված  
 Աբռշուն — մետաքս  
 Կարա կաշմաշուն — Քաշմիրի կապա, երկար գզստ  
 Քրտու դռին — քրդի կնոջը  
 Հառու — առու  
 Համբրով — հաշված  
 Շարմստան — քաղաք  
 Բեդ-բեդ — մեծ-մեծ  
 Կոջագ — կոճակ

Տիկ-տիկ՝ շամ ու չվան,  
 Ես շորորամ, գամ քո նման,  
 Իմ ախպերը վրին թնի,  
 Գնաց խաղաց խըտ լուսնյակին,  
 Լուսնակ խփեց մեջ երեսին:  
 Ալալա եմ կուրիսե,  
 Ջալալա եմ կուրիսե,  
 Բաղդոն եկավ, Բաղդոն գնաց,  
 Ծովի ափը պուպուզավ:

## ԹԸՌ-ԹՌՑՆԵՄ

Թռի ճուտիկ, թռցնեմ,  
 Ճտիս կաթա հագցնեմ,  
 Մոշե գինին խմցնեմ,  
 Ան խավու միս կերցնեմ,  
 Ճոճդ կախեմ, նան ասեմ,  
 Մախմուռից շորեր կարեմ,  
 Թանթելլա ճըթեր առնեմ,  
 Իմ լաճուն կապոց անեմ:

---

Չամ ու չվան — պարան

Մախմուռ — թավիշ

Թանթելլա — ժանեկազարդ

## ՀԱՐԹՈՑՆԵՄ-ԹՈՑՆԵՄ

Հա՛ թռի-թռի թռցնեմ,  
Սև հավի միս կերցնեմ,  
Սև ուլի կաթ խմցնեմ,  
Հորդ թևին հասցնեմ:  
Շիշ բերեք, շուրվեն հանինք,  
Բլրբլրան տոլմեն հանինք,  
Պրբզինք պուդուգ լիզինք,  
Հա՛ թռցնեմ-թռցնեմ,  
Իմ բալիկիս խաղցնեմ:

## ԽԱՏԻԿ-ԽԱՏԻԿ, ԱԼՎԱՐԻԿ


Խատիկ-խատիկ, ալվարիկ,  
Ալ խնձորիկ, փշատիկ,  
Կուտ ուտեմ, կուտման ուտեմ,  
Մե թոռանս պաշիկ անեմ:

## ԱՐԵՎԻՆ

Արև, արև, դուրս էլի,  
Քո խեր ու մեր իկեր ի,  
Ոսկի դանակ պիրեր ի,  
Խոզ ծառի տակ թաղեր ի,  
Խոզիկն էկե տեսեր ի:

## ԱՂՎԵՍԸ

Աղվեսն ելավ բարակ ձորից,  
Թանը կերավ թափավ վզից,  
Երկու կոպեկ առավ քրեն,  
Գնաց ընկավ գեղի սրեն:  
Որտեղ գնաց՝ պուլիկ եղ է,  
Ասավ. — էս ինչ հարուստ գեղ է:  
Գցեց շուշիկ, բռնեց փուշիկ,  
Գնաց ընկավ իր տունուճիկ:  
Աղվեսն ասավ. — Տեղս նեղ է,  
Հավի ձտեր փորիս դեղ է:



---

Քրեն — քրեհը, վարձը

Գեղի սրեն — գյուղամեջ

Շուշիկ — շունչ

Տունուճիկ — բուն



## ԽԱՂԻԿՆԵՐ



աավոտ գիշերիանա,  
Ես ինչ անեմ մահանա,  
Որ գնամ իմ յարիս մոտ,  
Հանկարծ մերս չիմանա:

\*

Խաղ կըսեմ խանա-խանա,  
Չեք կըրնա բերան բանա,  
Խաղ կըսեմ առու-առու,  
Ինչ-որ կըսեմ՝ էն դառու:

\*

Այ իլդար ա, իլդար ա,  
Փլավ կեփեմ, բիբար ա,  
Յարս էկավ քյավառա,  
Ջեբեր լիբը շաքյար ա:

---

Գիշերիանա — առավոտ ծեցին

Մահանա — պատրվակ

Իլդար — օրորոցում մանուկների նշանադրություն, խոստում



\*

Ուխտավոր ջան, ուխտ արա,  
Սրտիս իղձն կատարա,  
Իմ սիրածն սև-սև ա,  
Ոչ ոք չի կանա խլա:

\*

Պատերը քիրաջ արա,  
Երեսդ զոպալ արա,  
Ես քո ցավով կմեռնեմ,  
Կարաս, իլաջըմ արա:

\*

Ա՛յ մարդ, չըխարակս սազ արա,  
Նստի տանը տազ արա,  
Ես էլ պյարակ թիլ մանեմ,  
Աշկտ օրիշին չըմնա:

\*

Ամպել ա սարեցոց վրա,  
Թոն կուգա յայլեցոց վրա,  
Ամպ ջան, աստվածդ սիրես,  
Թոն մի գա յարիս վրա:

\*

Բլբուլը դարի վրա,  
Խնձորը ծառի վրա,  
Սիրած սիրածի տային  
Չոր գետնի, քարի վրա:

\*

Էրկանքը աղի վրա,  
Շամամը թաղի վրա,  
Ես էլ մի բլբուլ ղուշ եմ  
Հերանցս թաղի վրա:

---

Իլաջ — հնար, միջոց

Չխարակ — ճախարակ

\*

Հնձվոր տղին հաց տարա,  
Յարիս տեսա, հետ դառա,  
Խնձոր տվեց, ես չառա,  
Էս ինչ անբախտ յար դառա:

\*

Այ հանդեր ա, հանդեր ա,  
Թամուզ էրծարթ բանդեր ա,  
Իմաց տվեք իմ յարին,  
Ջիվան ջանս անդեր ա:

\*

Տղա՛, գնա հիր էրա,  
Վըր մատնիքին գիր էրա,  
Գնա, գլխուտ ճար էրա,  
Իմ խեր քեզ աղջիկ չի տա:

\*

Օրը թխպոտալ ա,  
Տրեխնիս ճղոտալ ա,  
Կեցիս քյոհնա դայրան.  
Սարերում պտռոտալ ա:

\*

Քու սերը ինձ խանչալ ա,  
Ամեն շուն իրաս հաչալ ա,  
Էլ իմ ինչին ես դու պետք,  
Որ ուրիշը քեզ պաչալ ա:

---

Բանդ — կապ

Հիր էրա — նկատի ունեցիր

Կեցիս — հագիս

Քյոհնա — հին

Դայրա — զգեստ

Իրաս — վրաս

\*

Սարերը սնձոտել ա,  
Ոչխարը բրդոտել ա,  
Չորան, քու մերը մեռնի,  
Շորերդ կեղտոտել ա:

\*

Լուանյակը նորել ա,  
Նորը բոլորել ա,  
Յարս խռովել ա,  
Ճամփեքին մոլորել ա:

\*

Չորի ջուրը սառել ա,  
Ղամեն ձեռս տարել ա,  
Էդ էլօղլու վատ խոսքը  
Ինձ մոմի պես հալել ա:

\*

Կաթնաղբյուրը սառել ա,  
Ղամեն կուռս տարել ա,  
Ինձ մի սիրած յար ունեի,  
Ուշքս, միտքս տարել ա:

\*

Ծին ա եկել, հալել ա,  
Փոսն ա տառել, սառել ա,  
Մտիկ արեք են դազին,  
Չալ ու նախշուն բողազին:

\*

Ջաղացի տակը փոս ա,  
Վեր քար քցես կխոսա,  
Աստված սիրես, մեկ էլ խոսա,  
Ա՛յ իմ նանի ազիզ փեսա:

---

Ղամա — դաշույն

էլօղլի — օտար, վատ, ուրիշ

Կուռ — ձեռք

Ծին — ձյուն

\*

Կանգնածդ տեղը փոս ա,  
Էվել-պակաս մի խոսա,  
Խոսքիդ պատասխան կտամ,  
Կողքիդ ընկերն ափսոս ա:

\*

Աղջի, անունդ ասա,  
Գլխինդ ֆինո-ֆաս ա,  
Գնա՛ քո մորը ասա,  
Ինձի անի իր փեսա:

\*

Գյանջի քամին գալիս ա,  
Դուռն շրխկ-շրխկ տալիս ա,  
Աղջի, հելի դուռը բաց,  
Գլխավորդ գալիս ա:

\*

Ղարսա քամին գալիս ա,  
Էրան-էրան տալիս ա,  
Մեյդան արեք, շոր գցեմ,  
Կարոտ բալես գալիս ա:

\*

Վրթիվերը կյալիս ա,  
Ծաղիկը ցնծալիս ա,  
Հարսն ու աղջիկ, դովլն արեք,  
Ղզլբաշը կյալիս ա:

\*

Թոռը կյամ ա, շաղըմ ա,  
Էրկու օր ա մաղըմ ա,  
Քինամ տըսնամ ճըղացպանը  
Մեր դանին կուտուրը աղըմ ա:

Ֆինո-ֆաս — ֆես, գլխարկ

Էրան-էրան — մեղմ փշեղով

Կուտուր — մի կտոր, քիչ

\*

Թոռը շաղըմ ա,  
Ճաղացը աղըմ ա,  
Իմ պառապէ նանին  
Ալիրը մաղըմ ա:

\*

Արևը մար ա մտնըմ, մթնըմ ա,  
Կյառերը մթնան խրթնըմ ա,  
Շուտ ըրա, ըրա դալը,  
Օրը փին ա, թխպըմ ա:

\*

Նշանաժս չոբան ա, վրխճարըմ ա,  
Ղազի գյուլի սարըմն ա,  
Տեսնաս հէք ա տոն կյալու,  
Էսօր աշկս խաղըմ ա:

\*

Իմ ախպերը սարումն ա,  
Շիուն գոտկի ծալումն ա,  
Շիուտ փչի, ախպեր ջան,  
Քիրըտ Լոռվա սարումն ա:

\*

Վրթիվերի վադեն ա,  
Աղալարի դագեն ա,  
Իմ ծաղիկը խլողն ճվ ա,  
Քոնթուլ-մոնթուլ գյադեն ա:

---

Ըրա դալը — մտցրու փարախը

Վրխճարըմ ա — ոչխարի հոտի հետ է

Շիու — շվի

Վադեն ա — ժամանակն է

Աղալարի — աղաների

Գագա — վրան

\*

Տախտն ավուսն եմ՝ նամ ա,  
Սներն արծթուկ գյամ ա,  
Իմ պես նազանի աղջիկ  
Քե պես տղին չի սազա:

\*

Իմ մեջքինը քյամար ա,  
Քո ունքերը կամար ա,  
Ա՛յ տղա, ինչ ես միտք անում,  
Իմ կյանքը քու հըմար ա:

\*

Ղարիբ եմ, տեղս քար ա,  
Ղարիբություն դժվար ա,  
Աստված սիրեք, բան չասեք,  
Ղարիբն ես ինչ անճար ա:

\*

Արև գարգե Նբադ սար,  
Գլխուր թասագ օսկեշար,  
Քեզի աչքով էնեցի,  
Ա՛խ, ինչ անուշ խնդացար:

\*

Ժամու դռան մարմառ քար,  
Ես չեմ ամեն հեռու յար,  
Հեռու յարը աչքի փուշ ա,  
Սիրով սիրած յարն անուշ ա:

\*

Լուսնյակը կեռ ու կամար,  
Քուր կմեռնի ախպոր խամար,  
Հիսուն օր պաս եմ պախել  
Իմ ախպոր ճամփու խամար:

---

Նամ — խոնավ

Գյամ — գամ, մեխ

Նբադ — Նպատ, սար Ձիրավի դաշտից հարավ

\*

Երկանքս կաղա ձավար,  
Դուշման, քու աչքը խավար,  
Ես սիրել եմ, ես կառնեմ,  
Ջայնամ թե չունի տավար:

\*

Բախչի տակը դթում ա,  
Լանս կովը կթում ա.  
Գնա նանիս հարցրու,  
Թե որ չտա, փախցրու:

\*

Սարերը սրսռում ա,  
Ոչխարը բոբռում ա,  
Էսօր հինգ օր չեմ տեսել,  
Իմ սիրտը մռմռում ա:

\*

Ծաղիկ եմ քաղել, դեղին ա,  
Իմ յարը ձեր գեղին ա,  
Այ ու մեխակ շատ ունեմ,  
Չիմ իմ յարի ձեռին ա:

\*

Կուռտիկ եմ կարել, դեղին ա,  
Յար ունեմ, ձեր գեղին ա,  
Դարչին, մեխակ շատ ունեմ,  
Չիմ էն յարի ձեռին ա:

\*

Խնձոր ունեմ, դեղին ա,  
Իմ սիրածը գեղեն ա,  
Միսս ոսկորից որ ջոկեն,  
Մի թիքեն էն տղինն ա:

\*

Լուսնակ մտավ ամպի տակ,  
Ես մնացի անբնակ,  
Լուսնակ-լուսնակ, դուրս արի,  
Ա՛խ, ինձ տանից մի հանի:

\*

Ճվըզտ, ճվըզտ, չըխարակ,  
Ես հուռ տյուռ քյինինք Հկյերակ,  
Ես հաստ մանիմ, տյուռ պերակ,  
Ես կոժ կոտրիմ, տյուռ տորակ:

\*

Մատնիքիս կլոր ակը  
Գլվլաց ընկավ բակը,  
Դեմ տվի սելի ակը,  
Տակը մնաց մեր սագը:

\*

Ոչխարն արել եմ բակը,  
Դեմը տվել սելի ակը,  
Ով իմ սիրածին առնի,  
Չի վայելի գլխի թագը:

\*

Սարերի վրով գնաց,  
Իմ յարը խռով գնաց,  
Թե դուչ եղավ, թե կաքավ,  
Չեռես թռավ ու գնաց:

\*

Ջուրը ջրտարով գնաց,  
Յարս, տեսեք, ցնր գնաց,  
Մահանա քենուն արեց,  
Յարին տեսնելու գնաց:

Քյինինք — գնանք

Հկյերակ — Ագարակ

Տորակ — փարչ, փոքրիկ կուժ



\*

Գնացի գետը վլաց,  
Տաշտը կոտրավ, ջուրը գնաց,  
Յարիս շորերը մնաց,  
Յարս էկավ, հերստտ գնաց:

\*

Լուսնակը ցուաց, ցոլ գնաց,  
Բանդ առավ սարին, մնաց,  
Աստված սիրեք, դեմն առեք,  
Շեկ յարս ձեռից գնաց:

\*

Քեզի կըսեմ բացերաց,  
Թե դու ընձնեն հեռու կաց,  
Լոթի տղերանց մեջը  
Կերևաս դու գարի հաց:

\*

Ես տղա եմ գառնարած,  
Քյանքյունս ոսկեջրած,  
Ի՞նչ անեն հերս ու մերս,  
Ճակատիս էս էր գրած:

\*

Ա՛ հուսմ տղա, հուսմ տղա,  
Աղբրի կլխին քուն, տղա,  
Ծաղիկս ջրովն եմ կալել,  
Փախի գնա տուն, տղա՛:

\*

Երգիկը կայնող տղա,  
Իմ մասին մտածող տղա,  
Էկան ընձի տանելու,  
Թասիբիդ մեռնեմ, տղա՛:

վլաց — լվացք

Քյանքյուկ — մազափունջ

\*

Քանաքեռ բարձր տեղ ա,  
Ջուրը հիվանդի դեղ ա,  
Սիրած սիրածի չեն տա,  
Էս ինչ կռապաշտ գեղ ա:

\*

Մեծ շայիր ա, մեծ թաղ ա,  
Թուխ գառ մեջը կըխաղա,  
Հեսա էկավ իմ ախպեր,  
Համ մելիք ա, համ աղա:

\*

Այ տղա, ալին տղա,  
Քյաքուղ դալին տղա,  
Ես քեզ որտեղ սիրեցի,  
Իմ հերանց կալում, տղա:

\*

Ոչխարը բերը էկավ,  
Ետեն տերը էկավ,  
Ուզեցի պաքըմ առնեմ,  
Աղջկա հերը էկավ:

\*

Խնձոր կծի, դուր էկավ,  
Յարս ընձի հյուր էկավ,  
Նրա սև-սև աչքերը  
Էլի ընձի դուր էկավ:

\*

Բոստան դրի արևկող,  
Անտեր մնա շահի հող,  
Երկու բերախտ քուր ունեմ,  
Ընձի կըսեն՝ յարդ թող:

---

Չայիր — մարգագետին

Ալին — կարմրաթուշ

Ղալին — խիտ

\*

Հու վեր վեսկի սիրող ա,  
Էն շքտերին տիրող ա,  
Տիենցները թող կորչեն,  
Էտ իմ աշկին կիրողն ա:

\*

Նստա օդեն՝ կար արի,  
Կար արի, կանվա կարի,  
Էկան ըսին՝ յարդ էկավ,  
Կանվեքը խարաբ արի:

\*

Այ տղա, բաղովն արի,  
Ոտներդ շաղովն արի,  
Էս թաղը դալմադալ ա,  
Ման տու, էն թաղով արի:

\*

Յար ջան, ալերով արի,  
Վերին կալերով արի,  
Էս մալեն դալմադալ ա,  
Յան տու, էն մալով արի:

\*

Դարի, դարի, ինչ դարի,  
Հաժ բոլ ըղավ աս դարի,  
Վար-վիր օնցնող մաշտկածը  
Գասիմ գու՝ մեյ դուն արի:

(Տարի, տարի, ինչ տարի,  
Հաց շատ եղավ այս տարի,  
Վարուվեր անող մարդկանց  
Ասում եմ՝ մեր տուն արի):

---

Վեսկի — ոսկի

Օդա — հյուրասենյակ

Կանվա — ձեռագործի հենք

\*

Թրջոց եմ դրել կաշի,  
Աչքս ճամփա կըյաշի,  
Չվա իմ յարը կերևա,  
Հալալ կեսս կմաշի:

\*

Պարբաշի, պարդ քաշի,  
Ետ դառի, յարիդ աշի,  
Հալղը սիրածդ տարան,  
Հողերը գլխիդ քաշի:

\*

Ախպեր օնիմ Առուշան,  
Սիպտակ կոլին թոխ նշան,  
Գյոլեն կլխեն հունձ կանինք,  
Ղարիք օքմուն հունց կանինք:

\*

Աղչի, անունդ Շուշան,  
Հագիդ շորեր խշխշան,  
Արի գնանք Սուրբ նշան,  
Մատիդ մատնիք տամ նշան:

\*

Թամբալ Տիգրո տգտզան,  
Ճանջեր բերնին կըղզզան,  
Տենամ մե ախշիգ կեղնի,  
Օր խավնի քե, այ հայվան:

---

Չվա — մինչև

Պարբաշի — պարողների խմբի առաջնորդ

Հալղը — խալխը, ուրիշները

Օքմի — մարդ

Ցաշել — նայել

Կոլին — կողին

\*

Ամպել ա, ամպի նման,  
Շաքար եմ, դանդի նման,  
Մերս ինձի պահել ա  
Ծաղկած գյուլվարդի նման:

\*

Մանի ասեմ մի բերան,  
Մեր տունը ջուխտըմ գերան,  
Սիրունը գեշի ծոցին,  
Է՛յ վախ, հազար բերան:

\*

Ես կուզեմ էն ըխճկանը,  
Վեր խելունք ա նրա նանը,  
Երբ վեր պերեմ մեր տունը,  
Հավան կենա մեր թանը:

\*

Տանս տակը տախտան,  
Հարս ու աղջիկ նի տյառան,  
Ուզեցի մինը բռնեմ,  
Լոխ ինձ մեր ու քիր դառան:

\*

Վանքի տղկից ջուր կեթա,  
Ղաթար օսկին գուր կեթա,  
Ջայնամ էն ղաթար օսկին,  
Մեռնիմ իմ յարի խոսքին:

\*

Արի, յար ջան, արի,  
Ջանգերի վախտ ա՛,  
Թե որ սիրենք, շառնենք,  
Էդ էլ մի բախտ ա:

---

Ղանդ — գլուխ շաքար

Տախտ — մարգագետին

Ղաթար — կուլթ

\*

Ջուր եմ դրել, կեծ ա,  
Ոչխարիս աղաքը էծ ա,  
Մեռնեմ միջի չորանին,  
Թագավորից էլ մեծ ա:

\*

Ձեր բաղր դուռը բաց ա,  
Ոտներս շաղով թաց ա,  
Ինձանից հեռացել ես,  
Աչքերս լիքը լաց ա:

\*

Չորի մեջը փուշ ա,  
Ձերս լիքը նուշ ա,  
Ես կսիրեմ էն աղջկան,  
Որի սիրտը քնքուշ ա:

\*

Ապարանը քարոտ ա,  
Քարի տակը արոտ ա,  
Ուղիղ երկու տարի ա,  
Յարը յարին կարոտ ա:

\*

Սարի ճամփեն մե իզ ա,  
Յարիս բոյը ֆիլիզ ա,  
Շատ ման եկա, չգտա,  
Սալըխն առա Թիֆլիզ ա:

\*

Սարի թրթնջուկ թազա,  
Յար ջան, մեջքդ մե մազ ա,  
Ինձ պես նազանի աղջիկ  
Քեզ պես տղին ո՞նց սազա:

---

Իզ — հետք, այստեղ արահետ

Ֆիլիզ — սածիլ

Սալըխ — լուր

\*

Էրգիր, կարող ու երագ,  
Մըչ իմ սրդին դու մուրագ,  
Ե՛վ կբացվի ճար-ճամփեդ,  
Ա՛խ, գամ, հնցիմ ես Արագ:

\*

Չանդր բարը թնդա գու,  
Առաճնորտը խնդա գու,  
Քամաչաջին դառնա գու,  
Փարըն ջագդին ֆռռա գու:

(Ծանր պարը թնդում է,  
Առաջնորդը խնդում է,  
Քամաչաջին դառնում է,  
Փողը ճակտին ֆռռում է):

\*

Բայն ելևողը ժաժվի գու,  
Կայդին հեդը դարվի գու,  
Քամաչաջի, զիլ չալն,  
Գառը գառին շարվի գու:

(Պարի ելևողը շարժվում է,  
Եղանակի հետ տարվում է,  
Քամաչաջի, զիլ նվագիր,  
Կեռը կեռին շարվում է):

\*

Արտը հասել, կարմիր կուլա,  
Սիրտս եղավ կավե գուլա,  
Էրեկ ջահել, էրեկ կանաչ,  
Կանցնիմ կերթամ, քուլա-քուլա:

---

Քամաչա — լարային գործիք

Կեռը կեռին — ճկույթները ագուցած

Գուլա — կուլա, կուժ

\*

Ամպել ա քուլա-քուլա,  
Եթումի սիրտը կուլա,  
Եթումն օր ուրախանար,  
Էլ ինչո՞ւ եթում կըմնար:

\*

Կուրդիկ եմ կարել,  
Թները լուլա,  
Աղջկան տարան,  
Մեր նստե, կուլա:

\*

Մեր տան ճրաքն իմ մարթն ա,  
Մեր խոխեքն էլ տան զարթն ա,  
Աստոճ պահի էս օրենքը,  
Վեր մըծանան իմ խոխեքը:

\*

Սարի պես դարդ եմ քաշել,  
Ջահել եմ, սիրտ եմ մաշել,  
Հեռու ճամփեքի վրա  
Դարդերդ ղնց եմ քաշել:

\*

Մեր տան հետև դառտակ սել,  
Ձեր տան հետև դառտակ սել,  
Սաբիբն հելներ կատողուկ դել,  
Իմ յար չէներ սիրու տեր:

\*

Աչքերդ դեղ ես դրել,  
Ընձի գօթ տեղ ես դրել,  
Անզգամի խոսքերով  
Իմ վրես մեղ ես դրել:

---

Սաբիբն — պատճառ եղողը

Դել — էգ շուն

Մեղ — մեղք



\*

Տորեն եմ ցանել,  
Ծիլը կանաչ է,  
Հեռու յար ունեմ,  
Ականջը կանչե:

\*

Երդիկ-երդիկ բռնել ես,  
Երդկատակին կռնել ես,  
Նանս քեզ աղջիկ չի տալ,  
Անուշ բունդ կտրել ես:

\*

Գնացել ես, եկել ես,  
Չարուխ-գուլպեղ պոկել ես,  
Հերս քեզի աղջիկ չի տա,  
Իզուր բունդ կտրել ես:

\*

Բուխարա փափախ դրել ես,  
Տղա, վիզդ ծռել ես,  
Ընձեն քեզի ճար չկա,  
Հեչ անունս տվել ես:

\*

Բահը ուսիդ դրել ես,  
Հանդ ու չուլը ջրել ես,  
Հոգուդ մեռնիմ, յարո ջան,  
Հեչ անունս տվել ես:

\*

Աղջիկ, դու հուր ես, մուր ես,  
Ես ծարավ եմ, դու ջուր ես,  
Համբարձման գիշեր է, եկ,  
Քեզ ման կգամ, դու ո՛ր ես:

\*

Հնչի՛ հելար աչքիս տես,  
Քու սավղից խիվանդ իմ ես,  
Թե ճար ունիս, ճար էնա,  
Չէ, աշխրքեն կերթամ ես:

\*

Գնա դաշտը՝ կակաչ տես,  
Լալ մտածի քեզուքեզ,  
Իմ սիրտն էլ նրա նման,  
Աշխատի՛ սև չթողնես:

\*

Ա՛յ տղա, գնա կալը տես,  
Պաղ հաղարի սալը տես,  
Իմ հեր քե աղջիկ չի տա,  
Գնա գլխուդ ճարը տես:

\*

Կայնել եմ ամբար կըտաշես,  
Վերի մայլեն շատ կաշես,  
Ընձնեն դայրին յար ճարես,  
Նոր շորերդ կըմաշես:

\*

Նավը անցավ ծովի կես,  
Սիրուն աղջիկ, նայի դես,  
Յոթ տարի սիրել եմ քեզ,  
Տանեմ պահեմ վարդի պես:

\*

Նավը եկավ ծովի կես,  
Կամար աղջիկ, շիտկի դես,  
Քեզի սիրեմ տարիկես,  
Տանեմ պահեմ հոգուս պես:

---

Սավղա — սեր

Շիտկի — նայիր, ուղղվիր

\*

Նազը հասե ծովի կես,  
Կամար տղա, թեքվի դես,  
Մաշիր կյանքս, թողիր կես,  
Չեմ դիմանա առանց քեզ:

\*

Ջուրն եկավ երես-երես,  
Բազրգյան, աստված սիրես,  
Բաշ-Շորագյալ գնալիս  
Իմ յարին հետ կբերես:

\*

Տղա, անունդ Հովհաննես,  
Սարերում սեյրան կանես,  
Առ ու ամոթ ունենա,ս,  
Սիրած յարիդ կըտանես:

\*

Ա՛յ տղա, սաթար ըլնես,  
Սև հավի կատար ըլնես,  
Մերս քեզի աղջիկ չի տա,  
Որ սրտապատառ ըլնես:

\*

Կտոր-կտոր վարել եմ,  
Սիրուն աղջիկ ճարել եմ,  
Գնացի տեսա՛ քնած ա,  
Վարդն էրեսին փռած ա:

\*

Ծառի տակը նստել եմ,  
Լաչակս լվացել եմ,  
Խաբար տարեք իմ նանին,  
Էս դարդին տիրացել եմ:

---

Բազրգյան — կտորեղենի վաճառական

Սեյրան անել — գրոսնել

Սաթար ըլնել — տեղում նստել

\*

Ծառի տակին լացել եմ,  
Լաչակս լվացել եմ,  
Լաչակս ուռուքար ա,  
Առածս մինուճար ա:

\*

Բիջիգ վախտս գորած իմ,  
Թուրկին ճայտըն փախաձ իմ,  
Ետում էյը մեգ օր մը,  
Հիմի դունդեղ ըղաձ իմ:  
(Փոքր հասակում կորել եմ,  
Թուրքի ջարդից փախել եմ,  
Որք եմ եղել ես մի օր,  
Հիմա տունուտեղ եմ եղել):

\*

Ղարաֆիլ ու դարչին եմ,  
Գյուղամիջու յար չունեմ,  
Յարս էկավ, դռնով անցավ,  
Ջահել եմ, խաբար չունեմ:

\*

Ձիավոր եմ, թամբին եմ,  
Աչքով են սև ամպին եմ,  
Շատ ցավեր եմ ես տեսել,  
Էլի ցավի ճամփին եմ:

\*

Ես սարերին խոռնըն եմ,  
Վենդը սաքյուլ կյոռնըն եմ,  
Հու վեր ինձ ճընանչոամ չի,  
Աշխեն նանուն թոռըն եմ:

Ուռուքար — թանկարժեք

Ղարաֆիլ — մեխակ

խոռ — ուրց

Վենդը սաքյուլ — ոտքին սպիտակ նշան ունեցող

կյոռ — գառ

\*

Կապույտ քուռակ հեծել եմ,  
Արագին մոտեցել եմ,  
Արագ, ընձի ճամփա տուր,  
Իմ նանին կարոտցել եմ:

\*

Օբա-օբա ծաղիկ եմ,  
Թագավորի սանիկ եմ,  
Թագավոր, թախտիդ մեռնեմ,  
Շեկ տղա, բախտիդ մեռնեմ:

\*

Սև եմ, սևավոր հավք եմ,  
Դեղին թևավոր հավք եմ,  
Ինձ բաց թողեք, որ թռնեմ,  
Երամի սովոր հավք եմ:

\*

Այ էլու եմ, էլու եմ,  
Եշանլու եմ, բելու եմ,  
Նանե ջան, բան մի ասա,  
Ղարիբ եմ, էթալու եմ:

\*

Կանաչ տեղը պարում եմ,  
Պարի մեջը խաղում եմ,  
Կաքավի պես նազելով  
Տղաներին դաղում եմ:

\*

Կալը ցորեն մաղող չեմ,  
Չոլը բանջար քաղող չեմ,  
Տունը կայնել են կռիվ,  
Ես եղ տղին առնող չեմ:

Օբա — տեսակ

էլու եմ — ուրիշի եմ

բելու — հայտնի, նշանավոր

\*

Հանդեն բանջար բերող չեմ,  
Կալը աշան էնող չեմ,  
Բոյով եմ ու սոյով եմ,  
Հիվանդ տղի լայեղ չեմ:

\*

Դեզ եմ դրել, հավան չեմ,  
Ինձուզուխ դիվան չեմ,  
Ինձ արխաջան մորթ արեք,  
Ես էս յարին հավան չեմ:

\*

Ելնեմ սարը, հարց անեմ,  
Քարը գլխիս բարձ անեմ,  
Ոչ անցնող կա, ոչ դարձող,  
Յարոյիցս հարցնեմ:

\*

Սարերի գինձն ինչ կանեմ,  
Կաթնով սինձը ինչ կանեմ,  
Ես սիրել եմ, ես կառնեմ,  
Խոսք ու զրուցն ինչ կանեմ:

\*

Սուրբ Հովհաննես ուխտ կանեմ,  
Մազերս ջուխտ-ջուխտ կանեմ,  
Թե իմանամ՝ ինձ չես առնի,  
Կըզնամ վրեղ գիր կանեմ:

\*

Այ, ուխ կանեմ, ուխ կանեմ,  
Մասրքու տակին ծուխ կանեմ,  
Ով վեր իմ սիրածը խլի,  
Թագն ու ուսկապը թուխ կանեմ:

---

Աշան անել — հասկերը կալում փռել

Արխաջ — փարախ

\*

Վարթի տակին կար կանեմ,  
Վարթը դռշես կախ կանեմ,  
Տեսեմ՝ յարս կյալիս ա,  
Ասեղը ծեռես թու կանեմ:

\*

Մեր դռանը վար կանեմ,  
Սև ագռավին քար կանեմ,  
Իմանամ՝ յարիս կառնեմ,  
Գժությունս թարգ կանեմ:

\*

Բամբակները լոզ կանեմ,  
Տակները գյուլ-գյուլ կանեմ,  
Ափսոս իմ բլբուլ լեզուն,  
Որ գնացիր՝ լալ կանեմ:

\*

Նունի, նունի, նուն ունեմ,  
Ես մի պուճուր տուն ունեմ,  
Կորի, գնա, այ տղա,  
Քեզ պես հազարը ունեմ:

\*

Այս տարի կանեփ ունեմ,  
Կանեփս մաղող չունեմ,  
Հորս կասեմ, թե կարգի,  
Մերս կասե՛ փարա չունեմ:

\*

Դարի գլխուն տուն ունեմ,  
Մեջը օսկե սուն ունեմ,  
Սուն ու գերան բար պիտի,  
Արտով սիրած յար պիտի:

---

Լոզ կնգուղ, նաև ծայրը կեռ դանակ

Գյուլ-գյուլ կանեմ — կլիացնեմ

Բար պիտի — խերով, բարիքով լինի

\*

Վերին Ջաղեն արտ ունեմ,  
Շատ մարդ գիտա դարդ չունեմ,  
Դարդս ինձի տարել ա,  
Ջահել եմ, խաբար չունեմ:

\*

Ես դարիբ եմ, տուն չունեմ,  
Գիշերները քուն չունեմ,  
Հարցուփորց արեք՝ տեսնեմ,  
Յարաբ, յարիս երբ կտեսնեմ:

\*

Ընկել եմ ու ճար չունեմ,  
Ջահել եմ, խաբար չունեմ,  
Խաբար տարեք իմ յարին,  
Ընձնեն էլ գյուման չունեմ:

\*

Աշուղ եմ, աշուղ, թառ չունեմ,  
Սիրահար եմ, յար չունեմ,  
Կորցրել եմ իմ յարին,  
Էլ գտնելու ճար չունեմ:

\*

Հիվանդ իմ, հալիգ չունիմ,  
Ղարիբ իմ, մարիգ չունիմ,  
Ընգած իմ ձովուն օռտըն,  
Էլլուշի ջար մը ալ չունիմ:

(Հիվանդ եմ, հալիկ չունեմ,  
Ղարիբ եմ, մայրիկ չունեմ,  
Ընկել եմ ծովի մեջտեղը,  
Ելնելու ճար էլ չունեմ):



\*

Յար, նստի գինի բերեմ,  
Ոչխարի մածուն բերեմ,  
Իմանամ, որ յարս ես,  
Սիրով, սրտով կսիրեմ:

\*

Վեր կամ ծորան ճուր բերեմ,  
Մի փունջ ծաղիկ ալ բաղեմ,  
Շուտ ետ դանամ մեր սարը,  
Հունձս արտան տուն բերեմ:

\*

Քյաքյուլիդ կալին մեռնեմ,  
Երեսիդ խալին մեռնեմ,  
Լսել եմ՝ կարդացող ես,  
Սաղմոսիդ տառին մեռնեմ:

\*

Ճղացի տյուռը տաշեմ,  
Յալլախի գյուզը նախշեմ,  
Ախպեր, աղլուխդ տուր նախշեմ,  
Վարդով լցնեմ, քեզ բախշեմ:

\*

Վիճակ ասեմ, կամաչեմ,  
Ծլեմ-ծաղկեմ, կանաչեմ,  
Կանաչ թերուր մեյդան ա,  
Տեսք յարս ընդեղ ա:

Ծորան — ճորից

Յալլախ — թաշկինակ

Թերուր — փետուր

\*

Աչքերուդ մեռնեմ,  
Ղալամ կբռնեմ,  
Թե որ կարանամ,  
Նամակ կգրեմ:

\*

Բոստանս ցանեմ համեմ,  
Սիրտս սրտիդ մեջ քամեմ,  
Բլբուկ դառնամ, յարո ջան,  
Մի կուշտ անուշ երգ ասեմ:

\*

Սազն առնեմ ձեռս, քոքեմ,  
Գամ ձեր դռանը չոքեմ,  
Բալքի էս մեկ հնարով  
Քեզ էդ տեղիցը պոկեմ:

\*

Ես աղջիկ եմ, մալ կուզեմ,  
Բոյովս մեկ շալ կուզեմ,  
Երբ որ եկա ձեր տունը,  
Ոսկին շարեշար կուզեմ:

\*

Գրքոն պարգե վըր դեզին,  
Գողդու կիշկա Նարգզին,  
Էրթամ հուզիմ մըջ աշնան,  
Գրքո-Նարգիզ կսագին:

\*

Արի, յար ջան, էս ըզին,  
Մարալ, ջեյրան բուրդ գզին,  
Սիրած սիրածի չեն տա,  
Մեղքը հոր ու մոր վզին:

---

Հուզիմ — ուզեմ

Ըզ — իզ, հետք, ուղղութիւն

\*

Գնացի թուրքի թալին,  
Բերեցի բոյով հայլին,  
Հայելին բոյովս չե,  
Սիրել եմ, սրտովս չե:

\*

Վիճակ դրի վըր փլին,  
Պրծավ հնգավ մըջ տլին,  
Ես չեմ առնե գեշ տղին,  
Կեթամ կառնեմ էն տղին:

\*

Ծաղիկ եմ ծաղկանց միջին,  
Մի հատ եմ բաղի միջին,  
Յար, ինձ պարզերես արա,  
Քո ընկերներիդ միջին:

\*

Բոստան եմ դրել ճամփին,  
Ընկել եմ գեղի լամփին,  
Ընենց մի յար եմ ճարել,  
Կցոլա կժի կանթին:

\*

Ջուրն եկավ արփին-արփին,  
Կթափի վերին քարափին,  
Ես դուրբան եմ իմ յարին,  
Համ դուրգյար ա, համ դարբին:

---

Փուլ — թումբ

Տիլ — ցեխ

Լամփ — ասեկոսե

Դուրգյար — հյուսն

\*

Հանդումը նստեմ քարին,  
Նամակ գրեմ իմ յարին,  
Որ կարդա, ուրախանա,  
Մինչև լրանա տարին:

\*

Կաքավը կայնավ քարին,  
Կտուցը լիքը արին,  
Մի դաստա վարդ եմ քաղե,  
Տարեք տվեք իմ յարին:

\*

Կաքավը նստել ա քարին,  
Նամակ տամ, տար իմ յարին,  
Ասա, թող նամակ գրի,  
Կարոտ եմ նրա գրին:

\*

Հելիմ կայնիմ վըր սարին,  
Ձեն տամ կարիք իմ յարին,  
Իմ ձեն թըխ առնի, հիմնա,  
Օր կարողցեր իմ ուրին:

\*

Մանուշակ թփի տակին,  
Չվածեղ խփի տակին,  
Կորած յարիս գտել եմ  
Խնձորի ծառի տակին:

\*

Ռեհան եմ թփի տակին,  
Չվածեղ խփի տակին,  
Ես մի տղի սիրեցի  
Մեր դռան թթի տակին:

---

Հիմնա — հիմնա

Ուրին — իրեն

\*

Գուրթանը Վանա փոսին,  
Շողն ա առել ակոսին,  
Նանե ջան, աստված սիրես,  
Հաց տուր, տանեմ քու փեսին:

\*

Սիրել եմ՝ սերն հերեսին,  
Անթառամ թելն հերեսին,  
Ով իմ սիրածն ինձ չտա,  
Ասու կրակն հերեսին:

\*

Մեր տոնը քըրծի պաշին,  
Աչկս կալած էս մեր շաշին,  
Մթնըմ ա, տոն չի կյամ,  
Իմ ըշկերին քոն չի կյամ:

\*

Ես ղուշ եմ, թևս դեղին,  
Ման կուգամ յարիս գեղին,  
Իմ ջանը ղուրթան կտամ  
Յարիս ցավացող տեղին:

\*

Աղբերս կայնե գերանին,  
Ոսկե թուրակը բերանին,  
Տափակ ջահուկ եմ գործե,  
Դնեմ չուխի բերանին:

---

Հերեսին — երեսին

Ասու - աստծու

Տոնը — տունը

Քըրծի պաշին — քերծի գլխին

Թուրակ — շվի

\*

Խաղ եմ ասում խաղի գլխին,  
Բլբուլենց բաղի գլխին,  
Գիշերները խաղ եմ ասում,  
Ցերեկները տաղ եմ ասում:

\*

Կայնել ես վարդի հովին,  
Քամին տա կրծքիդ մովին,  
Երեսիդ շողին մեռնեմ,  
Աչերիդ կապույտ ծովին:

\*

Արև դիպավ մեր պատին,  
Ոչ օղորմի մեր տատին,  
Էս լեն ու բոլ աշխարհքին,  
Մեզ էլ տվեց աղքատին:

\*

Կապույտ քուռակ մըջ խամին,  
Ոտս դրի վըր գեմին,  
Ես սիրել եմ, ես կառնիմ,  
Ի՞նչ բդի էնա ամին:

\*

Այեր էնեմ օրորոցին,  
Իմ անուշիկ գրկանոցին,  
Օրորոցի բնդեր խառ ա,  
Մըջի քնող պստի գառ ա:

-----  
Խամ — անմշակ հող

Գեմ — սանձ

Ամի — հորեղբայր

Այեր էնեմ — նանիկ ասեմ

Գրկանոց — գրկի երեխա

Բնդեր — կապեր

\*

Ջեյրան թոփեր կապեցին,  
Կարսա վրեն թափեցին,  
Կարսա բոլոր խանդաք ա,  
Մեջը հազար ջանդակ ա:

\*

Ծաղիկ ես բաղի միջին,  
Կաքավ ես քարի միջին,  
Երգում ես բաղի միջին,  
Կրակը սրտիդ միջին:

\*

Յարս կայնեց կամրջին,  
Ոսկե գնդերն անգջին,  
Ուսին գցել յափնջին,  
Խաբար տարեք գոքանջին:

\*

Մանդարինին դերևնին  
Տեղնին-տեղնին չին թապիլ,  
Մեր կեղի աղջկնին  
Խոսք գուդան ու չին խապիլ:

\*

Արևից հով կընգնի,  
Երդիկից շող կընգնի,  
Իմ յարին միշտ հիշելիս  
Աչքերես ցող կընգնի:

\*

Ջաղացս մանի-մանի,  
Շեկ աղջիկ հաց կտանի,  
Մեկ կքելա, մեկ կկայնի,  
Խելք ու միտքս կտանի:

\*

Մաղն առա գացի ցանի,  
Ջերես մի խնձոր հանի,  
Տեսա՛ յարս ընդեղ չի,  
Արտիցս խոր ա՛խ հանի:

\*

Շիվ-շիվ գտակ Շիրվանի,  
Քամին թել-թել կտանի,  
Մի մեղք դրեք, մեր ու քուր,  
Սերը յաման կտանի:

\*

Մազեր ունեմ ծիրանի,  
Չեմ տա հազար թումանի,  
Կտամ մի բազրգյանի,  
Գնե դութիկն ու տանի:

\*

Ծամըմ ունեմ ծիրանի,  
Քամին թել-թել կտանի,  
Տանենք դնենք դիվանի,  
Ով կսիրի, թող տանի:

\*

Աղջիկ ունեմ նմանի,  
Չեմ տա հազար թումանի,  
Կտամ մի բազրգյանի,  
Գնի ձիուն ու տանի:

\*

Մատումս կա մատանի,  
Համ թառ ա, համ ծիրանի,  
Եկեք քինանք դիվանի,  
Ով կսիրի, նա տանի:



\*

Մեր դռանը ծիրանի,  
Խուրմեն ինչպես Իրանի,  
Ով որ սիրե ու առնի,  
Երան հազար երանի:

\*

Նանի, նանի, այ նանի,  
Գուլպես քաշի, այ նանի,  
Կաց Դվալը անց կենամ,  
Ծափ ու ծիծաղ, ջան նանի:

\*

Աղջիկը նանին հաց տանի,  
Սինձը քաղի, դաստ անի,  
Տենա՛ նանը տանը չի,  
Ձեռին բռնած դուրս տանի:

\*

Վարդի թփին փուշ կըլնի,  
Վատը լավին դուշ կըլնի,  
Երանի էն աղջկան,  
Որ իր յարին թուշ կըլնի:

\*

Սարը սարին թուշ կըլնի,  
Սարի գլխին դուշ կըլնի,  
Յարը յարին որ տեսնի,  
Սիրտը աջմիշ կըլնի:

\*

Բաղում ծիրան կլինի,  
Ուտող բերան կլինի,  
Մեծ ախպեր ջան, առանց քեզ  
Բաղը վերան կլինի:

---

Դվալ — լեռնանոցք

Դուշ, թուշ — զույգ

Աջմիշ կըլնի — կթրթռա

\*

Ալուր մաղիմ, թեփ գըլի,  
Թաթառլումն եփ գըլի,  
Թաթառլումին ումուդին  
Թըմպալ մաշտը չոփ կըյնի:  
(Ալուր մաղեմ, թեփ կլինի,  
Թաթառլումը եփ կլինի,  
Թաթառլումի հույսին  
Ծուլլ մարդը վեր կընկնի):

\*

Չայնիգը կապաղ չունի,  
Գնկարը փափախ չունի,  
Գնկագինը բայն էլավ,  
Գնկարը խաբար չունի:  
(Թեյնիկը կափարիչ չունի,  
Կնքահայրը փափախ չունի  
Կնքակինը պարի էլավ,  
Կնքահայրը լուր չունի):

\*

Կաքավը քարին բուն չունի,  
Որբ աղջիկը տուն չունի,  
Ինձ նման սևաբախտը  
Գիշերներն էլ քուն չունի:

\*

Ա՛յ տղա, հոտով-մոտով,  
Հերիք անցնես իմ մոտով,  
Կդառնամ, զարկեմ նետով,  
Արյունդ կանեմ գետով:

\*

Ծաղիկ ես հոտով-մոտով,  
Եկա անցա քո մոտով,  
Սիրեցի, յար, ես քեզի,  
Աչքս մնաց կարոտով:

\*

Վարդ եմ քաղե մաղերով,  
Վեր եմ դրե շաղերով,  
Հրես եկավ իմ ախպերս,  
Ալ ձին տակին խաղալով:

\*

Բաղըմ ունիմ բաղերով,  
Մեջը լիքը գառներով,  
Գառները մատաղ կանեմ  
Ազիզ ախպորս ձեռներով:

\*

Թոռ ա կյամ շըղալավ,  
Կանաչ տիրև տուղալավ,  
Հրես կյամ ա իմ ախպեր,  
Սև ծին տակին խըղալավ:

\*

Կետ ա քինում չափ տալավ,  
Ջուխտ խնձորին ծափ տալավ,  
Հրես եկավ իմ ախպեր,  
Թաշկինակը թափ տալավ:

\*

Անձրև ա կյալի շաղերով,  
Մանրատիրև դողալով,  
Արի քինանք խաչ նշան,  
Իմ մատանին քեզ նշան:

\*

Օրը տաք ա, թոռ չկա,  
Արտըմս ալ հասկ չկա,  
Տանս մեջին հաց չկա,  
Դարդիս դարման անող չկա:

\*

Թոնդիր վառեմ, ցան չկա,  
Ապուր եփեմ, թան չկա,  
Կորի գնա, շան տղա,  
Քու տունդ գդալըմ չկա:

\*

Ծաղկավանք ծաղիկ չկա,  
Իմ յարին մայրիկ չկա,  
Իմ յարի մերը խորթ ա,  
Վախենամ ընձի մորթա:

\*

Ջրերն ելան, տեղ չկա,  
Ջրերին կամուրջ չկա,  
Ես մի անբախտ աղջիկ եմ,  
Ուր որ գնամ, ճար չկա:

\*

Ալադաղեն խով գիքա,  
Իմ աչքերուն քուն չիքա,  
Յարս ֆիդայ ա դառե,  
Սար ու ձորեն տուն չիքա:

\*

Մանգաղները սրեծի,  
Ցորինները քաղեծի,  
Ախճիգ, քու սիրուն ճագդիս  
Օսկիները շարեծի:

\*

Մընի, մընի, մոնեծի,  
Օսկի թելը կոյձեծի,  
Օնուշ-օնուշ խոսելըն  
Յարիս սիյդը շինեծի:

(Մանի, մանի, մանեցի,  
Ոսկի թելը գործեցի,  
Անուշ-անուշ խոսելով  
Յարիս սիրտը շահեցի):

\*

Գաղնի ճուխկը ձռեծի,  
Չավրաս դագը փռեծի,  
Էլի, հայի չաշեծի,  
Քեզի նամագ կրեծի:

\*

Ելա սարը աշեցի,  
Կարթի սերը քաշեցի,  
Ելա սարը, սար տեսա,  
Խաս շորերով յար տեսա:

\*

Այ սառն աղբյուր, զոլլալ ջուր,  
Հեր ու մեր, աչքերդ կուր,  
Հարուստ տեղին միք նայիլ,  
Տղին տես՝ աղջկանդ տուր:

\*

Բարակ առու, զոլլալ ջուր,  
Աղջի, դառի ջուղաբ տուր,  
Թե առնում ես, ումուդ տուր,  
Թե չես առնում, թարգը տուր:

---

Չավրա — չարսավ, սափան, ծածկոց

Էլի — օտարի

Ջուղաբ — պատասխան

Ումուդ — հույս

\*

Տղա, բուռըմ հատիկ տուր,  
Աչքիդ տըկով մտիկ տուր,  
Էդ էլօղլու վատ խոսքը  
Վերցրու ու պատով տուր:

\*

Ա՛յ տղա, հիլ անիլ տուր,  
Մատնաչափ գիր անիլ տուր,  
Ինձնից էլ քեզ ճար չկա,  
Քյաքուկդ վեր անիլ տուր:

\*

Ջաղացը կաղա ալյուր,  
Դուշմանի դուռը մալուր,  
Յոթը հարս որ ունենան,  
Չտեսնեն քյորփա բարուր:

\*

Բաղչի մեջը պաղ աղբյուր,  
Ա՛յ տղա, արի, տար քո քուր,  
Քո քուրն ընձի հավան չի,  
Տար ընձընից լավին տուր:

\*

Ծառի տակին կա ախպուր,  
Էրծաթե ջամ, ոսկե ճյուր,  
Մինը ես խմեմ, մինը տյու,  
Անուշ կենանք ես ու տյու:

\*

Գյանջից էկավ բեռըմ նուռ,  
Էկավ հիճավ ժամու դուռ,  
Ժամու դռան ավելը,  
Ես էլ ջոկի լավերը:

Մալուր -- տխուր, մոլոր

Ջամ — թաս

\*

Տանք իմ էնե ես բուռ-բուռ,  
Անձրևու տեր, անձրև տուր,  
Իմ ձժերուն օր խղճաս,  
Մադադ կառիմ գամ քու դուռ:

\*

Ջրի ես կուռն, էն կուռը,  
Քաղել եմ փեշով նուռը,  
Փեշով նուռը ինչ կանեմ,  
Ինձ տարեք խանի դուռը,  
Խանի շհարը թող փով գա,  
Բալքյամ իմ յարը տուն գա:

\*

Կանգնեմ գետի էն կուռը,  
Կքաղեմ դաստով ուռը,  
Թե որ սիրա՞ծս ինձ չտան,  
Կքաշեմ խանի դուռը:

\*

Աղջիկ եմ, ալս քեզնեն,  
Քար ու չախմախս քեզնեն,  
Մեռնիմ, եղնիմ գերեզման,  
Սերս չի կտրի քեզնեն:

\*

Ելել եմ Հասան-Ղալեն,  
Քաղել եմ դաստա լալեն,  
Ի՞նչ անեմ դաստա լալեն,  
Խորունկ ա սրտիս յարեն:

---

Շհար — քաղաք

Բալքյամ — գուցե

Ալս քեզնեն — լավ օրս քեզանից

Լալա — կակաշ

\*

Յարդ ա կայնե քուչեն,  
Աղջի, թափ տու եդ քեչեն,  
Էդ քու արած դարդերը  
Հարցրու սրտիս մեջեն:

\*

Էրկանքը աղի վրեն,  
Շամամը թաղի վրեն,  
Մեկ շամամ եմ, մեկ թաղ եմ,  
Ոչ մեռած եմ, ոչ սաղ եմ:

\*

Արև եմ՝ սարի վրեն,  
Մամուռ եմ՝ քարի վրեն,  
Օխտը խանա խաղ գիտեմ,  
Օխտն էլ իմ յարի վրեն:

\*

Հելիմ էրթամ սար սնձի,  
Ախչի, պաքըմ տուր ընձի,  
Գիշեր-ցերեկ քե խեդ եմ,  
Վայ թե ցնդըցուս ընձի:

\*

Բուրդ պիրեք, պեծինք անենք,  
Ուխտերը պեռնենք, տանենք,  
Թոփս դոչը մատաղ անենք,  
Ոսկոռը չարդափս անենք:

\*

Ծարավալ եմ, ճուր պերեք,  
Խոտու ձորան հուն պերեք,  
Արևն էրեց, խրովեց,  
Ղալուջան էլ ձուն պերեք:

---

Ղալուջա — սարի անուն է

Ձուն — ձյուն



\*

Վարտերը քաղել դվի,  
Ջերմագ ձին նալել դվի,  
Հերիկ վույիս, ախճիգս,  
Խաս շորեյո գարել դվի:  
(Վարդերը քաղել տվի,  
Ճերմակ ձին պայտել տվի,  
Հերիք լաս, աղջիկս,  
Խաս շորերո կարել տվի):

\*

Մեր թաղը նռնի դրկի,  
Նամակս գրի, դրկի,  
Բան է, թե թուղթ չճարես,  
Տերևին գրի, դրկի:

\*

Մի ծառ ունեմ թբլդի,  
Պտուղն էր օձի լեղի,  
Իմ հորն ու մորն ինչ ասեմ,  
Ինձ տվին դարիք տղի:

\*

Էս սարը մեզի-մեզի,  
Չիավոր, մեռնեմ քեզի,  
Ծոցիդ թասով ջուրըմ տուր,  
Մեծընամ, կառնեմ քեզի:

\*

Քամին եկավ հավալու,  
Աղջի, դու ես նշանլու,  
Եկան քեզի տանելու,  
Բոխչեդ մնաց կապելու

\*

Ծիրանի ա, սալորի,  
Ախչի, մազո ոլորի,  
Ով որ սիրի ու չառնի,  
Հոգին փորում մոլորի:

\*

Էստեղ խնոցի հարի,  
Տղա, մեր դռնով արի,  
Մեկ աչքս բոյիդ առնի,  
Նոր աստված հոգիս առնի:

\*

Մազերս թափ եմ տալիս,  
Ձեռքերս ծափ եմ տալիս,  
Գցել եմ էսօր-էգուց,  
Գալողին խափ եմ տալիս:

\*

Վարսերդ թափ ես տալիս,  
Ձեռքերդ ծափ ես տալիս,  
Էսօր-էգուց ասելով  
Ամեն օր խոսք ես տալիս:

\*

Յեշում ըմ, ըրևում չի,  
Ծառերը տիրևում չին,  
Քանի վախտ ա տեսնում չիմ,  
Խելքս էլ կլխուանս չի:

\*

Քարափի ծերեն կանչի,  
Թող թշնամին ամաչի,  
Բոյիդ մեռնեմ, յարո ջան,  
Չինարի պես կանաչի:

\*

Բաղըմս կա բաղմանչի,  
Շւք շւին նման չի,  
Թաղ ու թառակ տյուս տառան,  
Մինն էն յարին նման չի:

\*

Աչքերդ բիւոր-բիւոր,  
Ինչ ման կուգաս իմ բուր,  
Մեռնիմ բիւոր աչքերիդ,  
Երեսս կաշեսս խուռ:

\*

Սարից ելավ ձիավոր,  
Սաղմոսը ծոցին սովոր,  
Սաղմոսը վարդ էր դարձել,  
Լեզուն բլբուլ էր դարձել:

\*

Ընկա արտը, բռնի լոր,  
Աղջիկ տեսա յայլի ձոր,  
Հագած-կապած ման գուքար,  
Նման էր կարմիր խնձոր:

\*

Ուռի ծառին բար չինիլ,  
Տափը բարավ վար չինիլ,  
Էն աստուցը, էն արնը,  
Սիրու տերին ձար չինիլ:

---

Շւ — շիւ

Բիւոր — կուր

Թաղ ու թառակ — ողջ թաղը

խուռ — խոժոռ

Բար — պտուղ

Չինիլ — չի լինի

\*

Էլման էգալ մե գարուն,  
Լազլագ հիշալ վըր ուր բուն,  
Ճամփուր կիշկիմ, թառլան յար,  
Հորի հեռվից չիքաս տուն:

\*

Տերդեր կայնե մըչ ժամուն,  
Բուրվառ կիրա հն քամուն,  
Օրշնաձ մե բան ա սերդե,  
Ալելու, հն ալելու:

\*

Ֆալաքն ընձի ալ էրեց,  
Բլբուլ լիզուս լալ էրեց,  
Ես ինչ ասեմ ֆալաքին,  
Ընձի դարբեդար էրեց:

\*

Ձեթ եմ առել լիսացու,  
Կանաչ դըրմա քիսացու,  
Դու իմ նանին հարսնացու,  
Ես քու նանին փեսացու:

\*

Սարից ելալ երկու մուխ,  
Մեկը հանգալ, մեկը ծովս,  
Կորցրել եմ լաչին քուր,  
Քիթը կալնած, վարսքը թովս:

---

Լազլագ — արագիլ

Դարբեդար էրեց — սարեսար գցեց

Լալ էրեց — լեցրեց, համրացրեց

Ֆալաք — ճակատագիր, բախտ

Դըրմա — կտորի տեսակ

Լաչին — բարձրահասակ, գեղակազմ

\*

Գուրջի Ալեք յեներալ,  
Էգալ կայնա՛վ Բրսոյ կալ,  
Ասկյար քընց շուն կփախի,  
Մըչ ընդոց էլ չկա հալ:

\*

Ջաղացս կաղա ալուր,  
Դուշմանի սիրտը մալուլ,  
Ես եմ սիրել, ես կառնեմ,  
Թող հետը բերի բալուլ:

\*

Ջաղչի դուռը բուռ կանանչ,  
Յար, դ՞որ կեթաս անձանանչ,  
Դոր որ էթաս՝ հետդ եմ,  
Ալ խնձոր եմ, ջերդ եմ:

\*

Սարեն եկա՛վ երկու ղոչ,  
Մինը փնջած, մինը՝ ոչ,  
Աստված, դիվանիդ մեռնեմ,  
Մեկին կտաս, մեկին՝ ոչ:

\*

Բարի լուս ջան, բարի լուս,  
Աստված պախա մեր էրկուս,  
Ձեռ տանք ձեռի, հելնենք դուս,  
Դուշման տենա, կտրի լուս:

Յեներալ — գեներալ

Մալուլ — տխուր

Բալուլ — բարուր

\*

Կետի են ղուլը յըղնծաղիկ,  
Էս մի ղուլը տըղնծաղիկ,  
Խախալ պիրեք, պտուտ տամ,  
Ես իմ յարին մտիկ տամ:

\*

Վրցակը բաղումը,  
Վնդերը շաղումը,  
Ես մի փունջ մընեշակ պտի  
Իմ ախպոր փըփախումը:

\*

Օչխարը քաշեցին դուլը,  
Ջոկեցին դարագյոզը,  
Ղրկե փեշկիրդ, լվամ,  
Առնեմ քյանքուլիդ թոզը:

\*

Թոխալը կալեց ձորերը,  
Կուրցրալ եմ հուլերը,  
Իմ մարթս տանը նստած,  
Ես ինգալ եմ չուլերը:

\*

Արի, յար ջան, արի,  
Գնանք սարերը,  
Ես պահեմ ոչխարը,  
Դու՝ մանդր գառները:


---

Խախալ — մեծ անցքերով մաղ

Վրցակ — աքլոր

Վնդերը — ոտքերը

Շուլ — ուլ





## ԵՐԿԻՆՔ ԵՎ ԱՍՏՂԵՐ

\*

Խալիչա ունեմ,  
Թափ տալ չի լինի,  
Ոսկի ունեմ,  
Համրել չի լինի:

\*

Մենձ տուն,  
Հազար ճրագ,  
Ոչ սին ունի,  
Ոչ գերան:

\*

Գոմշի կաշին ծալվիլ չի,  
Խուրդա փողը հըմբրվիլ չի:

## ԱՐԵՎ ԵՎ ԼՈՒՍԻՆ

\*

Այ լարի-լարի,  
Երկու կաքավ  
Գնում են, գալի:

\*

Մեզ թավի մեջ  
Էրգու ձու էր:  
Մեզը տաք էր,  
Մեզը պաղ էր:

\*

Էրկու ձուկ՝ մեկտեղ տապկուգ,  
Մեկ ունի պաղ երես, մեկ էլ՝ կրակ երես,  
Մեկ կփռչա պաղուկ-պաղուկ,  
Մեկի աչքեր՝ կրակ-վառուկ:



## ԱՐԵՎ

\*

Տաքացնըմ ան  
Կրակ չի,  
Լիս ա տալի՝  
Լամփա չի:

\*

Պլուլիկ ան ակ չի,  
Կարմրած ան շաջ չի,  
Լիս ա տալի՝ ճրաք չի:

\*

Կարմիր բաղարձ,  
Հըզարի առաջ:

\*

Ինձ յեշես՝  
Աչքերդ ծղկոտեմ:

## ԱՐԵՎԻ ՃԱՌԱԳԱՅԹ

\*

Ավլած, իստկած,  
Ոսկի սուլնն էլ  
Մեջը տնկած:

\*

Ինչ թուր ա.  
Գլխիդ ընգնի՝  
Կտրիլ չի:

\*

Օճորքիցը մտավ ներս,  
Թե՛ որ կարամ կրռնես:

\*

Թուրը վեր ընկավ,  
Ձեն չեղավ:

\*

Հոս պուպուս,  
Հոն պուպուս,  
Երթիկից դուս:

Պլուլիկ — կլոր

Շաջ — բով, որի վրա հաց են թխում

## ԼՈՒՍԻՆ

\*

Սարի հետև թասով մածուն կա դրած:

\*

Երեսուն օր ապրում ա ու մեռնում,  
Էքսի օրը թագա ծնվում ա:

\*

Տասնհինգ թոնրից  
Մի կրկենի ա տառնում:

\*

Քրիստոսից աղաք ա ծնվել,  
Համա երեսուն օրական ա:

## ԼՈՒՍԻՆ ԵՎ ԱՍՏՂԵՐ

\*

Կարմիր թուխս,  
Հազար ճուտ:

\*

Մի հովիվ կա,  
Ոչխարներին գիշերն ա արածացնում:

\*

Չորանը ոչխարի սուրուն տանում ա ծովը:

## ԱՍՏՂԵՐ

\*

Ցերեկը քուն են ըլում,  
Քշերը՝ գարթնում:

\*

Մաղում չորթանը  
Դրինք երդիկը,  
Առտուն ելանք՝  
Բանում էլ չկար:

## ՏԱՐԻ, ՏԱՐՎԱ ԱՄԻՍՆԵՐ

\*

Տասներկու մոզի  
Անցան առանց թոզի:

\*

Մի ծառ կա,  
Կրեն տասներկու ճյուղ,  
Չորս նուռ:

## ՇԱԲԱԹ, ՇԱԲԱԹՎԱ ՕՐԵՐ

\*

Մի քիր են,  
Օխտը ախպեր:

## ՕՐ, ՑԵՐԵԿ, ԳԻՇԵՐ

\*

Մի խնձոր,  
Կեսը՝ սպիտակ, կեսը՝ սև:

## ԳԻՇԵՐ

\*

Սև արաբը գեղը մտավ,  
Գեղը վախից տեղը մտավ:

\*

Սև սատանեն պեխն օլորեց,  
Հազար-հազար մարդ գլորեց:

## ԱՄՊ

\*

Թռչում ա՛ն դուռ չի,  
Թրջում ա՛ն ջուր չի:

\*

Մի էրզան սփռոց ունիմ,  
Ինչքան ուզես ծալ քցիմ՝ կարալ չիս:

## ՕՂ

\*

Փչես՝ կերթա,  
Բայց բռնել չես կարա:

\*

Քյնըմ ա, քյնըմ,  
Էլ ետ չի կյալի:

ՈՐՈՏ, ԱՄՊ,  
ԱԼՁՐԵՎ, ԿԱՅԾԱԿ

\*

Գոռըմ ա՛ բուղա չի,  
Կաթն ա տալի՛ կուվ չի,  
Բոց ա տալի՛ քուրա չի:

ՄԱՌԱԽՈՒՂ

\*

Վետ չունի՛ ման ա կյալի,  
Բերան չունի՛ կուվ ա տալի:

\*

Ելա լեռը, քաշի թելը,  
Թափավ խոշոր սիսեռը:

## ՔԱՄԻ

\*

Քյնըմ ա, քյնըմ,  
Հետքը կա վեչ,  
Կոտորում ա, կոտորում,  
Արուն կա վեչ:

ԿԱՅԾԱԿ

\*

Մըխ գարգեմ տանիս,  
Ձեն կերթա Թիֆլիս:

ԾԻԱԾԱՆ

\*

Սիրուն կամար,  
Երկնքի քամար,  
Հասնողին նամար:

ԿԱՐԿՈՒՏ

\*

Պզտի-պզտի մանչեր էկան,  
Արտի վրա տոճիկ տվին:

Մըխ — մեխ

Տանիս — տանիք

Նամար — նվեր

\*

Թըխ, թըխ, տախտակ,  
Հերկեն վիզ լազլազ,  
Շալե շապիկ ծակծակ:

\*

Էլանք պերթ,  
Պարցանք սիսեռ,  
Կտրավ լարան,  
Թափավ սիսեռ:

\*

Եստիմ հով,  
Կթիմ կով,  
Ջմպիկ զարկեմ,  
Ընկնեմ ծով:

### ԱՆՁՐԵՎ

\*

Էռնունծը ձնվի գու,  
Խողին թաղվի գու:  
(Երկնքում ծնվում է,  
Հողում՝ թաղվում):

### ԶՅՈՒՆ

\*

Կգա աղի պես,  
Կնստի փաշի պես,  
Կերթա բոշի պես:

\*

Երկնքից իջավ մի դուռ,  
Ոչ բերան ունի, ոչ էլ փուռ:

\*

Առավոտ ելա, էլըմ տեսա,  
Ջարմանալի գեղըմ տեսա.  
Ինքը ծնավ, ինքը կերավ:

## ԱՅԳԻ

\*

Մի կով ունեմ՝ հանդըմն ա,  
 Պոզերն Սպահանըմն ա,  
 Տարին մի հետ կիթ կտա,  
 Էն էլ հա՛ հանդըմն ա ու հանդըմն ա:

## ԾԱՌ

\*

Քյնըմ ա, քյնըմ,  
 Տյառ իրան տեղն ա:

\*

Գլխիտ վերս  
 Հազար տերև:

\*

Ծմեռը տաքացնելի,  
 Կյարունը ուրախացնելի,  
 Ամառը խովացնելի,  
 Աշունը կշտացնելի:

## ՀԱՃԱՐ

\*

Երկու խոխա,  
 Մի չոխա:

## ԵՈՒՌ

\*

Մանրիկ-մանրիկ եկեղեցի,  
 Դանկով զարկի, դուռը բացի,  
 Մեջը սիրով համբուրեցի:

\*

Պիծի պտրիանը  
 Շեղճովը լիքը:

\*

Կարմիր հինեմ,  
 Կանաչ գործեմ,  
 Կարմիր կտրեմ:

\*

Ուլուլիկ-պուլուլիկ,  
 Մեջը լիքը շողան ուլինգ:

Չոխա — բարուր

Պիծի — փոքր

Պտրիան — որմնախորշ

Պուլուլիկ — փոքրիկ, սիրունիկ

Ուլինգ — ուլունք

## ԸՆԿՈՒՋԵՆԻ ԵՎ ԸՆԿՈՒՅՁ

\*

Ծիից մեծ,  
Ծվից կուճուր,  
Կաթից անդուշ:

\*

Դավին նանա մըծ,  
Ծըվին նանա կուճի:

## ԸՆԿՈՒՅՁ

\*

Մի թոռոն, էրկու հաց,  
Միեւ մի չուլ մեծ կուտ:

\*

Մութը խորան,  
Ջուխտ ավետարան:

## ԿԱՂԻՆ

\*

Պիճի կճուճ,  
Համով ապուր:

## ԹՈՒՋ

\*

Ծառի վրա կորեկի հոր:

## ՓՇԱՏ

\*

Կարած պարկ,  
Արավ լիբը:

\*

Ամբարըմ ալուր ունիմ,  
Ջաղաց մտած չի:

Թոռոն — թոնիր

Պիճի — պուճուր, փոքր

\*

Կտորըմ փետ տաշած,  
Բուռըմ ալուր կպցրած,  
Կարմիր շորեր հագցրած:

\*

Անտաշել փետից,  
Անմաղել ալրից՝  
Անգործել ատլաս:

\*

Մի վըրթանակ՝  
Չորս թարափը ալուր:

### ԼՈՒԻ

### ՍԻՍԵՌ

\*

Պզդի, պզդի մարդիկ  
Հագան սև-սև վարտիք,  
Մտան տաք-տաք բաղնիք:

\*

Մի կուճուր մարթ՝  
Քիթը կեռ:

### ՏԱՔԴԵՂ

\*

Պուպկիկ տունիկ,  
Մեջը տաջիկ:

\*

Կարմիր հալավ,  
Կրակ ու ալավ:

### ՉՄԵՐՈՒԿ

\*

Չի մի ունիմ կանաչ-կանաչ,  
Չունի բերան, չունի անգաջ,  
Ջուր կխմա երկար կաբեն,  
Ու կուրխնա իմ մենձ պաբեն:

\*

Նայում եմ կանաչ ա,  
Կտրում եմ կարմիր ա,  
Մեջը լիքը սև զինվոր ա:

Վըրթանակ — գրտնակ  
Թարափ — կոշիմ  
Հալավ — հագուստ, շոր

Ալավ — բոց  
Պաբեն — պապը



\*  
Ափը կանաչ,  
Ջուրը կարմիր,  
Ձկները սև:

\*  
Չորս կուռը փակ,  
Միջին հազար ձագ:

## ԴՈՒՄ

\*  
Թալաշ-թալաշ ցունիմ գու,  
Գձիգ-գձիգ ժողվիմ գու:  
(Շերտ-շերտ ցանում եմ,  
Կծիկ-կծիկ հավաքում):

## ՄԱՍՈՒՐ

\*  
Կարմիր կոլան  
Քերծան կախ:

Չի՞ր

\*  
Չին ձորը,  
Քուռակը փորը:

## ՀՈՆ

\*  
Երկարավուն-կարմրավուն:

ԵԳԻՊՏԱՅՈՐԵՆ

\*  
Շորս կանաչ,  
Մագս ոսկի,  
Ամառը քաղի,  
Չմեռը կի:

## ԿԱՂԱՄԲ

\*  
Պառավ նստե քարին,  
Քառսուն քրքչ վր փորին,  
Էլի ասում ա՛ ես մրսա:

\*  
Պուճուր հարսը  
Քառսուն դաստա շոր ունի:

\*  
Մի կուճի պապիկ,  
Հագին հազար շապիկ:

\*

Հազար յորդոն ունի վըրըն,  
Ալի վախա գու էղիմըն:  
(Հազար վերմակ ունի վրան,  
Էլի վախենում է սառույցից):

### ՎԱՐՈՒՆԳ

\*

Ինքը իրեք ըմսեկան,  
Խոխան քյնըմ ա բազար:

### ԳԵՏՆԱԽՆՁՈՐ

\*

Գարնանը քանդեմ՝  
Վերից կախ տամ.  
Գարնանը քանդեմ՝  
Հողին պահ տամ:

### ԵՂԻՆՁ

\*

Օխտը լեզու ունի,  
Պերան չունի՝ կծում ա:

\*

Տերև ունի՝ ծառ չի,  
Կծըմ ա՝ շուն չի:

\*

Նանի, նանի, միոտանի,  
Դուրս մի ելնի՝ գել կտանի:

Հուղ — հող

Մուրուք շուղ — մորուքը դրսում

Կյուլ — գալ

\*

Հարյուր զույգ շոր հագնի,  
Առանց կոճակ:

### ՇԱՂԳԱՍ

\*

Բաբեն՝ հուղ,  
Մուրուք՝ շուղ:

### ԿԱՐՏՈՖԻԼ

\*

Գնդըլ-մնդըլ տատիկը  
Հանեց վրի շապիկը,  
Փախավ մտավ բաղնիքը:

### ՍՈՒ

\*

Չի վայիլ մոշտվողը,  
Վայա գու մոշտողը:  
(Չի լալիս մորթվողը,  
Լալիս է մորթողը):

### ՍՈՒՆԿ

\*

Մի եզնը օնիմ, մի վընդանի,  
Տուս կյա տյուռը՝ կյուլ կտանի:

\*

Հոցկա վանք,  
Թասը կործրման:

\*

Մե սնանի,  
Մե տնանի,  
Բյուր ու հազար  
Տախտկանի:

### ՍԵՐՄ

\*

Փռնեմ ափով,  
Տամ տափով,  
Մեռնի տարով,  
Հետ կյա բարով:

### ԿԱՆԵՓԻ ՍԵՐՄ

\*

Ինքը լվի մը չափ,  
Կելա գըւի դավի մը չափ:  
(Ինքը՝ լվի չափ,  
Ծլի՝ կդառնա ուղտի չափ):

### ԱՂԱՆՁ

\*

Կարմիր էծեր սև դաշտում  
Լոք-լոք են անում:

\*

Գուգ-գուգ, կըց լեսան,  
Թուփ-թուփ, կըց ալեդրան:  
(Կոկ-կոկ է, ինչպես հեսան,  
Թերթ-թերթ է, ինչպես ալետարան):

\*

Վան, Վան,  
Քառսուն քասա կոռձվան:

### ԱՐՏ

\*

Սև հինեմ,  
Սիպտակ գործեմ,  
Կանաչ չափեմ,  
Դեղին կտրեմ:

\*

Սև հինեմ,  
Կանաչ թել տամ,  
Դեղին կտրեմ:

\*

Մի կով ունեմ, կաթն ա տալի,  
Համա ինքը տուն չի գալի:

Հոցկա — այստեղ

Կործրման — շրջած

Հեսան — սրոց, սրաքար

Քասա — կավե աման

Կոռձվան — շրջած

\*  
Վարդմ չեն,  
Հնձրմ են:

\*  
Վեննավը ճուր ա խմում,  
Կնդիչավը ճտեր հանում:

## ԽԱՂՈՂ

\*  
Ինքը մին, աչքը հազար,  
Ըռավող-քշերով կերթա բազար:

\*  
Աշնանը քաղում,  
Աշնանը թաղում:

\*  
Մի բիձա կա,  
Հազար թոռ ա շղակել:

\*  
Ինքը պուճուր, աչքի դայդամ,  
Մեջը լիքը ջուր ու ատամ:

## ԽԱՂՈՂ, ՄԱՃԱՌ, ԳԻՆԻ

\*  
Մերը խելոք,  
Հերը կծպծացնելի,  
Որդին կարմրացնելի  
Ու շաշացնելի:

\*  
Ա հանդին ա, հանդին ա,  
Սպահանի հանդին ա,  
Տարենը մի հետ կիթ կըկյա,  
Տյառ հլա հանդին ա:

\*  
Կեռ հեր, կռուզ մեր,  
Մարմար խաթուն, շեկ ախպեր:

Կնդիչ — կտուց, դունչ

Ղայդամ — ձև

Կռուզ — ծուռ

Վեննավը — ոտքով

## ԽԱՂՈՐԻ ՎԱԶ, ԽԱՂՈՂ, ԳԻՆԻ

\*

Մե՛ծ պաթը,  
Խելոք տղեն,  
Գի՛ժ թողը:

### ԳԻՆԻ

\*

Սև ու ջերմագ ճրա հիլուն,  
Շաղ օր խմես, գըլլիս մայմուն:  
(Սև ու սպիտակ ջրի ուլունք,  
Շատ որ խմես, կլինես կապիկ):

### ԿՈՎ

\*

Վեր խոտ տամ  
Կաթ կտա,  
Թե ուզում ես  
Միս էլ կտա:

\*

Չորս ցեխրիչ,  
Երկու եղկրիչ,  
Մի պրպտիչ:

### ԽՈԶ

\*

Չուքը չի՛ վար ա անըմ:

\*

Հերը դուզ,  
Մերը ծուռ,  
Աղջիկը սիրուն,  
Տղեն գի՛ժ:

### ԿԱՐԱՍՈՎ ԳԻՆԻ

\*

Կարմիր կովը  
Գետնի տակին բառաչքմ ա:

\*

Չորս ցեխրիչ,  
Չորս եղկրիչ,  
Երկու ցիցիկ,  
Մի տմբտմբիչ:

### ԿՈՎ, ՀՈՐԹ, ԿԹՎՈՐ

\*

Երեք կլխանի,  
Տաս ոտանի,  
Երկու ծեռնանի:

### ՈՒՂՏ

\*

Ինքը՛ սարի վրա,  
Սարը՛ իրա վրա:

## ԱՅԾ

\*

Գողեշ ունի՝ գով չա,  
 Միրուկ ունի՝ դերա չա:  
 (Կոտոշ ունի՝ կով չի,  
 Միրուք ունի՝ քահանա չի):

## ՈՉԽԱՐ

\*

Շահեցի, պահեցի,  
 Պահեցի, խնամեցի,  
 Վրայի խոտը քաղեցի,  
 Տակի հախապրից խմեցի:

\*

Արտը հնձեցի,  
 Ծղնոտը փախալ:

## ՉԻ ԵՎ ՉԻԱՎՈՐ

\*

Չորս ոտը հողին,  
 Երկուսը՝ կողին:

## ՍՄԲԱԿ ԵՎ ՊԱՅՏ

\*

Մսի պուլիկ,  
 Երկաթի սերեկ:

## ԱՔԱՂԱՂ

\*

Մի թաքավոր կա,  
 Քառասուն կնիկ ունի,  
 Կարմիր թագիկ ունի,  
 Դեղին ոտիկ ունի:

\*

Մի ալլամաթ ա,  
 Ծեն ա հանրմ,  
 Լյուզուն՝ վուսկեռից,  
 Կատարը՝ կյաթից:

## ԱՔԼՈՐԻ ԿԱՏԱՐ

\*

Առանց դանակ խախտրած:

\*

Առանց ներգի ներգած,  
 Առանց դանգի բռթբռթած:

## ՔԱՐԱՃԻԿ

\*

Կաշին՝ միջի կռանը,  
 Միսը՝ դրսի կռանը:

Ալլամաթ — ալլանդակ

Վուսկեռից — ոսկորից

Ծղնոտ — ծղոտ

Կյաթից — գաթայից

Սերեկ — կափարիչ

## ՁՈՒ

\*

Ներսը՝ ալթուն,  
Տուսը՝ այձատ:  
(Ներսը՝ ոսկի,  
Դուրսը՝ արծաթ):

\*

Ըրծաթի տուն,  
Տեղին հարսը միջին քուն:

\*

Մի պուտկի մեջ՝  
Էրկու տեսակ ջուր:

\*

Մի ճաշ կա,  
Էփիլիս ինչքան ուզում ես աղ արա,  
Մենակ վեր ուտիլիս ըլիս,  
Էլետ աղ դես անիլ:

\*

Ոհլուլիկ-պուլուլիկ,  
Ոչ դուռ ունի, ոչ կտուր:

\*

Անծակ պուլիկ:

## ՀԱՎ ԵՎ ՁՈՒ

\*

Շնչավորից անշունչ ելավ,  
Անշունչից՝ շնչավոր:

## ՄՈՒԿ

\*

Սուլիկ-պուլիկ,  
Թախտի տակի փահլևան:

## ԱՂՎԵՍ

\*

Կուճի գազան,  
Թայդի վազան,  
Քուրքը դեղին,  
Շատ ա սիրում  
Հավի ցեղին:

Պուլուլիկ — կլորիկ, սիրունիկ

Թայդի — արագ

Սուլիկ-պուլիկ — ճարպիկ

ՈՋՆԻ

\*  
Ինքր միս ա,  
Շորը փուշ ա:

\*  
Քոսոտ թուլան՝  
Ասեղով պեռնած:

\*  
Ման ա կյալի կամաց-կամաց,  
Մի շալակ փուշ վրեն առած:

ՕՁ

\*  
Ինչ թուկ ա,  
Ինքն ա վրիդ փթաթվում:

\*  
Էրգյան հըղե,  
Փորը լըղե:

\*  
Ոլոր-մոլոր, նախշուն պարան,  
Ոչ դին ունի, ոչ էլ իման:

ՄՐՋՆԱՆՈՅ ԵՎ ՄՐՋՅՈՒՆՆԵՐ

\*  
Տուն մի ունիմ,  
Մեջը հազար մարդ կմտնի-կեւնի,  
Հըմը մի խորոմ խոտ չի դրվի:

\*  
Ըստից չուր երևան,  
Քառսուն քուռակ մե լման,  
Հըմեն անչուլ, անչվան:

\*  
Ըստեղից մինչև վան,  
Վանից չուր Ոստան,  
Անչուլ, անչվան,  
Չադր զարկե, նստե դիվան:

\*  
Կապըմ եմ՝ կապ չի գիդըմ,  
Մորթըմ եմ՝ արին չի քյնըմ:

\*  
Մի խորոմ խոտ չի տանի,  
Համա հազար կենթանի շունչ կտանի:

Հըղե — ճանապարհ  
Լըղե — թույն, լեղի  
Դին — հազատ  
Իման — դավանանք

խորոմ — խուրձ  
Անչուլ — տկլոր  
Չադր — վրան



## ՁՈՒԿ

\*

Աշխարքին սիրելի եմ,  
Աշխարք մտնեմ՝ կմեռնեմ:

\*

Լեսան,լեսան, փըխտան,  
Գեղով անցավ, չտեսան:

## ԲՋԵՋ

\*

Պոզեր ունի՝ եզ չի,  
Թւեր ունի՝ թռչուն չի:

## ԿՐԻԱ

\*

Պլուլիկ ան քար չի,  
Չու ա ածըմ՝ հավ չի:

## ՄԵՂՈՒ

\*

Ուզ կերթամ, դուզ կերթամ,  
Սար ու ձոր դուզ կերթամ:

\*

Թռնում ա, թռչուն չի,  
Կուճի ա, մրջուն չի:

\*

Կով ունեմ անի-անի,  
Պտուկները թաթար խանի,  
Կաթ կտա, տուն չի գա,  
Սարեր, ձորեր ման կգա:

## ԽԽՈՒՆՋ

\*

Գողեշ ունի՝ գով չա,  
Կիր գընա՝ վարդաբեդ չա:  
(Կոտոշ ունի՝ կով չի,  
Գիր է անում՝ վարդապետ չի):

\*

Չառը կելլա՝ մաշտ չա,  
Կիր կըրա գու՝ վարժաբեդ չա,  
Գողեշ ունի՝ եզ չա,  
Սամար ունի՝ ծի չա:  
(Ծառ է ելնում՝ մարդ չի,  
Գիր է գրում՝ վարժապետ չի,  
Կոտոշ ունի՝ եզ չի,  
Թամբ ունի՝ ձի չի):

## ԳԼՈՒԽ

\*

Մի ծառ ունիմ ջճան ա,  
 Ջճնի տակը՝ մեյդան ա,  
 Մեյդնի տակը՝ խայլի ա,  
 Խայլու տակը՝ գուռնա ա,  
 Ջուռնի տակը՝ մարագ ա,  
 Մարագը լիք ուրնագ ա:

## ԳԼԽԻ ՄԱՋԵՐ

\*

Մի խուրձ խոտ ունիմ,  
 Ոչ մի հայվան ուտիլ չի:

### ԲԵՐԱՆ ԵՎ ԼԵՋՈՒ

\*

Մի մեծ կիռլ,  
 Դավիթը մաշին քոն:

Մի խոխա մի պյանուա  
 Տինգիր ա տալիս:

\*

Մի արտ ունեմ,  
 Ոչ ցանըմ եմ, ոչ հնձըմ:

### ԴԵՄՔ

\*

Մի քոլուտ,  
 Քոլուտի տակին՝ մի տափ,  
 Տափի տակին՝ մի թումք,  
 Թմքի տակին՝ ձոր:

## ԲԵՐԱՆ ԵՎ ԱՏԱՄԵՐ

\*

Մե տուռնանի կյարմուր տոն ա,  
 Մեջը լցրած սիպտակ տաշեղ:

\*

Մե հոր,  
 Երեսուներկու զինվոր:

\*

Կյարմուր պուլիկ,  
 Մեջը պրինձավ լցած:

\*

Մի քսակ՝  
 Պրինձավ լցած:

Ջճան — խճճված

Մեյդան — հրապարակ

Խայլի — հայելի

Կիռլ — հողիկ, քարայր

Մաշին քոն — մեջը քնած

Քոլուտ — մացառուտ

Տափ — գետին, մարգագետին

## ԱՏԱՄՆԵՐ ԵՎ ԼԵԶՈՒ

\*

Սիպտակ ճաղերով հեսար,  
Կարմիր շունը միջին կապած:

\*

Մի դուլար, լիքը խուշուր,  
Տղեն միջին չիլկի ա տալի:

\*

Երեսներկու ախպեր ալիք են անըմ,  
Մինը տանըմ ա:

## ԱԶՔ

\*

Բուրրը փուշ,  
Մեջը նուշ:

\*

Վեսկա օթախ,  
Մազա տախտ:

\*

Բռնեմ՝ բողբա մին,  
Բաց թողնեմ՝ աշխարհով մին:

## ԱԶՔԵՐ ԵՎ ՔԻԹ

\*

Մեզ քահիմը հոմար  
Էրգու բուր իրար չին դեսնալ,

## ՔԻԹ

\*

Մե սուն,  
Երկու տուն:

## ՈՒՆՔԵՐ

\*

Մի գինում  
Երկու կապ ճիպոտ վեր բցած:

## ԼԵԶՈՒ ԵՎ ԱԿԱՆՋՆԵՐ

\*

Խոսում է լսում չի,  
Լսում է խոսում չի:

Դուլար — պատի մեջ փորված պահարան

Խուշուր — տաշեղ

Չիլկի տալ — այստեղ մեջը խաղալ

Վեսկա — ոսկյա

Մազա — մազե

Քահիմը հոմար — սարի պատճառով

Գինում — սարալանջում

Հեսար — ցանկապատ

## ՇՐԹՈՒՆՔՆԵՐ

\*

Ասում ըմ՝ եք-եք, կելիս չի,  
Ասում ըմ՝ կյամիլ-կյամիլ, կելիս ա:

## ՄՈՐ ԿՈՒՐՇՔ

\*

Ուտիլի ա, համա սեղանին դնիլի չի:

## ՄՈՐ ԿԱԹ

\*

Քաղցր-քաղցր, ամեն ինչից քաղցր,  
Ոչ բազարում կա, ոչ էլ բազրգան կծախտ:

## ՁԵՌՔ, ՄԱՏՆԵՐ, ԵՂՈՒՆԳՆԵՐ

\*

Առակ-առակ, դաստրակ,  
Կեսը՝ գործել, կեսը՝ չգործել:

\*

Իմ հերանց տասը եզ ունեն,  
Տասն էլ՝ չազլագ:

\*

Մի ծառ կա, վրեն հինգը ճյուղ,  
Ամեն ճղկուն՝ մի տերև:

## ԼԱՉԱՌ ԿԻՆ

\*

Ուրիշ մարդու տալու չի,  
Քու տանն էլ պահելու չի:

## ՄԱՐԴ ԷՎ ՇՈՂ

\*

Նա կպակասի,  
Նա լե կեվելնա:

Կյամիլ — մի արի

Դաստրակ — սրբիչ

Չազլագ — դյուրաշարժ, կայտառ

## ՋԱՎԱԿ

\*

Ի՞նչ պտուղ է,  
Քանի խակ է քաղցր է,  
Որ հասնում է դառն է:

\*

Ինչքան չարչարում ա,  
Էնքան քաղցրանում ա:

\*

Ինչքան շատ,  
Էնքան դարդ:

## ԳԱՂՏՆԻՔ

\*

Մեկի համար քիչ ա,  
Երկուսի համար՝ շատ:

## ՀԱՐՍՏՈՒԹՅՈՒՆ

\*

Ինչքան շատանա,  
Էնքան չես կշտանա:

## ՄԻՏՔ

\*

Էն ի՞նչն ա  
Լոխան շուտ ա թռչում:

\*

Օխտը երկիր գնացի,  
Տեղս կանգնած մնացի:

\*

Կշտիդ նստեմ,  
Քռիցը ջուր խմեմ:

## ԱՆՈՒՆ

\*

Երկնքից մի բան ընկավ,  
Ամենքի վրա կպավ:

## ՄԱՀ

\*

Համ՝ գիտեմ,  
Համ՝ գիտեմ ոչ:

## ԱՅԲՈՒԲԵՆ

\*

Մին շալագյ կնեգյ՝  
Երեսունինը խոխա օնե:

## ԳԻՐՔ (ԳՐՎԱԾ ԹՈՒՂԹ)

\*

Միպտակ տափումը  
Սև ուլերը ըրածում են:

\*

Տափը՝ սիպտակ,  
Սերմը՝ սև:

\*

Սիպտագ արտեր,  
Վրեն սև վարթեր,  
Ձեռքով շաղ կենա,  
Աչքով քաղ կենա:

### ՆԱՄԱԿ

\*

Ըստեղ պաց թողամ,  
Թիֆլիզ փռնեմ:

\*

Ըստեղ ցանեմ,  
Ստամբուլ քաղեմ:

### ՔԱՐՏԵՉ

\*

Ի՞նչ բաղ ա՛ վարթ չունի,  
Ի՞նչ քաղաք ա՛ մարթ չունի:

\*

Աշխարք է, տուն չկա,  
Ծով է, ջուր չկա,  
Օր վառվի, պուտըմ ջուր չկա:

### ԴՆՈՒԵՎ ՁՈՒՌՆԱ

\*

Սարեն, ձորեն  
Ձեն գուկա,  
Չին անոթի  
Տուն գուկա:

### ՍԱՆՐ

\*

Կիճի պապան՝  
Չափար անող:

\*

Ճերմակ լեռներ,  
Սև-սև էծեր:

### ԹՈՒՂԹ

\*

Գետնին զարգես՝ չի փշրվի,  
Քարին զարգես՝ չի փշրվի,  
Ջուրը բցես՝ կհալի:

\*

Սարեն ընկամ չջարդվալ,  
Ձորեն ընկամ չջարդվալ,  
Հենց ջուր մտամ դաբաղվալ:

### ԴՆՈՒ

\*

Ձենը դմփան,  
Փորը գմփան:

### ՔՅԱՄԱՆՉԱ

\*

Ծերկս գառնում՝ խոսի գու,  
Վայ թնիմ գու՝ սուս գուլի:  
(Ձեռքս եմ առնում՝ խոսում է,  
Վար եմ դնում՝ լռում է):

### ԾԽԱԽՈՏ

\*

Ինչքան քաշում ես,  
Էնքան կարճանըմ ա:

## ԾԽԱՄՈՐՃ

\*

Ցախին ձերին փուռ մը լուսնի գու:  
(Ցախի ծայրին մի փուռ է վառվում):

\*

Պիծի-պիծի բուխարի,  
Մեջը լիքը սուխարի:

## ՍԱՓՐՎԵԼ

\*

Կալն կաշի,  
Կամն երկաթ,  
Ջուր տու, քըշի:

\*

Սլվլուն ելավ սարն ի վեր,  
Սրփեց բերեց տակնըվեր:

## ԿԱՅԾՔԱՐ

\*

Սև էծ,  
Մեջը պեծ:

## ԿԱՄՈՒՐՁ

\*

Ձին գնաց,  
Թամքը մնաց:

## ՋՐԱՂԱՅ ԵՎ ՋՐԱՂԱՅՔԱՐԵՐ

\*

Ամպը գոռաց,  
Անձրևի տեղ ձյուն եկավ:

\*

Ջուրը փորն առավ,  
Սիպտակը կողն արավ,  
Գռգռոցը ձորն արավ:

\*

Պտտեց-պտտեց,  
Տակերովը շաղ տվեց:

\*

Աշխարհ կըկշտացնե,  
Ինքը սոված կմնա:

\*

Արջը թաթերն իրար քսեց,  
Չորս կուռը սիպտակ բռնեց:

\*

Երկաթե գոմեր,  
Տռճկան եզներ:

\*

Ինձողը դար դաս՝ գուդա:  
(Ինչքան տաս՝ կուտի):

\*

Ընդրա խոքին հառվու ձեռն ա,  
Հառուն կդրավ խոքին կիդա:

\*

Երկու արջ  
Մի ձորում կռվում են:

### ԵՐԿԱՆՔ

\*

Խալիչեն փռեմ տակը,  
Զոզոան գցեմ ծակը:

\*

Մի ախպերը խելոք նստած,  
Մյուսը գլխին պար ա գալի:

\*

Նստիմ կուշտդ,  
Լըլեմ բուզդ:

### ՍՅՈՒՆ, ԳԵՐԱՆ, ԿԱՄԱՐ

\*

Մունն ասում ա՛ վայ ուսս,  
Մունն ասում ա՛ վայ մեշկս,  
Մունն ասում ա՛ վայ փորս,  
Հողն ալ ասում ա՛ էհ, ինձ հինչ:

\*

Երկու սար՝  
Կկրծեն իրար:

\*

Գուդ գուդիմ,  
Գուդիգ գնիմ,  
Կեդին ոլլին  
Դիդիկ գնիմ:  
(Կուտ կուտեմ,  
Կուտիկ կանեմ,  
Գետի ափին,  
Տիտիկ կանեմ):

### ԴՈՒՌ

\*

Կերթա-կուգա,  
Ամեն մարթու ձամփա կիդա:

\*

Հազար ելան, հազար մտան,  
Ներսոյ փաշեն տեղից չելավ:

\*

Այբ, բեն, գիմ, դա,  
Փորիդ տամ թնդա:

### ԴՌԱՆ ԲՈՆԱԿ

\*

Հարս մի ունիմ,  
Որ եկող-գնացողի ձեռքը կպագնե:



\*

Սև շունը կծկվել ա դռան վրա,  
Ոչ կծում ա, ոչ էլ մարդ ա ներս թողում:

ԿՈՂՊԵՔ ԵՎ ԲԱՆԱԼԻ

\*

Մերը նստավ,  
Չագը թռավ:

\*

Արաբստան, բստան, բստան,  
Երկու կաքավ էկան նստան,  
Մեկը թռավ, մեկը մնաց:

\*

Տիզ աղեն, տիզ-տիզ աղեն,  
Մինչև չգա տիզի աղեն,  
Չի պրծնի փորացավեն:

ԽՆՈՑԻ

\*

Էրգան քուչա,  
Մեջը փուչ ա:

\*

Կերթա-կուգա,  
Մորդ փորին բարև կուգա:

\*

Էրկու գլուխ, մի բերան,  
Փորը թափեցին, կերան:

\*

Մի ծիտ  
Մի տուն կպահի:

ԷԼԵԿՏՐԱԿԱՆ ԼԱՄՊ

\*

Արմատը գետումն ա,  
Ցողունը օդումն ա,  
Ծաղիկը տանն ա:

\*

Կախված տանձ,  
Համա ուտիլի չի:

ԷԼԵԿՏՐԱԿԱՆ ՋԱՆԳ

\*

Տռանը հոփ եմ տալի,  
Տանը ծվծվում ա:

ԽՆՈՑԻ, ԹԱՆ, ԿԱՐԱԳ

\*

Մազե ոլոր,  
Մեջը կլոր,  
Բոզ ձիավոր,  
Դեղին թագավոր:

\*

Փետե կլորանք,  
Թուկե ճլորանք,  
Դեղին թագավոր,  
Միպտակ հալկոր:

## ՃՐԱԳ

\*

Օդվին՝ ճըրին,  
Կլեխը՝ գրագին:  
(Ոտները՝ ջրում,  
Գլուխը՝ կրակում):

\*

Կով չվանով տարա ախպուր,  
Կով չխմեց, չվան խմեց:

\*

Մեր դուռ մի հատ գուլ կա,  
Գուլի միջին օձ կա,  
Օձի գլխին վարդ կա,  
Վարդի գլխին մարդ կա:

\*

Պոչով ջուր առավ,  
Բերնըմը բոց դառավ:

\*

Պզդիկ երդիկ,  
Ծածկեմ՝ խեխտիք:

\*

Կիշերվա ձաղիգ,  
Հետդ տա չըլի՝  
Կլորվուշ գըլի:  
(Գիշերվա ձաղիկ,  
Հետդ թե չլինի՝  
Գլորվել կլինի):

## ՄՈՄ

\*

Էրգըն մաղիգ,  
Ձարին ձաղիգ:  
(Երկար մատիկ,  
Ծայրին ձաղիկ):

## ՍՏՎԵՐ

\*

Ընկեր ունեմ՝ պոկ չի գալի,  
Լող եմ տալի՝ լող չի տալի,  
Շվաք տեղում մոտ չի գալի:

## ՅԱՓԼՁԻ

\*

Սև սատանեն՝  
Պատից կախ:

## ՃԱԽԱՐԱԿ

\*

Բուռի-դուռի,  
Քաչալ դուռի,  
Հաց չես կերել,  
Ջուր չես խմել,  
Փորդ կուռի:

\*

Շունը մռացրուց,  
Դուկնչը ուռացրուց:

## ԻԼԻԿ

\*

Աղիքը դրսի կռանը,  
Ինքը միջի կռանը:

## ԳՈՐԳ ԳՈՐԾԵԼ

\*

Գոքիդ նստեմ,  
Մորուքդ փխտեմ:

Առաջաբան .....	3
Երկու խոսք .....	7

ՀԵՔԻԱԹՆԵՐ, ԱՌԱԿՆԵՐ, ԶՐՈՒՅՅՆԵՐ. ԱՎԱՆԴՈՒԹՅՈՒՆՆԵՐ

Հրեղեն ձին .....	10
Լույս տվող ձուն .....	16
Գյուլսինամը .....	22
Արջն ու գելը .....	25
Անպետք մարդը .....	30
Չոբանը .....	33
Սըտանեն .....	36
Հիմար կինը և խելացի ամուսինը .....	40
Ուղտը .....	46
Մի բուռ հող .....	48
Բոստանչու աղջիկները .....	52
Աշխարհի ամենաարագավազը, ամենագերը և ամենաքաղցրը .....	55
Հոր տան գինը .....	57
Խելացի հարսնացուն .....	58
Քնկոտ պահակը .....	59
Առևտրականն ու գյուղացին .....	60
Չոբանն ու աշուղը .....	62
Ախորժակի դեղ փնտրողը .....	64
Հարուստն ու չոբանը .....	66
Պանիր օտիչը .....	68
Թաքավերը .....	69
Նոթար Միմոնը .....	70
Շաշ դոնադը .....	72
Իշի ձուն .....	74
Թե ինչու են կավե ամանները ծանր .....	76
Ազու ադի քինալը .....	78
Մոռացկոտ հարսը .....	80
Հեռատես մարդը .....	81
Զարմանում ենք, զարմանում .....	82
Մուկը մկան հետ խնամի կլինի .....	83
Խմուկ մկան պայմանը .....	86
Էծն ու գելը .....	87
Ջանավարն ու աղվեսը .....	88
Գելն ու ձին .....	91
Սողոմոն խմաստունի գաղտնիքները .....	92
Սողոմոն խմաստունն ու բիձեն .....	94
Մանգաղ շինելը .....	95
Շապուհ արքանն ու դրամ կեղծողը .....	96
Փանոսը .....	98
Չուտը .....	99

Աշուղ Չիչազն ու հոստաղները .....	100
Որսորդը .....	103
Արջն ու մարդը .....	104
Օրթմա .....	105
Աբլուսհարցի Ալոն .....	106
Ծուռ Թումոն .....	109
Լենին .....	112
Նավթի չամի .....	114
Անգախ աքլորը .....	116
Չուխա խաց կեր. . . . .	118
Գ տառի նաղը .....	121
Մինքենդ .....	122
Պերկելերի պիսպուրը .....	124
Ջաջուռ .....	125
Ուշի .....	126
ԵՐԳԵՐ, ՄԱՆԿԱԿԱՆ ԽԱՂԵՐԳԵՐ ԽԱՂԻԿՆԵՐ .....	128
ՀԱՆԵԼՈՒԿՆԵՐ .....	186
ԱՌԱՇՆԵՐ ԵՎ ԱՍԱՅՎԱԾՔՆԵՐ .....	220
ԾԱՆՈԹԱԳՐՈՒԹՅՈՒՆՆԵՐ .....	234

**ՀՐԵՂԵՆ ՁԻՆ**  
**(Քանահյուսական ժողովածու)**  
**Կրտսեր տարիքի դպրոցականների համար**

**ОГНЕННЫЙ КОНЬ**  
**(Фольклорный сборник)**  
**Для младшего школьного возраста**  
**(На армянском языке)**  
**Издательство «Советакан гրոք»**  
**Ереван — 1981**

Գեղ խմբագիր՝ **Ս. Ա. Աարգսյան**  
 Տեխ. խմբագիր՝ **Ս. Մ. Սիմոնյան**  
 Վերատպող սրբագրիչ՝ **Ս. Մ. Բուլաթյան**

Հանձնված է շարվածքի 10.06.81 թ.: Ստորագրված է տպագրության 25.11.81: Ֆորմատ 70X100<sub>16</sub>: Թուղթ՝ օֆսեթ: Տառատեսակ՝ «Արարատ»: Տպագրություն՝ օֆսեթ: 13.35 հրատ, մամ., 19,5 պայմ. տպ. մամ.: Պատվեր՝ 965: Տպաքանակ՝ 15000: Գինը՝ 1ռ. 10 կոպ.:

«Սովետական գրող» հրատարակչություն, Երևան — 9, Տերյան 91:

Издательство «Советакан грох», Ереван — 9, ул. Теряна, 91.

Հայկական ՍՍՀ հրատարակչությունների, պոլիգրաֆիայի և գրքի առևտրի գործերի պետական կոմիտեի գունավոր տպագրության տպարան, Երևան — 82, Էջմիածնի խճուղի 48:

Типография двестной печати Госкомитета по делам издательства, полиграфии и книжной торговли Арм. ССР, Ереван — 82, Эчмиадзинское шоссе, 48.